

# OleLiahona



**Ioane: Apostolo,  
Talifaaaliga, Molimau  
Vaitino, i. 18**

O Le Tala a Maria i le Avea ma Soo, i. 12

O Le Faatuatua e Taumafai Ai ma le  
Faatuatua e Fai Ai, i. 24

Iosefa Samita: Tagata Aoga o Tulafono a  
le Atua ma Tagata, i. 28

VAEGA FOU MO  
LENEI MASINA

FAASOA ATU  
**LE VAEGA FOU  
MO TAMAITI**  
O LE UO  
MA SE TAMAITIITI.

UA I AI  
IINEI LE  
EKALEΣΙΑ

# Tokyo lapani





I le Fanuatanu i Yanaka i Tokyo, Iapani, o se aiga o le Au Paia o Aso e Gata Ai, o le au Saitō, o loo asiasi atu i le fanuatanu o le latou aiga. Mo i latou, o se nofoaga o le manatua-inua, ua atili ai le paia ona o lo latou mala-malama o le talalelei e faapea e mafai ona faatasi aiga e faavavau.

O le faaaloalo mo le aiga ma tuaa e matuai loloto lava i le aganuu a Iapani, ma ua fiafia le Au Paia o Aso e Gata Ai i Iapani ona ua faamanuiaina nei lo latou atunuu i ni malumalu se tolu: Tokyo (o le uluai malumalu i Asia, na faapaiaina i le 1980 ma o loo faia se faafouga i le taimi nei), Fukuoka (na faapaiaina i le 2000), ma Sapporo (na faapaiaina i le 2016). O Iapani foi o le nofoaga lea o ni nofoaga autu e 64 a le AAG mo talafaasolopito o aiga.

Sa uluai taunuu faifeatalai i Iapani i le 1901, sa taitaia e Elder Heber J. Grant (1856-1945), a o avea ai ma se tasi o le Korama a Apostolo e Toasefululu ma avea mulimulu ane ai ma Peresitene o le Ekalesia. I le asō, ua toeitiiti 130,000 tagata o le ekalesia i Iapani i ni aulotu e 261.

- O le uluai faaliliuga o le Tusi a Mamona i le faaSapani sa alu ai le lima tausaga ma sa faamaeaina i le 1909. Sa lomia se faafouga o le faaliliuga i le 1957.
- O le falelotu muamua lava a le AAG i Aisa sa faapaiaina i Iapani i le 1964.
- O le Au Pulega Aoao e tupuga mai i Iapani e aofia ai Adney Y. Komatsu (1923-2011), sa soifua mai i Hawaii; Sam K. Shimabukuro (1925-2015), sa soifua mai i Hawaii; Yoshihiko Kikuchi, ua malolo faamamaluina; Koichi Aoyagi, ua malolo faamamaluina; Takashi Wada; ma Kazuhiko Yamashita.



# Avea ma Soo

O le lalolagi ua tatou nonofa ai e foliga mai ua fufufaina e suesue ai lo tatou tuuto atu i le avea ma soo. A o tatou suesue i le Feagaiga Fou i le tausaga lenei, e mafai ona musuia i tatou i aoaoga ma faataitaiga a lesu Keriso ma Ona soo, o e sa taumafai ia aoao mai ma avea atili e faapei o lo latou Matai.

I le avea ai ma faiaoga o le Feagaiga Fou i le lunivesite o Polika laga, sa ma fefaasoai ai ma la'u soa o Gaye Strathearn i ni manatu o i lenei lomiga e uiga i mamanu o le avea ma soo e mafai ona tatou aoao mai ia Maria, le tina o le Alii (itulau 12), ma loane le Soo Pele (itulau 18). O nei tagata e toalua sa aofia faatasi ai i nisi o molimau maoae o lesu Keriso. E ese mai i le Atua le Tama lava la, e leai se tasi e sili atu lona silafia nai lo o le tina o lesu e faapea, o la moni lava o le Alo o le Atua, ae o loane sa faitaulia faatasi ma le uluai Toasefululua ma e foliga mai sa avea ma se tasi o uo mamae a le Alii.

O le tuuto o nei ma isi soo, ua aoao mai ai ia i tatou auala e mafai ona avea ai i tatou lava ma soo pele o lesu Keriso ma tausisia ai lo tatou avea ma ni soo e ui lava i luitau o le lalolagi.

A o tatou suesue ma le agaga tatalo i le Feagaiga Fou, o le a mafai ona tatou iloa e le gata i mea e tele e uiga ia lesu ae e iloa moni lelei ai o la (tagai loane 17:3).

Ma le faamaoni lava,  
Eric D. Huntsman




8



O Le Misiona Faavavega a le Perofeta o Iosefa Samita Peresitene Dallin H. Oaks

28



O Ioane: Le Soo O Le Sa Alofaina e lesu

Eric D. Huntsman

18



Maria, le Tina o lesu  
Gaye Strathearn

12



**5 Faailoga i le Feagaiga Fou ☸**

E mafai ona tatou maua uiga i meafaitino, aganuu, talafaasolopito, ma nofoaga i le Feagaiga Fou.

**6 O Ata o le Faatuatua: ☸**

**Phan Phon—Phnom Penh, Kemupotia**

O le aso na sosoo ai ina ua uma le mu, sa matou tootutuli ai e tatalo ma ole atu i le Alii e faasino mai ia i matou le ala ma faamanuia i matou ia mafai ona matou maua se fale fou.

**8 Mataupu Faavae mo le Auaunaga:**

**O Le Faamoemoega O Le A Suia Ai A Tatou Auaunaga**

E tele mea e mafai ona tatou faia e aumai ai tagata ia Keriso a o tatou auauna atu.

**12 O Maria, le Tina o Iesu**

*Saunia e Gaye Strathearn*

E tele naua mea e mafai ona tatou aoaoina mai le faataitaiga a Maria o le faatuatua ma le tuuto.

**18 O Ioane: Le Soo O Le Sa Alofaina e Iesu**

*Saunia e Eric D. Huntsman*

E pei o le Apostolo o Ioane, e mafai ona avea i tatou ma soo alofaina o Iesu Keriso.

**24 O Vaega e Lua o le Faatuatua**

*Saunia e Elder Wilford W. Andersen*

O le faatuatua e sili atu nai lo na o le faatinoina; o le faaogatusaina o o tatou loto ma le [finagalo] o le Atua.

**28 O Le Misiona Faavavega a le Perofeta o Iosefa Samita**

*Saunia e Peresitene Dallin H. Oaks*

O molimau fitoitonu ma pepa faamatalaga faaletulafono e fesoaoani tatou te malamalama ai i le tagata na i ai Iosefa ma mea sa mafai ona ia ausia i lona soifuga.

**38 O Leo o Le Au Paia o Aso e Gata Ai ☸**

O tagata sailili e pauu mai i laau; o le talisua vave i le afioga a le Atua; sailia o tipe; o se ogamu e ola i le faatuatua.

⌚ Faitauga Vave

**I le Faavae**  
O Le Tausamaaga Mulimuli,  
saunia e Carl Heinrich Bloch.

**Vaega****Autalavou Matutua**

**42**

O le vaiai lelei o lo tatou soifua maloloina faalemaufau ma le faalelagona e taua lea i le **faatumauina o se olaga paleni ma le fiafia**. Siaki ia tusiga o le masina lenei e uiga i le faalagolago o le tagata ia te ia lava faalelagona.

**Autalavou**

**50**

Aoao i auala e malamalama ai i lou taua ma **tuputupu a'e e pei o le Faaola i vaega taua e fa**. Saili pe faapefea e le faaalia o lou alofa mo le Tama Faalelagi ona faafafiaina oe a o e **suesue i le autu o le Mutuale mo le 2019**.

**Tamaiti**

**O le vaega a tamaiti ua i ai lana ia lava mekasini, o le Uo!** Matou te faamoemoe o le a maua lelei ai e tamaiti ia tala faatupu faatuaua ua mo na'o i latou lava. Afai e leai ni tamaiti i lou aiga, faamolemole avatu le Uo fou i se tamaititi o lau uarota, paranesi, po o le pitonuu.



## SAILI NISI MEA

I le polokalama o le Potutusi o le Talalelei [Gospel Library] ma i le liahona.lds.org, e mafai ona e:

- Maua ai le lomiga aupito lata mai.
- Maua ai na'o tusiga faatekinolosi.
- Sailia lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fiafia i ai.
- Sii mai, faalogologo i, pe lolomi ia tusiga e sili ona e fiafia i ai.

## FAAFESOOTAI MAI I MATOU

Imeli mai au fesili ma manatu faaalia i le liahona@ldschurch.org.

Ia aunia mai au tala e faatupu faatuatua i le liahona.lds.org pe lafo mai i le:

*Liahona*, floor 23  
50 E. North Temple Street  
Salt Lake City, UT 84150-0023, USA

## E NA'O TUSIGA FAATEKINOLOSI E FAAALIA AI



## O Auala e 14 e Toe Maua Ai Lou Soifua Maloloina Faalelagona

*Saunia e Heather J. Johnson*

O motugaafa nei e mafai ona fesoasoani e te lagona ai lou toe pei o oe lava.



## Sueina o se Tagata Polofesa o le Soifua Maloloina Faalemafaufau e Fetaui mo Oe

*Saunia e Dr. Kevin Theriot*

Afai o loo e mafaufau e vaai se polofesa o le soifua maloloina faalemafaufau, e mafai ona fesoasoani le mea lenei e te iloa ai le mea e amata ai!

JANUARI 2019 VOL. 43 NU. 1  
**liahona 18601 890**

O le mekasini faavaomalo o Le Ekalesia i lesu Keriso o le Au Paia o Aso e Gata Ai

**O Le Au Peresitene Sili:** Russell M. Nelson, Dallin H. Oaks, Henry B. Eyring

**O le Korama a Apostolo e**

**Toasefululu:** M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

**Faatonu:** Randy D. Funk

**Faufautua:** Brian K. Ashton, Randall K. Bennett, Becky Craven, Sharon Eubank, Cristina B. Franco, Donald L. Hallstrom, Larry S. Kacher, Erich W. Kopischke, Lynn G. Robbins

**Pule Faatonusili:** Richard I. Heaton

**Faatonusili o Mekasini a le Ekalesia:** Allan R. Loyborg

**Pule o Mea Tau Pisini:** Garff Cannon

**Pule Faatonu:** Adam C. Olson

**Pule Faatonu Lagolago:** Ryan Carr

**Faasalalau Lagolago:** Francisa Olson

**Au Tositusi ma Faatonutonu:** Maryssa Dennis, David Dickson, David A. Edwards, Matthew D. Flinton, Lori Fuller, Garrett H. Garff, LaRene Porter Gaunt, Jon Ryan Jensen, Charlotte Larcabal, Michael R. Morris, Eric B. Murdock, Sally Johnson Odekirik, Joshua J. Perkey, Jan Pinborough, Richard M. Romney, Mindy Selu, Chakell Wardleigh, Marissa Widdison

**Pule Faatonusili o Faatufugaga:**

J. Scott Knudsen

**Faatonusili o Faatufugaga:** Tadd R. Peterson

**Mamanu:** Jeanette Andrews, Fay P. Andrus, Mandy Bentley, C. Kimball Bott, Thomas Child, David Green, Colleen Hinckley, Eric P. Johnsen, Susan Lofgren, Scott M. Mooy, Emily Chieko Remington, Mark W. Robison, Brad Teare, K. Nicole Walkenhorst

**Pule Faatonusili:** Richard I. Heaton

**Faatonusili o Mekasini a le Ekalesia:**

Allan R. Loyborg

**Pule o Mea Tau Pisini:** Garff Cannon

**Pule Faatonu:** Adam C. Olson

**Gaosiga:** Ira Glen Adair, Julie Burdett, Thomas G. Cronin, Bryan W. Gygi, Ginny J. Nilson, Derek Richardson, Marrissa M. Smith

**Tailolomi:** Joshua Dennis, Ammon Harris

**Faatonusili Lomitusi:** Steven T. Lewis

**Faatonusili o Faletusi:** Troy R. Barker

Mo le okaina o mekasini, alu i le store.lds.org po o le Faletusi Tutotonu i Pesega.

Teléfono 64127. Totogi o le Melasini: \$0.55 (Samoa) Tī le kopī. Totogi mo le Tausaga Atoa \$6.60 (Samoa).

**Auina atu tusitisiga ma faafesili i**

**luga o le initoneti i le liahona.lds.org:**

pe meli mai i

le *Liahona*, Rm. 2420, 50 E. North Temple,

Salt Lake City, UT 84150-0024, USA; po o

le i-meli: liahona@ldschurch.org.

**O Le Liahona** (o lona uiga i le Tusi a Mamona o le "tapasa" po o se

"faatonu") e lomia i le faa-Alepania,

Aminia (Sasa), Pisilama, Palekeria,

Kemupotia, Sepuanu, Saina, Kalaoitia,

Siekisolvakia, Tenimaka, Take, Igilisi,

Esitonia, Fiti, Finelana, Farani, Siamani,

Eleni, Hanikeri, Initu, Iselani, Intoniesia,

Italia, Iapani, Kiripati, Korea, Latvia,

**Pule i le Gaosiga:** Jane Ann Peters

City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.lds.org. (Canada Post Information: Publication Agreement #40017431)

POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

**Mo le Aufaitau i le lunaite Setete ma Kanata:** January 2019 Vol. 43 Nu. 1.

**liahona (USPS 311) Samoa (ISSN 1045-0947)** is published monthly by The Church of Jesus Christ of Latter-day Saints, 50 E. North Temple St., Salt Lake



## FAAILOGA I LE FEAGAIGA FOU

E FAAOPOOPO ATU I  
AOAOGA, E MAFAI ONA  
TATOU MAUA UIGA I MEAFAI-  
TINO, AGANUU, TALAFASO-  
LOPITO, MA NOFOAGA I LE  
FEAGAIGA FOU.

**Maugia:** "O mauga e le faigofie ona aea. I aso la, e pei foi o aso nei, na valaauiina e le Alii Ona sooo e feaei i mauga e faamamafa i ai le lavasiga o le taumafaiga ma le usiusitai. O le a la fai atu lea lava mea ia te oe, faafaataoto ma atonu e fai atu tonu foi."

**Olive:** "Sa afio mai lesu i le auvae o le Mauga o Olive e ausia ai le vaega muamua o le Togiola. O lenei mea sa la faia i le Faatoaga o Ketesemane. O le upu *Ketesemane* e sau mai aa upu Eperu e lua: *gath*, o lona uiga o le 'oomi,' ma le *shemen*, o le uiga o le 'suauu,' e faapitoa lava i [suauu] o le olive.

"O nei olive sa oomia i lalo o le mamafa o ni uilimaa tetele e tatau mai ai i fafo le suauu taua. O Keriso la i le Faatoaga i Ketesemane sa oomia moni

lava i lalo o le mamafa o agasala a le lalolagi. Sa afu o la i mataua tetele o le toto—o 'suauu' o lona soifua—ia na sau mai i puafu uma lava. (Tagai Luka 22:44; MF&F 19:18.)"



**Ulupoo:** "O le Faasatauroga sa faia i se mauga na ta'ua o Kolotoka (Eperu) po o Kalevaria (Latina) o lona uiga 'o le ulupoo.' O le ulupoo na faatusa i le oti. I se nofoaga faapenei, sa faamaeaina ai le taulaga togiola. I luga o le satauro, sa siiiae ai le Faaola o le lalolagi i luga a'e o le oti i le tulaga taua e aupito maoae i tulaga taua uma e mafai ona maua—o le iloaina ma le moni o le mana o le Alii i le oti."



**Vai:** "O le Vaitafe o loritana o le nofoaga lea sa filifili e lesu mo Lona papatisoga e loane i le 'faataunuina o mea tonu uma' [Mataio 3:15]. Pe taua le faatinoina o lenei sauniga paia i le vaega aupito maulalalo o le vai magalo i luga o lenei paneta? Mata na mafai ona la filifilia se isi nofoaga e sili atu e fai ma faatusa o le maulalalo o le o'oo'o na la afio i ai ma lea na la toe tu mai ai?"

*Manatu mai ia Russell M. Nelson, "I Lenei Laueele Paia," Liahona, Feb. 1991, 13, 17, 18.*

## Phan Phon

Phnom Penh, Kemupotia



Ina ua mu le fale o Phan, sa nao le fanau e toatolu a lana fanau sa mafai ona ia faasaoina. O isi mea uma sa mu uma i le eleele. Sa ita Phan i le tuaoi sa mafua ai le mu. Ina ua faasolo atu lona ita i lona aiga ma tuaoi, sa iloa e Phan e tatau ona ia faamagalo atu.

LESLIE NILSSON, TAGATA PUEATA

Sa ou iloainoa, o lo'u tuaoi, sa mativa foi e pei o a'u. Na te le'i faamoemoeina e amataina le mu. Afai ou te faia ia ona totogia mai, o le a oo ina afaina o ia, ma o le a ou lagonaina pea le ita. Sa ou manatua le afioga a le Alii e tatau ona tatou alolofa i o tatou tuaoi. Sa ou lagonaina e tatau ona ou faamagalo atu.

Ina ua ou filifili e faamagalo atu, sa ou lagonaina le filemu.

Sa fafia lo'u tuaoi sa ou faamagaloia o ia. Ua sili atu foi le fafia o lo'u aiga. A ou vaai i lenei mea, ou te lagona ai foi le fafia.

Sa foai mai e tagata o le au paia ma tuaoi ia ni mea sa mafai ona latou maua e fesoasoani ai i lo'u aiga. Sa tele ni araisa sa ou maua ma sa faapea ona faasoa atu i isi. Sa latou fesili mai pe aisea ua ou tuuina atu ai ae o loo i ai i se tulaga faaletonu. Sa ou fai atu ia i latou, pe a ou auaua atu i isi, ua ou auaua atu i le Alii. Sa ou fia foai atu ia te la aua sa la faia le tele o vavega ia tutupu i lo'u olaga. Ua i ai so matou fale manaia, ua lelei atu nai lo o le fale lea na mu i lalo.

### SAILI NISI MEA

Ua aoao mai e Elder Larry J. Echo Hawk le ala e mafai ai e le faamagalo atu ona fesoasoani e te agai ai i luma ma aumai ai le filemu i lou olaga. Faitau i lana savali i le [lds.org/go/1196](https://lds.org/go/1196).

E mafai ona e maua isi Atatosi o le Faatuatua i le [lds.org/go/18](https://lds.org/go/18).





# Mataupu Faavae mo le Auaunaga

## O LE FAAMOEMOEGA O LE A SUIA AI A TATOU AUAUNAGA

*E iu ina tele faamoemoega o le auaunaga, ae o a tatou taumafaiga e tatau ona taialaina e se manao e fesoasoani i isi ia ausia se liliuga loloto patino ma avea atili ai e pei o le Faaola.*


**A**tatou alolofa atu i isi e pei ona faia e le Faaola, tatou te mananao e fesoasoani atu ia i latou e pei ona sa Ia faia. I le avea ai ma Leoleo Mamoe Lelei, o Ia o le faataitaiga sili o auaunaga anoa.

O le mamanuina ai o a tatou auaunaga ia te Ia, e taua ona manatu o Ana taumafaiga ia alofa, siia'e, auauna atu, ma faamanuia sa i ai se sini maua-luga atu nai lo o le taulimaina o le manaoga o lena taimi. E mautinoa lava ua Ia silafia o latou manaoga i lea aso ma lea aso ma sa i ai le agaalofa i o latou mafatiaga i lea taimi. O lea sa Ia faamaloloina, fafagaina, faamagaloina, ma aoaoina [i latou]. Ae sa finagalo o Ia e faia ni mea e tele atu nai lo o le taulimaina o le matelaina o le aso (tagai Ioane 4:13–14). Sa finagalo o Ia ia i latou sa siomia o Ia ia mulimuli ia te Ia (tagai Luka 18:22; Ioane 21:22), iloa o Ia (tagai Ioane 10:14; Mataupu Faavae ma Feagaiga 132:22–24), ma ausia o latou gafatia paia (tagai Mataio 5:48). Ua tutusa lea ma aso nei (tagai Mataupu Faavae ma Feagaiga 67:13).

E le mafaitaulia auala e mafai ona tatou fesoasoani ai e faamanuia isi, ae afai o le sini taualuga o la tatou auaunaga o le fesoasoani i isi ia iloa le Faaola ma avea atili e pei o Ia, o le a tatou galulue agai atu i le taimi o le a tatou le toe aoaoina ai o tatou tuaoi ia iloa le Alii aua o le a tatou iloaina uma lava o Ia (tagai Ieremia 31:34).



## O Le Tauliga a le Faaola Sa Oo i tua atu o Manaoga o le Taimi Lava Lea

- 
- E i ai ni nai tagata sa faia ni taumafaiga tetele e aumai ai a latou uo ia Iesu ina ia faamaloloina i le ma'i supa. I le faaiuga sa faamaloloina e le Faaola le alii, ae sa sili atu ona naunau o Ia i le faamagaloina o le [alii] i ana agasala (tagai Luka 5:18–26).
  - Ina ua aumai e tagata i le Faaola le fafine na molia i le mulilua, o Lona taofia o le tausalaina sa faasaoina ai lona ola faaletino. Ae sa finagalo o Ia e faasaoina foi o ia faaleagaga, sa fetalai atu ia te ia, “alu ia oe, aua e te toe agasala” (tagai Ioane 8:2–11).
  - Sa auina atu e Maria ma Maretia se feau ia Iesu e talosagaina ai o Ia e maliu mai e faamalolo Lana uo o Lasalo. O Iesu, o le sa faamaloloina isi i taimi e le mafaitaulia, sa faatuai Lona taunu atu seia oo ai lava ina maliu Lasalo. Sa silfia e Iesu le mea sa mananao ai le aiga, ae o le faatuina o Lasalo mai le oti, sa Ia faamalolosia ai a latou molimau i Lona paia (tagai Ioane 11:21–27).

O a nisi faataitaiga e mafai ona e faaopoopoina i le lisi lenei?



## O Le A Se Mea e Mafai Ona Tatou Faia?

Afai o le tatou faamoemoega ia fesoasoani i isi ia avea atili e pei o le Faaola, o le a faapea ona suia ai le ala tatou te auauna atu ai. O nisi nei o auala e mafai ai e lenei malamalamaaga ona taiala a tatou taumafaiga e auauna atu.

### *Manatu 1: Faafesootai Auaunaga i le Faaola*

O a tatou taumafaiga uma lava e faia mea lelei e tauaogaina, ae e mafai ona tatou vaavaai mo avanoa e faaleleia ai la tatou auaunaga e ala i le faafesootaia i le Faaola. Mo se faataitaiga, afai o mama'i le aiga e te auauna atu i ai, atonu o le a fesoasoani se meatausami, ae o lou faaalia faatauvaa o le alofa e mafai ona faateleina e ala i lau molimau e uiga i le alofa o le Faaola mo i latou. O lau fesoasoani i galuega i le fanua o le a talisapaiaina, ae atonu e mafai ona atili anoa i le ofoina atu o se faamunuiga faaleperisitua.

Ua aoao mai Elder Neil L. Anderson o le Korama a Apostolo e Toasefululua: “O se tagata e i ai se loto lelei e mafai ona fesoasoani i se tasi e fai se pa'u [ua pa], ave se soa e potu faatasi i le fomai, fai se taumafaga o le aoauli ma se tasi o faanoanoa, pe ‘ata’ata ma fai atu talofa e faafafia ai se aso.

“Ae o se soo o le poloaiga muamua o le a faaopoopo lava e pei ona masani ai i nei faatinoga taua o le auaunaga.”<sup>1</sup>

O tala “O Mataupu Faavae o le Auaunaga” ua faamoemoe e fesoasoani ia i tatou e aoao e fetausia'i ai le tasi ma le isi—ae aua ne'i faasoaina atu o se savali i le taimi o asiasiga. A o tatou iloaina i latou tatou te auauna atu i ai, o le a uunaia i tatou e le Agaga Paia ia iloa po o le a le savali latou te ono manaomiaina e faaopoopo atu i la tatou tausiga ma le agaalofa.

## **Manatu 2: Taulai atu i le Ala o le Feagaiga**

I le saunoa atu ai i le au paia mo le taimi muamua i le avea ai ma Peresitene o le Ekalesia, na saunoa ai Peresitene Russell M. Nelson, “Ia tumau i le ala o le feagaiga.” O le osia ma le tausia o feagaiga “o le a matala ai le faitotoa i faamanuiaga uma faaleagaga ma avanoa e maua.”<sup>2</sup>

I le avea ai ma Au Paia o Aso e Gata Ai, ua papatisoina i tatou, faamauina ma maua le meaalofa o le Agaga Paia. O alii agavaa o le ekalesia e maua le perisitua. Tatou te o atu i le malumalu mo o tatou faaeega paia ma ina ia faamauina faatasi o ni aiga e faava-vau. O nei sauniga faaola ma o latou feagaiga e o mai faatasi ai, e taua lea mo i tatou ia avea ai e pei o Ia ina ia mafai ona tatou faatasi ma Ia.

E mafai ona i ai sa tatou matafaioi taua e fai i le fesoasoani atu i isi i le ala a o tatou fesoasoani ia i latou ia tausia a latou feagaiga ma saunia e osia feagaiga i le lumanaia.<sup>3</sup> E mafai faapefea ona e fesoasoani i tagata taitoatasi po o aiga e te auauna i ai ia maua le isi sauniga e sosoo ai latou te manaomia? O lenei mea e mafai ona faapea, e fesoasoani ia saunia se tama e papatiso lona afafine, faamalamalama atu i ai faamanuiaga o le isi feagaiga o le a osia, po o le faasoan atu i auala ia maua ai se aafiauga e sili atu ona anoia i le faafouina o a tatou feagaiga a o aai ma feinu i le faamanatuga.



## **Manatu 3: Valaaulia ma Faamalosiau**

I le taimi e talafeagai ai, fefautuaai ma i latou e te alofa i ai e uiga i lo latou liliu mai ma taumafaiga ia avea atili ia faapei o Keriso. Ia faailoa atu ia i latou malosiaga e te vaia ma faamemelo ai ia i latou. Sue po o fea le itu latou te manatu e mafai ona latou faaleleia atili ma talanoa i auala e mafai ona e fesoasoani ai. (Mo nisi faamatatalaga atili e uiga i le fefautuaai faatasi ma i latou e te auauna i ai, tagai “Fefautuaai e uiga i o Latou Manaoga,” *Liahona*, Sete. 2018, 6–9.)

Aua le fefe e valaaulia i latou e mulimuli i le Faaola ma faataga o Ia e fesoasoani ia i latou ia ausia o latou gafatia faalelagi. O lenei valaaulia e mafai ona suia ai olaga, pe a i ai faatasi ma se faaalia o lou talitonu ia i latou ma lou faatuatua ia te Ia.





### O Auala e Ono e Mafai ona Tatou Fesoasoani ai i Isi ia Alualu i Luma agai ia Keriso

O ni fautuaga nei mo le lagolagoina o isi i le faia o ni faaleleiga o le olaga ma agaigai atu ai i le ala o le feagaiga.

(Tagai, *Talai La'u Talalelei*,  
matapu 11, mo nisi metotia.)

### Valaaulia e Faatino

Mafaufau i auala e mafai ai e au taumafaiga e auauna atu—tetele ma laiti—ona fesoasoani i isi ia faaloloto o latou liliuga ma avea atili ai e pei o le Faaola.

**1. Faasoa atu.** Ia moni ma toa pe a faasoa atu i auala ua fesoasoani ai le Faaola ia te oe a o e taumafai e faalatalata atu ia te Ia e ala i le ola i mataupu faavae o le talalelei e ui lava ina i ai faafitauli.

**2. Folafola i ai faamanuiaga.** E manaomia e tagata se pogai e ala ai ona sui lea e sili atu ona malosi nai lo o pogai ia le sui ai. O le faamalamalamaina o faamanuiaga e faataatau i se faatinoga e mafai ona tuuina atu ai se faaosoifiaga malosi (tagai Mataupu Faavae ma Feagaiga 130:20–21).

**3. Valaaulia.** O le ola i se mataupu faavae o le talalelei e aumaia ai se molimau e faapea ua moni (tagai Ioane 7:17) ma taitai atu ai i se liuaina loloto.<sup>4</sup> E toetoe lava o fegalealeiga uma lava e mafai ona aofia ai se valaaulia faatauvaa e faia se mea o le a fesoasoani latou te agaigai ai i luma.

**4. Fuafua faatasi.** O a ni mea e manaomia ona tutupu mo i latou ia faamanuiaina ai i le tausiga o tautinoga ia sui? E mafai faapefea ona e fesoasoani? E i ai se faasologa o taimi e aafia ai?

**5. Lagolago.** Pe a aoga, atinae se upega o tagata lagolago o e e mafai ona fesoasoani i le tagata ia tumau le faaosofia ma le faamanuiaina. Tatou te manaomia uma lava se taitai aulape.

**6. Tulitatao.** Ia fesfaasoai e le aunoa i le alualu i luma. Ia tumau le taulai atu i le fuafuaga ae ia toefaalecia pe a manaomia ai. Ia onosai, tinou, ma faamalo-siau. O le liua e mafai ona alu ai le taimi.

### Faasoa Mai Ou Aafiaga

Auina mai ou aafiaga ia i matou a o e auauana atu i isi pe na e mauaina ni auauanaga. Alu i le liahona.lds.org ma kiliki le “Submit an Article po o Feedback.” ■

### FAAMATALAGA

1. Neil L. Andersen, “A Holier Approach to Ministering” (faigalotu a le Brigham Young University, Ape. 10, 2018), 3, speeches.byu.edu.
2. Russell M. Nelson, “Ao Tatou Agai Faatasi Atu i Luma,” *Liahona*, Ape. 2018, 7.
3. Tagai Henry B. Eyring, “O Afafine i le Feagaiga,” *Liahona*, Me 2014, 125–28.
4. Tagai David A. Bednar, “Faaliliuina i le Alii,” *Liahona*, Nov. 2012, 106–109.



# Maria

## le Tina o Iesu

O le tala ia Maria o se faamanatu tumau  
o tau ma faamanuiaga o le avea ma soo.

### Saunia e Gaye Strathearn

Polofoesa Fesoasoani o Tusitusiga Paia Anamua, lunivesite a Polika laga

**O** Maria, le tina o Iesu o se tasi o nai tamaitai toalaiti ua ta'ua i tusitusiga paia, ma na'o ia foi lea na valoia lona soifuaga ma le galuega i le pe tusa o seneturi ao le'i soifua mai o ia (tagai 1 Nifae 11:15, 18; Mosaea 3:8; Alema 7:10).<sup>1</sup> O tusitala o le Feagaiga Fou o Mataio, Mareko, Luka ma Ioane ua nao ni nai vaaiga laiti ua latou tuuina mai i lona olaga ma le galuega aua o le latou taulaiga sa agatonu atu i le Faaola. Ae sa tuuina atu e le ekalesia Kerisiano anamua ia Maria le faalagiga o le *theotokos*, o le “tauavea po o le tina o le Atua”<sup>2</sup> o se faamanatu o le matafaioi taua sa ia faia foi i le fuafuaga a le Tama.

Sa tusia e Elder Bruce R. McConkie (1915-85) o le Korama a Apostolo e Toasefululu: “E mafai ea ona soona maualuga atu la tatou talanoa e uiga ia te ia o le ua faamanuiaina e le Alii i tamaitai uma? Sa na'o le tasi lava le Keriso, ma e na'o le tasi foi le Maria. O i laua taitoatasi sa mamalu ma maoae i [le muai olaga], ma o i laua taitoatasi sa muaifaauuina i le galuega sa ia faataunuuina. E le mafai peitai tatou te mafaufau i le filifilia e le Tama o le agaga tamaitai aupito maoae e avea ma tina o lona Alo, e pei foi ona ia filifilia le agaga alii e pei o ia lava e avea ma Faaola. . . . E tatau ona tatou . . . faaaloalogia Maria faatasi ai ma lena faamamaluga e tatau ai lea e anaina e ia.”<sup>3</sup>

O le tala a Luka e uiga i le tala o le Folafolaga ia Maria (tagai Luka 1:26-56) ua tuuina mai ai ia i tatou se vaaiga lea e

mafai ona talisapaia lelei atili ai lenei tamaitai talavou maoae. E ala i ana fegalegaleiga ma Kaperielu ma Elisapetea, tatou te vaaia ai se tamaitai talavou o loo taumafai ia iloa lelei ma malamalama i lona valaauga tulaga ese mai le Atua. Atonu sa mamafatu tele le mamafa o le valaauga i luga o se tagata talavou tele, ae peitai sa gauai atu ma le fiafia lona finagalo i le finagalo o le Tama. O lana tala ua faamanatu mai ai ia i tatou e silafia e le Atua ia Ana fanau uma ma Na te valaaolina alii ma tamaitai masani e auai i auala tulaga ese e fesoasoani e fausia Lona malo. Sa avea o ia ma soo muamua o Iesu, ma ua faapea ona avea ai o ia o se mamanu mo i latou uma o e filifili e mulimuli ia te Ia.

### Nasareta: Aiga o Maria

O le mea e faanoanoa ai, e leai se mea o ta'u mai e le Feagaiga Fou ia i tatou e uiga i matua o Maria, lona soifua mai, po o soo se mea lava e uiga i lona olaga i Nasareta. Na faamatala e Luka ia Nasareta o se *polis*, lea e mafai ona faaliliuina a le o se aai po o se taulaga, ae e le o foliga mai o se nofoaga e taua. I fafo o le Feagaiga Fou, e le o ta'ua ai Nasareta i soo se anotusi lava scia oo i le faaiuga o le seneturi lona lua TA.

Tatou te iloa o Nasareta sa tu i luga o se maupuepue i Kalilaia pito i lalo e tilotilo ifo i le Vanu lafulemu o Jezreel, (65 maila (105 km) i matu o Ierusalema. Ua faailoa mai i suesuega o toega o mea anamua e faapea, o le seneturi muamua sa pei Nasareta o se nuu nai lo o se aai po o se taulaga foi, ma se

faitauaofai faataitai o se mea o le 400–500.<sup>4</sup> Faatasi ai ma ni nai vaega e ese ai, o le tele o le faitauaofai i Kalilaia atoa na tauivi e ola o ni tagata galulue ia ola, vaaiga o lafumanu, fagogota, ma galulue i le eleele ia tau lava ia i ai ni meaai i luga o laulau mo o latou aiga ma ia totogi a latou lafoga. Sa leai ni papuipui o le nuu; sa leai se faamaoniga e faapea sa i ai ni auala tanu po o ni faletetele iloga, pe sa faapea foi na faaaogaina ni aitema taugata e pei o maamora, ata e fai i maa ninii, po o atavali i luga o sima po o faaalo o fale, pe faapea foi sa i ai i fale ni oloa na aumai i atunuu mamao.<sup>5</sup> O fale e lua o le seneturi muamua sa eliina a'e e foliga mai o ni fale fogafalelua tauagafau e lua potumoe, o se tauluga atolau, ma se laufanua itiiti.<sup>6</sup> O le faiga o tanuga ma nisi o fasimea o kate papaamu ua faaailoa ai o i latou sa nofoia o sa Iuta ae le o Nuuese.

E ui e leai se tasi o nei mea na maua e mafai ona fesoottai tonu ia Maria po o lona aiga, ae latou te aumaia ia i tatou se vaaiga o le ituaigna olaga atonu na i ai lona olaga i Nasareta: o se teine faatauvaa na ola i se nuu maotua, e mamao mai le totonugalemu faalelotu o Ierusalema ma lona malumalu, mamalu mauluga faafaifeau, ma oa. E ui lava o se teine talavou, atonu sa galue i tafatafa o lona tina ma isi tamaitai o le nuu, lalagaina o ie, kuka, aoina mai o alala, asuina mai o vai mai tanevai a le aiga po o vaieli a le nuu, ma galue i le fanua—o ia mea uma e fesoasoani ai i lona aiga ia ola ai i lea aso ma lea aso.

## Valaauga o Maria

O le tala ia Maria o loo i le tusi a Luka e amataina i le faaali mai o le agelu o Kaperielu, le agelu lava lea na faaali i se taimi na muamua atu ia Sakaria i totonu o le malumalu (tagai Luka 1:11, 19, 26). Ina ua faaali mai Kaperielu, o Maria o se tamaitai talavou o le sa faamau o le a faaipoipo ia Iosefa (tagai Luka 1:27). E ui ina tatou te le iloa pe sa fia tausaga o Maria i le taimi lea, i aso anamua sa mafai ona fuafuaina ni tusiga mo le faaipoipoga mai lava i le taimi ao le'i oo ina usugamatua. O le faaali mai ma folafolaga a Kaperielu e faapea o Maria ua “alofaina,” ma “ua ia te oe le Alii,” ma “amuia [o ia] i fafine,” ma e tusa ai ma le Faaliliuga a Iosefa Samita o le Luka 1:28, sa “filifilia” o ia (tagai foi Alema 7:10) atonu na faaosofia ai ni lagona eseese o le fenumiai faapea ma le fefe ia Maria. E mafai ona tatou vaaifaalemafaufau po o a ni manatu atonu na fetuleni ane i lona mafaufau i lena taimi, ae atonu na aofia ai ni fesili e pei o le, “Aisea ua manatu ai le Atua e ‘amuia [a'u] i fafine?”

“Aisea ua ‘alofaina [ai a'u] e le Alii’ ae o le a foi le uiga o lea mea?” “Aisea na auina mai ai e le Atua ia Kaperielu ia te a'u ae le o se isi o tamaitai talavou i Nasareta po o Ierusalem?” Ioe, o ia e mai i le aiga o Tavita (tagai Luka 1:32; Roma 1:3), ae e itiiti se uiga o lena mea i lalo o le nofoaiga a le fitafita a Roma. Ma le isi, o ia sa na'o se tamaitai talavou mai se aiga faatauvaa, na nonofo i se nuu faaletaua. E pei ona fesili mulimuli ane ai Natanielu, “E mafai ea ona tupu o se mea lelei mai Nasareta?” (Ioane 1:46).

E le o talia e Kaperielu soo se fesili ia atonu na faatumulia ai le mafaufau ma le loto o Maria. Nai lo o lena, sa faaauau atu lana savali: o le a to o ia, ae ua le na o soo se tamaitiiti lava. O lana tama o le a ta'ua o le “Alo o le Silisili Ese” ma o le a maua-inia “le nofoaiga a lona tama o Tavita” (tagai Luka 1:32–33). I se isi faaupuga, sa ta'u atu e Kaperielu ia Maria o lana tama o le a avea ma Alo o le Atua ma le Mesia na folafolaina. Afai sa fenu-mia'i ma fefe Maria ao lei faia mai lenei faasalalauga, e mafai ona tatou vaaifaalemafaufau i le faateteleina o lona fefe i le uma ai o lena faasalalauga.

Sei o tatou mafaufau i le mataupu faavae e tasi ua aoao mai e le vaega lenei o le tala ia Maria e uiga i le avea ma soo. O le fuafuaga a le Atua mo Maria sa le o se mea lea sa ia talosagaina! Sa faaali mai Kaperielu ia Sakaria ona sa tatalo i laua ma Elisapeta mo se tamaitiiti faavavega, ae na sau o ia ia Maria i lalo o ni tulaga e matuai ese lava: e le ina ia faataunuu ai se talosaga, ae ia ta'umalele mai le finagalo o le Atua mo ia. Faatasi ai ma lana faaipoipoga o loo loma, atonu sa manatu Maria e uiga i le pe mafai ona [ia] mauaina se fanau i le lumanai. Ae e ui ina sa i ai se malaga'i o le faamoemoe mo le mesia i le faaIutaia i le seneturi muamua, mata na mafaufau Maria o ia, o se tamaitai faatauvaa talavou mai Nasareta, o le a avea ma tina o le Mesia? Ailoga. O le auga e faapea, o valaauga o le avea ma soo e masani ona manaomia ai ni fetuunaiga i fuafuaga o o tatou olaga faaletagata lava ia.

Sa taulai atu e Luka ana faamaumauga i tautinoga e uiga ia Kaperielu ona sosoo ai lea ma Elisapeta. Ae e tolu ni taimi ua faamatalatala manino e Maria ona manatu ma lagona.

## O Se Fesili Musuia

O le muamua o lana fesili ia Kaperielu, “A faapefea le mea nei, auā ou te lei iloa se tane?” (Luka 1:34). E tusa ai ma tulaga [e pei ona i ai], o lana fesili o se fesili talafeagai. E faamanatu atu ai i le aufaitau le fesili a Sakaria, “Pe faapefea



*Safaali atu le agelu o Kaperielu ia Maria ma le savali ofoofofogia e faapea, “amuia o ia i fafine” ma o le a ia fanauina le Alo o le Atua.*

ona ou iloa le mea nei? [o lona uiga, e faapea o le a fanaua e Elisapeta se tama tane]” (fuaiupu 18). Ae e ui o lana fesili ua faailoa atu ai le masalosalo e uiga i le tali a Kaperielu i se tatalo na faia e ia lava o Sakaria i le Atua, o le fesili a Maria o loo sailia ai le faamaninoga e uiga i le finagalo taumalele a le Atua mo ia. O fesili e lemaalofia pe a luiina e valaaulia a le Atua ia soo e siitia le pa ma o ese mai i o latou nofoaga lagolelei, ae o fesili musuia e taitai atu ai i faaaliga.

O le tali a Kaperielu i le fesili a Maria na oo mai i ni vaega se tolu:

1. Muamua, sa ia ta’u atu ia Maria, “E afio ifo le Agaga Paia i luga ia te oe” (fuaiupu 35). O le Agaga Paia o le mana lea e faalauteleina ai ia soo i augatupulaga uma i o latou valaauga. Na aoao mai Peresitene Thomas S. Monson (1927–2018), “Manatua, o le galuega lenei e le o sau galuega na o oe po o sa’u galuega na o au.” “O le galuega lava a le Alii, ma pe a tatou i ai i le galuega a le Alii, ua

agavaa i tatou mo le fesoasoani a le Alii. Ia manatua o le ua valaauna e le Alii, e faaagavaaina e le Alii.<sup>7</sup> Ona tuuina atu lea e Kaperielu ia Maria ia faamatalaga e fitoitonu i lona tulaga: “E faamalumalu ifo foi ia te oe, le mana o le Silisili Ese:<sup>8</sup> o le mea lea e ta’ua ai le tama paia, o le Alo o le Atua” (fuaiupu 35).

2. Lona lua, ua ta’u atu e Kaperielu ia Maria e uiga ia Elisapeta, o se tasi o loo feagai ma se maitaga e talitutusa faavavega, e ui ina le tutusa (tagai i le fuaiupu 36). O le maitaga o Elisapeta o se faailoga ia Maria e le o tuua na’o ia, e tusa o loo i ai se isi tagata o loo i ai se iloa o le mea o loo tupu ia te ia.
3. Lona tolu, ua tautino mai e Kaperielu e aunoa ma se masalosalo, “Aua e leai lava se mea e tasi e le mafaia e le Atua” (fuaiupu 37). Sa faia e le Atua le mea faigata ina ua maitaga Elisapeta.<sup>9</sup> O le tautinoga a Kaperielu o se faamanatu i augatupulaga uma e faapea, a tatou tali atu i valaaulia a le Atua, e mafai ona tutupu vavega.



O tala ia Maria ma Elisapeta ua lalagaina e ala i lo laua alolofa ma le lagolago mo le tasi ma le isi i taimi o puapuaga.

### O le Usiusitai o se Soo

O le tali lona lua na faaleoina e Maria i le tala ua faaalia ai, i lo'u mafaufau, le tautinoga ma le manatu o se soo: "Faauta o a'u nei o le auauna a le Alii; ia faia ia te au e tusa ma lau fetalaiga" (Luka 1:38). O le "auauna" e faailoa ai ua filifili Maria e talia le valaaau na tuuina mai e le Atua ia te Ia. O le

faamatalaga lenei o le tala lea a Maria o le mea o le a tautala ai lana Tama tane i Ketesemane, "aua le faia lo'u loto, a o lou finagalo" (Luka 22:42). E ui e foliga manino mai i le vaega lenei o lana malaga, e le mafai ona malamalamoia o ia i mea uma o le a manaomia mai ia te ia—sa valoia mulimuli atu e Simona ia te ia e faapea "e tu'ia foi lou lava loto ia ati i le pelu" (Luka 2:35)—ae ui i lea, sa filifili lava Maria e agai i luma ma le faatuatua.

"Ona aluese ai lea o le agelu ia te ia" (Luka 1:38). Ina ua aluese Kaperielu, sa tuua loa na'o Maria. E ui o le faia e se soo o ni tautinoga e pei o ia faia a o i ai se avefeau faalelagi, o le a se mea na te faia nei aua o lea ua alu le agelu? E faapefea ona ia faamatalaga atu lenei aafia i ona matua? ia Iosefa? O le a le tau patino ia te ia pe afai e le talitonu i latou po o tagata o loo nonofo i Nasareta ia te ia? O pumoomoo o lona olaga i Nasareta o le a faapea nei ona faigata mo ia.

O lea na ia toe manatuaina ai le vaega lona lua o le tali a Kaperielu i lana fesili ma alu atu loa i le fale o Elisapeta. O lenei foi la, ua toe milo faatasi ai ia tala amata e lua a Luka. O le taimi lava na faafeiloai ai e Maria ia Elisapeta, "Ona osooso ai lea o le tama i lona manava, ua faatumuina foi Elisapeta i le Agaga Paia: Ua alaga ia, ua leotele, ua faapea mai, Amuia oe i fafine, amuia foi lē a fanau mai ia te oe" (Luka 1:41–42). O lana viiviiga na taitaiina e le Agaga na faamautuina ai le mea na uma ona tautino atu e Kaperielu e uiga i le amuia o Maria i fafine uma. O lenei ua maua e Maria se molimau vaaitino lona lua i lona valaauga, ae na oo mai ina ua uma ona ia talia ma le fiafia le valaauga.

O le tala ia Maria ma Elisapeta o se faamanatu o ni vaega tetele se lua i olaga o soo i onaponei. O se faamanatu o le taua maoae faafaailoga i le fatu o Aualofa i le lalolagi atoa: o tamaitai o tausaga eseese ma i vaega eseese o le olaga e o mai faatasi e lagolago ma sapasapai le tasi ma le isi i taimi o puapuaga. O se faamanatu foi e le tuulafoaia e le Atua i latou ua Ia valaauna i o latou taimi o puapuaga ae e masani ona Ia tali mai e ala i le siomiaina o i latou i aao o isi o e ua Ia valaauna foi.

### O Le Viiga

O le lagona faaalia mulimuli o Maria ua lauiloa o le Viiga ma o lona faailoaga o le olioli e tali atu ai i tautinoga a Elisapeta. Ua ia faaalia ona lagona e uiga i le mea ua faaalia i lona olaga ma e atagia ai lona malamalamoia fou ua maua e uiga i lona tulaga i le fuafuaga a le Atua. O le mea muamua lava ma le sili,

ua ia lagona e faalautele, avatu le viiga i le, ma faamamaluina lona Atua, o lea ua ia olioli ai o lona Faaola (tagai Luka 1:46–47). Ua ia vaia i lona aafiaga le alofa mutimutivale fai-faipea o le Atua, i le mea moni e faapea, ua Ia filifilia se tasi e “faamaulaloina” e pei o ia (tagai fuaiupu 48–50) ma faapea foi i le mea moni e faapea, ua Ia filifilia o ia e faatinoina se matafaioi tutotonu i le faataunuina o le feagaiga faaAperaamo (tagai fuaiupu 54–55).

“Ua nofo Maria ma [Elisapeta] pe tolu masina, ona foi ai lea o ia i lona aiga” (fuaiupu 56). O lenei la ua sauna lelei atu Maria e faataunu lona valaauga paia.

### O le Faataitaiga a Maria mo i Tatou

Ua avesea mai soo i onaponei mai le tala ia Maria e ala i le aganuu ma le 2,000 o tausaga. Ae ui i lea, o lana tala o se faamanatu tumau o tau o le avea ma soo. Ua faamoemoe mai le Atua i Ona soo e tulai atu i valaaulia na Te tuuina mai ia i latou. Ua faamanatu mai e Peresitene Russell M. Nelson ia i tatou e faapea, “Na fetalai mai le Atua i taimi uma i Ana fanau o le feagaiga e fai ni mea faigata.”<sup>10</sup> Sa leai se alofaga o Maria, ma e faapena foi ia i tatou. O le tatou lu'i o le, ia i ai le faatuata e gauai atu ai o tatou loto i Lona [finagalo], ia talia Ana valaauga ma le faatuata faapea o le a faalautele e Lona Agaga i tatou i Lana galuega. Ua faamanatu mai foi e Bonnie H. Cordon, le Peresitene Aoao o Tamaitai Talavou, ia i tatou e faapea, “e mafai ona tatou faia mea faigata,” ma faapoopo mai, “ae e mafai foi ona tatou faia ma le olioli.”<sup>11</sup>

I le avea ai ma soo i onaponei, o le a la tatou Viiga o le a i ai? O le a faapefea ona tatou faaalia lo tatou olioli i lo tatou Atua? O le a faapefea ona tatou faaalia le matagofie o Lona alofa mutimutivale i o tatou olaga? O le a faapefea ona tatou maua auala e patipatia ai la tatou vaega i le faataunuina o le feagaiga faaAperaamo i o tatou aso? Atonu o loo i ai lava ni auala e mafai ona tatou aoao mai ai i le tala matagofie a Maria i le avea ma soo. ■

### FAAMATALAGA

- E malamalama foi Mataio o Maria o le faataunuuga o le valoaga a Isaia e uiga i se taupou o le o le a aumaia se atalii e igoa ia Emanuelu (tagai Isaia 7:14). O lona sii mai o le “o se taupou” e mai i le seneturi lona lua TLM o le faaliliuga Eleni o le Isaia, lea sa faaaogaina e Kerisiano anamua ma o loo faaaogaina i le King James Version o le Isaia 7:14.
- I le lomiga o le 1830 o le Tusi a Mamona, 1 Nifae 11:18 o loo faamatala ai foi Maria o “le tina o le Atua.”
- Bruce R. McConkie, *The Mortal Messiah*, 4 vols. (1981), 1:326–27, footnote 4.

- Tagai James E. Strange, “Nazareth,” *Anchor Bible Dictionary*, 4:1050; Jonathan L. Reed, *Archaeology and the Galilean Jesus: A Re-examination of the Evidence* (2002), 131.
- Tagai Reed, *Archaeology and the Galilean Jesus*, 131.
- Tagai Ken Dark, “Has Jesus’ Nazareth House Been Found?” *Biblical Archaeology Review*, vol. 41, no. 2 (March/April 2015), 54–63; tagai foi Ken Dark, “Early Roman-Period Nazareth and the Sisters of Nazareth Convent,” *The Antiquities Journal*, vol. 92 (2012), 37–64.
- Thomas S. Monson, “Tiute o Valaauga” *Liahona*, Iulai 1996, 51.
- O le upu Eleni e faaliliuina o le “faamalumalu” (*episkiazō*) o le upu lava lea e tasi na faaaoga i le faaliliuga Eleni o le Feagaiga Tuai e faamatala ai le ao na alu ifo i luga o le falefetafa'i ina ua mae'a. Na faamatalaina ai le mamalu o le Alii.
- Sa faapena foi le fetalaiga a le Alii ia Aperaamo ina ua la iloaina ma Sarai o le a la fanauina se tama i lo la soifua matutua (tagai Kenese 18:14; Roma 4:19–21)
- Russell M. Nelson, “Tutu Atu o ni Tagata Moni o le Meleniuma,” *Liahona*, Oke. 2016, 49.
- “Bonnie H. Cordon: Peresitene Aoao o Tamaitai Talavou,” *Liahona*, Me 2018, 129.



# O Ioane

## le Soo O Le Sa Alofaina e lesu

O tusitusiga i le Feagaiga Fou e fesootai ma Ioane  
le Soo Pele ua faailoa mai ai o ia o se faiaoga ma  
o se faataitaiga mo lo tatou lava avea ma soo.

### Saunia e Eric D. Huntsman


Polofesa Fesoasoani o Tusitusiga Paia Anamua, Iunivesite a Polika laga

**I**le mavae ai o Peteru, atonu o Ioane le soo aupito sili ona lauiloa o uluai Apostolo e Toasefululua a Iesu. O ia ma lona uso o Iakopo, sa i ai faatasi ma Peteru i nisi o taimi aupito sili ona taua o le galuega a le Faaola i le tino, ma sa masani ona fesootai o ia ma tusi eseese e lima i le Feagaiga Fou.<sup>1</sup> O lona latalata patino i le Alii o loo fautuaina mai i le Ioane 13:23: “Ua taoto ane foi i le fatafata o Iesu le tasi o ona soo o le ua alofaina e Iesu.” I le aluga o tausaga, o faatufugaga Kerisiano ua atagia ai lenei ata, o i ai le ata o Ioane o se alii talavou, e masani ona faalagolago atu i aao o le Faaola. O le afuaga lenei o lona faalagiga tulaga ese, o Ioane le Soo Pele, ae o lana molimau vaaitino ma le misiona ua faaalia ai vaega o le avea ma soo e mafai ona tatou faasoaina uma.

### Ioane, le Atalii o Sepetaio

O le igoa faaEperu o Ioane, *Yohanan*, o lona uiga “Ua agalelei mai le Atua.” O le tele o faamatatalaga ua tatou iloa e uiga ia te ia ua mai i Evagelia muamua e tolu, lea o loo faamatala ai le tala o le galuega a le Faaola i le tino e matele lava mai le manatu faaalia lava e tasi. Ua latou ioe uma lava o Ioane o le atalii o se alii faifaiva faamanuiaina i Kalilai a igoa ia Sepetaio, o le sa anaina lana lava vaa ma sa mafai ona ia fafaigaluegaina ni tagata faigaluega i le aso e fesoasoani ia te ia ma ona atalii i la latou galuega. O Ioana ma lona uso o Iakopo, sa i ai foi se latou faiga faapaaga ma le auuso o Peteru ma Aneterea, ma sa tuu e i latou uma nei e toafa a latou pisinisi faifaiva ina ua valaaui i latou e Iesu e mulimuli atu ia te ia i le avea ma soo i le olaga atoa.<sup>2</sup>





*O le tali atu i le valaau a Iesu, “ona la [Ioane ma Iakopo] tuua lea o lo la tama o Sepetaio i le vaa faatasi ma auauna, ua la mulimuli atu ia te ia” (Mareko 1:20).*

E ui ina e le’i toe ta’ua mai i Evagelia ia Sepetaio, ae o le tina o Iakopo ma Ioane sa faapea ona avea ma se soo o Iesu, sa fautua ia Iesu e fai ma sui o ona atalii ma sa auai i le Faasatauroga.<sup>3</sup> E masani ona faailoaina i le igoa Salome, o le tina o Iakopo ma Ioane atonu sa o se uso o Maria, le tina o Iesu, ma avea ai i laua o ni tausoga muamua o Iesu ma e aiga ia Ioane le Papatiso.<sup>4</sup>

E lei leva ona mavae lona uluai valaauga, ae molimauna e Ioane le tele o vasega ma aoaoga muamua a le Alii.<sup>5</sup> O le vaaia o nei vasega ma le faalogo atu i aoaoga e pei o le Lauga i luga o le Mauga, sa le masalomia le sauniaina ai o Ioane mo le taimi na valaaquina ai o ia e Iesu e avea ma se tasi o Ona Apostolo e Toasefululua.<sup>6</sup> E uiga i nei molimaufaapitoa, o Peteru, Iakopo, ma Ioane na fausina ai se lio ogatotonu o soo vavalalata o e sa i ai faatasi i taimi taua o le galuega i le lalolagi a Iesu.

- I le faatuina mai o le afafine o Iairo, o le vaaitino i le mana o le Alii i luga o le oti.<sup>7</sup>
- I le Mauga o Liua, lea sa latou vaai ai ia Iesu o faaalia Lona mamalu ma faalogoina le

siufogoga o le Tama o molimau mai o Iesu o Lona Alo o le ua Ia fiafia i ai.<sup>8</sup>

- I le Mauga o Olive mo Lana valoaga faaiu e uiga i aso amuli.<sup>9</sup>
- I le Faatoaga o Ketesemane, lea sa latou latalata i ai a o amatalia e le Faaoala Lana galuega maoae o le Togiola.<sup>10</sup>

E pei foi ona tuuina atu e Iesu Keriso ia Simona le igoa faaopoopo o *Kefa* po o Peteru, o lona uiga o le “papa,” sa Ia tuuina atu foi ia Iakopo ma Ioane le faalagiga *Poaneki*, po o “atalii o le faititili.”<sup>11</sup> Ona sa latou fesili atu ia Iesu pe e tatau ona latou valaa ia pau ifo le afi i luga o se nuu o tagata Samaria o e sa teena o Ia (tagai Luka 9:51–56), o lenei igoa faaula e ono fautuina ai, sa le itaitagofie i latou pe sa matuai loto malosi foi. Ae peitai, atonu sa pei lava sa silafagamua le igoa e uiga i molimaunamana e ono avea ai i latou, e pei o le igoa o Peteru sa le atagia tele i lona natura tuuto i le taimi muamua ae fealoaisolo e pei ona faia i lona mausali ma malosi ina ua mavae le Toetu o Iesu.<sup>12</sup>

I le tauina mai o Ioane i tusi o Galuega, sa faaalia mai o ia o se soa malosi ma tumau a Peteru. Sa i ai

Ioane faatasi ma Peteru ina ua ia faamaloloina le tagata pipili i le malumalu, ma sa laua talai malosi atu i luma o taitai Iutaia o Ierusalem. Sa malaga faatasi ia Aposetolo e toalua i Samaria e faaee atu le meaalofa o le Agaga Paia i luga o tagata Samaria o e na aoaoina ma papatisoina e Filipi.<sup>13</sup>

Peitai, o tusitusiga e fesootai ma Ioane lea o loo sili atu ona vaaia ai o ia o se molimau mamana o le paia o lona matai ma le uo, o Iesu Keriso. O nei tusi o le Feagaiga Fou o loo faaalia ai Ioane o se faiaoga ma o se faataitaiga mo lo tatou lava avea ma soo.

### Soo Pele

O le mea e malie ai, e le'i ta'ua lava le igoa o Ioane i Evagelia e pei ona masani ona faasino'a'i ai o ia. E na'o le faatasi ona ta'ua i le Evagelia a Ioane ia atalii e toalua o Sepetaio, i le mataupu mulimuli, lea sa avea ai i laua ma nisi o na soo e toafitu ia na feiloi i le Alii toetu e lata i le Sami o Kalilaia. Ae peitai, e oo lava foi iina, e le o ta'ua ai o laua igoa. Nai lo o lena, o le mea masani, na lagolagoina foi e upu faasino i tusitusiga paia o le Toefuataiga,<sup>14</sup> ua faailoaina ai o Ioane le "soo [e le mailoa] sa alofaina e Iesu" o le sa i ai i le Tausamiga Mulimuli, i le Faasatauroga, i le tuugamau avanoa, ma i le faaali mulimuli mai o Iesu i le Sami o Kalilaia.<sup>15</sup>

Atonu o ia foi sa avea ma le "isi soo" o le, faatasi ai ma Anetere, sa avea ma soo o Ioane le Papatiso ma faalogoina o molimau o ia o Iesu o le Tamai Mamoe a le Atua (tagai Ioane 1:35–40), ma atonu o ia o le soo lea sa o atu faatasi ma Peteru ina ua mavae le pueina o Iesu ma fesoasoani ia Peteru ia mafai ona oo atu i le maota o le fataulaga sili (tagai Ioane 18:15–16).

I le Evagelia a Ioane, na aliae mai le soo pele o se ue vavalalata ma patino o le Alii. Faatasi ma Maretia, Lasalo, ma Maria, o Ioane ua pei o le ao le faamatalaina i lenei Evagelia o le ua alofaina e Iesu (tagai Ioane 11:3, 5). O lona nofoaga i le laulau i le taimi o le Tausamiga Mulimuli e le gata ina atagia ai le mamalu ae faapea foi le latalata.

O tua atu o lana faauoga ma le Faaola, ua faaalia i isi fuaitau o ia o se molimau mamana o mea aupito sili ona taua na tutupu i le misiona a Iesu: sa tu o ia i lalo o le satauro e molimau i le malii o le Alii o se taulaga mo agasala, sa tamoe atu i le tuugamau ina ua mavae le Toetu e faamautu ai sa avanoa, ma sa vaai i le Faaola toetu.

E faalua ona ta'ua i le Evagelia a Ioane e faapea, e faavae i luga o le molimau vaaitino o le soo alofaina ma faamamafa mai ai o lana molimau ua moni,<sup>16</sup> o se mea ua faapea ona faaluaina ai le toe faaulatalaina e Iosefa Samita o le Evagelia o "Le Molimau a Ioane."<sup>17</sup>

A o finau ai le au popoto i le faasinomaga o le soo pele, afai o ia o le Aposetolo o Ioane, o lona uiga o ia lea o le punavai o anomea i le Evagelia, pe afai e le o lona uluai tusitala.<sup>18</sup> Aisea la na tumau ai ona le ta'ua lona

igoa, sa le'i faailoaina tonu mai o le Aposetolo o Ioane? Atonu o se vaega o le tali ona sa ia fuafuaina ia ana lava aafiaga ia avea o ni faailoga mo e faatuatua ma soo i augatupulaga uma lava. E ala i le tumau ona le faailoaina, e mafai ai ona ia faataga i tatou e vaaifaalemafaufau ia i tatou lava i totonus o ona aafiaga, aoao i auala e alofaina ai e le Alii ona maua ai lea o la tatou lava molimau vaaitino, ona faapea lea ona valauauna i tatou e faasoa atu i isi.

*"O le soo lena e molimau  
i ia mea, ma na tusia ia  
mea: ua tatou iloa foi  
e moni lava lana mau"*  
(Ioane 21:24).

### O Tusi: 1, 2, ma le 3 Ioane

E pei o le Evagelia a Ioane, e leai se tusi o tusi e tolu na faasino'a'i ia Ioane na ta'ua tonu mai ai lona igoa. Ae ui i lea, o le 1 Ioane, lea e matele o se tala faaleaoaoga faavae nai lo o se tusi mo'i, e valalata lava le fesootaiga ma le Evagelia i lona sitaili ma autu, lea e aofia ai le taua o le alofa ma le usiusitai, o autu na aoaoina e le Faaola i le tala a Ioane i le Tausamiga Mulimuli.

Sa tusia ina ua uma le Evagelia, o loo amata le 1 Ioane i le folafolaina mai o le molimau a le tusitala e uiga i le Alii o Iesu Keriso, "sa i ai lava mai le amataga, na faapea ona matou *faalogoina*, na faapea ona matou *vaai i ai* i o matou lava mata, na faapea ona matou *vaai atu i ai, ma uuina i o matou lima*, e uiga i le Upu o le ola" (1 Ioane 1:1; ua faamamafa le faatusilima). E ese mai le toeta'ua o laina amata o le Evagelia a Ioane, ua faamamafa mai e le tusitala lana molimau mamana, patino, ma faaletino e uiga ia Iesu Keriso, o le sa avea ma Upu a le Atua ua avea moni ma tagata.

O Kerisiano anamua, o uluai aofia a le tusi, na pagatia moni i le mavaevae o totonu faatasi ma se vaega o e sa taliaina talitonuga le sa'o e uiga i le tuua e Iesu o le Ekalesia.<sup>19</sup> I le 1 Ioane, o le tusitala e le gata o se molimau; o ia o se pule na valaauna e faasa'o ia aoaoga faavae sese ma tetee atu i faamata'u i le faatuatua mai aneti Keriso ma agaga sese (tagai 1 Ioane 2:18–27; 4:1–6). O lana misiona ia faapea foi ona uunaia i latou o e tumau i le faamaoni e ala i le faasoa atu o upumoni aoga e uiga i le Atua ma Keriso ma le taua o le faaauau pea i le faatuatua ma le amiontonu.

I le 2 Ioane ma le 3 Ioane, ua ia faaalia mai o ia lava o “le toeaina” ma faaauau ona faamamafa mai le taua o le alofa ma le usuisitai ma le matautia o faiaoga sese ma i latou o e teena le pule tatau o le Ekalesia.<sup>20</sup>

O nei tusi uma e tolu ua aoao mai ia i tatou le taua o le faaauau pea o le tuuto i le Iesu Keriso ua faaalia mai.

### O Le Talifaaaliga

Mai i tusi e lima na faasino'a ia te ia, e na'o le Faaaliga o loo faaaogaina moni le igoa o Ioane, e faatolu ona faailoa mai ai lona tusitala i le igoa lena i ona fuaiupu amata (tagai Faaaliga 1:1, 4, 9). E ese mai i le faailoaina o ia lava o le auauna a le Atua, e leai se isi faailoaga ua tuuina mai e le tusitala o lona tulaga po o le valaauga, ae o le toatele o taitai Kerisiano anamua na talitonu o ia o Ioane, le Atalii o Sepetaio.

Ua faamautu mai e le Tusi a Mamona ma le Mataupu Faavae ma Feagaiga e faapea, sa tuuina atu i le Aposetolo o Ioane se tiute faapitoa ia maua ma tusia ia faaaliga vaaia sa ia mauaina.<sup>21</sup> O se tusi lavelave ma malosi i faafailoga, sa fuafuina le Faaaliga ia faamafanafana ma toefaatupulaia le lototele i le au Kerisiano na puapuagatia i sauaga po o tofotofoga i augatupulaga uma a'o le taimi lava foi lea, e faali mai ai le matafaioi a Iesu Keriso i le talafaasolopito atoa.

E ui e lua aso esese na tuuina mai mo le taimi sa tusia ai e Ioane le Faaaliga—o se aso i le amataga o le TA 60 i le taimi o le nofoaiga a le taitai o Neru ma se aso mulimuli ane i le vaitau o le TA 90 i le taimi o le taitai o Tomitiana—o ia aso uma o se mea o le mavae ai o le faamaturoina o Peteru, ma avea ai Ioane o le Aposetolo sinia sa totoe na soifua.

Peitai, o lona valaauga, sa le na ona ia maua ma faamaumau ia faaaliga vaaia o loo i le tusi. I se tasi o ana faaaliga vaaia, sa ta'u atu ai e se agelu ia Ioane le Talifaaaliga e ave se tamai tusi, po o se tusitaai, ma ia taumafalia. Sa suamalie muamua i le gutu, ae sa oona i lona manava, lea sa faaliliuina e Iosefa Samita o se faatusa i lana misiona e fesoasoani e faapotopoto mai Isaraelu o se vaega o le toefuataiga o mea uma (tagai Faaaliga 10:9–11; Mataupu Faavae ma Feagaiga 77:14). O lenei misiona sa mafai ona faia ona o le auaunaga faifaipea a Ioane ina ua uma ona liua o ia. E ui sa fetoa'i ia le au fai manatu, anamua ma onaponei e uiga i le uiga o le fetalaiga a le Alii ia Peteru e faatatau i le mea e tupu ia Ioane i le faaiuga o le Evagelia (tagai Ioane 21:20–23), sa maua e Iosefa Samita se faaaliga e faamautu ai o le misiona a Ioane o le a faaauau pea a o avea ai o se tagata liua seja oo

ina toe foi mai le Faaola, (tagai Mataupu Faavae ma Feagaiga 7:1–6). I nisi faaupuga, sa le gata ina vavaloo o ia e uiga i aso faaiu, ae o lana misiona e aofia ai le fesoasoani e faataunu nei valoaga faapea foi ma le molimauina o le faataunuuga o mea sa faaalia atu ia te ia.

E ui atonu e le matuai mataina a tatou lava misiona, ae o le faataitaiga a Ioane ua aoao mai ia i tatou, o lo tatou alolofa mo Iesu Keriso e taitai atu ai tatou ia talia o tatou lava valaauga ma luitau i le olaga, e tusa lava po o le a le oonasuamalie e foliga mai ai i nisi o taimi.

*“O le mea lava lenei ua  
tatou iloa ai e alolofa i  
tatou i le fanau a le Atua,  
pe a tatou alolofa i le Atua  
ma tausi i ana poloaiga”  
(1 Ioane 5:2).*


### Avea o i Tatou Lava o ni Soo Alofaina

O Ioane sa o se tasi o sui taitai o uluai Aposetolo e Toasefululua a Iesu, o le sa i ai se sootaga vavalalata patino ma le Faaola, ma sa auauna atu i ni matafaioi taura e avea ma Ana molimau, o se taitai o le Ekalesia ma o se talifaaaliga. Ae o le auala na ia filifilia e faaalia ai o ia lava o le soo pele i le Evagelia o loo tauaveina lona igoa, na mafai ona avea ai o ia ma se faataitaiga mo i tatou uma i o tatou lava tulaga o le avea ma soo. Mai ia te ia, ua tatou aoao ai o le avea ai ma soo o Iesu Keriso, e mafai e i tatou uma ona malolo i aao o Lona alofa, o lea alofa e sili atu ona atoatoa ona tatou iloaina e ala i sauniga e pei o lena na Ia faavaeina i le Tausamiga Mulimuli. E mafai foi ona tatou

tutu faafailoga i lalo o le satauro, ma molimau atu na maliu Iesu mo i tatou, ma tamomoe ma le faamoemoe ia iloa e i tatou lava ua toetu le Alii. E pei o Ioane, i le avea ai ma soo pele, o lo tatou valaauga o le, ia faasoa atu lena molimau vaaitino i isi, molimau atu i le moni ma le faataunuina o soo se valaauga e oo mai ia i tatou seia oo ina toe afio mai le Alii. ■

#### FAAMATALAGA

- O le mea e malie ai, e na'o le tusi o Faaaliga o loo ta'u tonu mai ai o lona tusitala o Ioane (tagai Faaaliga 1:1, 4). E leai se Evagelia, e aofia ai le Ioane, o faailoa mai lona tusitala. Ae peitai, o agamasani a le au Kerisiano anamua, na faailoa mai ai le faatusa o le soo pele i le Evagelia a Ioane faapea ma le Apostolo o lona igoa lena. Mo se talanoaga e uiga i faamaloniga, soalaupulega a le aufaitofa, ma le vaaiga loloto o le Toefuataiga e faataau i lenei faailoga, tagai i le faamatalaga 17. O le tusi 1 Ioane e faapena foi ona le faailoa lona tusitala, ae o lona sitaili ma autu o mataupu e felata'l lava le fesootaiga ma le Evagelia a Ioane. O tusi o le 2 ma le 3 Ioane ua na ona faasino'a i "le toeaina" ae o le masani a Kerisiano anamua ua fesootaia ai i latou i le tusitala o Ioane ma le 1 Ioane.
- Tagai Mareko 1:19–20; tagai foi Mataio 4:21–22; Luka 5:10–11. O le toteate o le au faitofa e ioe o le Mareko sa tusia muamua, o se taimi i le ogatotonu o le vaitau o le 60 TA, ae o le Mataio ma le Luka sa tusia i se taimi i le vaitau o le 70 TA po o le amataga o le vaitau o le 80 TA. O se taunuuga, o le faitauina muamua o mau mai le Mareko e mafai ai ona tatou iloa auala na faaopoopo atu ai pe fetuuani ai e Mataio ma Luka ia talia na i ai muamua.
- E ui o le Mareko 10:35–37 o loo tusia ai e faapea sa faantuina Iakopo ma Ioane e saofafai i le itu taumatau ma le itu tauagavale o Iesu i Lona malo, ae ua faaopoopo mai le Mataio 20:20–21 o lenei talosaga sa sau moni mai lo lauatin. Mo lona i ai i le Faasatauropa ma mulimuli ane i le tuugamau avanoa, tagai Mataio 15:40; 16:1–8; tagai foi Mataio 27:55–56; Luka 23:49, 55; 24:1–10; ma le Ioane 19:25.
- Mo nisi talanoaga e uiga i nei sootaga e ono i ai ia Salome, faapea foi ma nisi faamatalaga i tua atu i le aiga ma le pisimisi faifaiava o Sepetaio, tagai R. Alan Culpepper, *John, the Son of Zebedee: The Life of a Legend* (2000), 7–23.
- Tagai Mareko 1:21–31, 40–45; 2:1–12; 3:1–6; tagai foi Mataio 8:1–4; 9:1–8; 12:9–14; Luka 4:33–39; 5:12–15, 17–26; 6:6–11.
- Mo le Lauga i luga o le Mauga, tagai Mataio 5–7. Mo le valaauga o Ioane ma isi uluai Apostolo, tagai Mareko 3:13–19; tagai foi Mataio 10:2–4; Luka 6:13–16.
- Tagai Mareko 5:37; tagai foi Mataio 9:23–26; Luka 8:51, e ui ina e le o ta'ua e Mataio ia igoa o Peteru, Iakopo ma Ioane.
- Tagai Mareko 9:2–10; tagai foi Mataio 17:1–8; Luka 9:28–36.
- Tagai Mareko 13:3–37.
- Tagai Mareko 14:32–34; tagai foi Mataio 26:36–38.
- Tagai Mareko 3:17. O le Poaneki o le mea moni o se faaliliuga faaEleni o le upu Aramaika *bene regesh* po o le r'm, o lona uiga "o atalii o le vavao po o le faiitili."
- Tagai Culpepper, *John, the Son of Zebedee*, 38–40, 50.



- Tagai Galuega 3:1–11; 4:1–21; 8:14–17.
- Tagai Mataupu Faavae ma Feagaiga 7; 77; 88:141.
- Tagai Ioane 13:23; 19:26, 34–35; 20:2–10; 21:1–14, 20–25; tagai foi Culpepper, *John, the Son of Zebedee*, 57–69.
- Tagai Ioane 19:35; 21:24–25; tagai foi Ioane 20:30–31.
- Tagai Joseph Smith's *New Translation of the Bible: Original Manuscripts*, faasa'oina e Scott H. Faulring, Kent P. Jackson, ma Robert J. Matthews (2004), 234.
- Mo faataitaiga o talanoaga a le au faitofa e uiga i le faasinomaga o le soo pele, tagai Culpepper, *John, the Son of Zebedee* 72–85, ma le Raymond E. Brown, *An Introduction to the Gospel of John*, faasa'oina e Francis J. Moloney (2003), 189–99. Mo le Apostolo o Ioane a le o le punavai po o le tusitala o le Evagelia a Ioane, tagai Richard Neitzel Holzapfel, Eric D. Huntsman, and Thomas A. Wayment, *Jesus Christ and the World of the New Testament* (2006), 126–27, and my own recent treatment in "The Gospel of John" i le *New Testament History, Culture, and Society* (2018), ed. Lincoln Blumell.
- Tagai Raymond E. Brown, *The Epistles of John* (The Anchor Bible, vol. 30 [1982]), 49–55, 71.
- Tagai Culpepper, *John, the Son of Zebedee*, 90–95, ma le Holzapfel, Huntsman, and Wayment, *Jesus Christ and the World of the New Testament* 274–77.
- Tagai Holzapfel, Huntsman, and Wayment, *Jesus Christ and the World of the New Testament*, 281–82, ma e faapitoa lava i le 1 Nifae 14:18–27; Eteru: 4:16; ma le Mataupu Faavae ma Feagaiga 7:1–3; 77.

*O se molimau mamana o  
mea aupito sili ona taura na  
tutupu i le misiona a Iesu,  
sa tu Ioane i vae o le satauro  
e molimau i le maliu o le  
Alii o se taulaga mo agasala,  
sa tamoe atu i le tuugamau  
ina ua mavae le Toetu e  
faamautu ai sa avanoa, ma  
sa vaai i le Faaola toetu.*



O le faatuatua ia  
Iesu Keriso ma Lana Togiola  
o le faatuatua lea e selesele ai.  
O faatuatua lea i Lona mana,  
ae le a oe.





Saunia e Elder  
**Wilford W. Andersen**

O Le Fitugafulu

# O Vaega e Lua o le Faatuatua

**S**a i ai Liae ma lona aiga i le vao mo na o ni nai aso ae poloaiina e le Alii e toe auina atu ona atalii i Ierusalem e aumai papatusi apamemea mai ia Lapana. E le masani ona tatou patipatia ia atalii faalogogetata e toalua o Liae, o Lamana ma Lemuelu, ae o le mea moni sa mananao i la'ua e o. Sa lava lo laua faatuatua, e taumafai atu i ai.

Sa talosagaina e Lamana, ma Lemuelu mulimuli ane ma o laua uso, ia Lapana mo papatusi. Sa aveesea ia tamaoaiga a le aiga o lenei auuso ma na toeitiiti a aveesea ai ma o latou ola i le taumafaiga. O le taimi lea, na faatoilaloina ai le faatuatua o Lamana ma Lemuelu, ma sa sauni i laua e togli le solo. O Nifae i le isi itu, sa i ai lona faatuatua e faatoilalo ai le matautia ma le lotovaivai.

“O soifua le Atua, o ola foi i tatou, tatou te le o atu i lo tatou tama i le vao, seia uma ona faia e i tatou le mea ua poloaiina ai i tatou e le Atua.

“O le mea lea ia tatou faamaoni ai i le tausiga o poloaiaga a le Atua” (1 Nifae 3:15–16).

Ona faaaoga lea e Nifae lona faatuatua tele, sa aumaia papatusi mai ia Lapana, ma toe foi atu ma ona uso i lo latou tama i le vao.

E foliga mai e lua vaega maioio o le faatuatua. O le vaega muamua o le faatuatua e taumafai ai, le faatuatua e sasau ai a tatou selesaito. O le vaega lona lua o le faatuatua e fai ai. E sili atu

nai lo o le faatuatua e sasau atu ai lau selesaito—o le faatuatua lea e selesele ai.

Sa i ai ia Lamana ma Lemuelu le faatuatua e taumafai ai, ae sa ia Nifae le faatuatua e fai ai. Sa lava le faatuatua sa i ai ia Lamana ma Lemuelu e sasau ai a laua selesaito, ae sa lava le faatuatua o Nifae e selesele ai.

O lena eseegesa laitiiti i le va o le faatuatua e sasau atu ai a outou selesaito ma le faatuatua e selesele ai, o le a faia ai le eseegesa uma i o outou olaga. Ina ia toe nonofo faatasi ma lo tatou Tama Faalelagi ma ia ola i ni olaga manuia ma le fiafia i le lalolagi, tatou te manaomia ai ona atinae le faatuatua e selesele ai.

Ua tatou maua ni folafolaga matagofie mai i le Alii—o folafolaga o le fiafia ma le olioli i lenei olaga ma le faaeaga i le olaga a sau. Peitai o luitau ma faafauli o o tatou olaga i aso taitasi e tele ina faatamaia ai o tatou faamoemoe. E foliga mai ua matuui mamao tele lo latou nuu o le folafolaga, ma o le lemautonu, e amata ai ona tatou masalosalo.

Tatou te manatu, “e le mafai ona ou ausia lena sini pe maua lena faamanuia.” “E mautinoa lava sa mafaufau le Alii i se isi tagata i le taimi sa Ia faia ai na folafolaga.”

Leai, *sā* mafaufau o Ia ia te oe ma ia te a'u. Pau le mea tatou te manaomia o le lava o le faatuatua ia maua ai o tatou faamanuia—o se faatuatua e matuai malosi e faapea ai ona liua o tatou folafolaga i le lumani i ni mea moni i le taimi nei. Tatou te manaomia le faatuatua e selesele ai.

O le a tonu lava lenei faatuatua, ac e faapefea ona tatou atinaca?



Ia tatalo i aso taitasi  
ina ia faamanuia oe  
e le Tama Faalelagi i  
manaoga amiontonu  
ina ia faagatusa  
lou loto ma Lona  
[finagalo].

### **Ia Faatuatua ia Iesu Keriso**

Muamua, e le pei o le faatuatua e sasau ai a outou selesaito, o le faatuatua e selesele ai e le o le faatuatua ia te outou lava. E le tutusa ma le talitonu o le tagata ia te ia lava po o le uiga o le mautinoa faalemafaufau. E le o le faatuatua foi i lou aiga po o uo—o ia mea uma e lelei. O le faatuatua e selesele ai o le faatuatua ia Iesu Keriso ma Lana Togiola. O faatuatua lea i Lona mana, ae le a oe.

Ina ua valaaquina a'u o se peresitene o le siteki i le Siteki a Mesa Arisona Maricopa, sa valaaulia ai i ma'u ma lo'u toalua e Elder W. Mack Lawrence, o le sa avea ma Pulega Aoao a Fitugafulu i le taimi lea, i totonu o le ofisa o le peresitene o le siteki ma tuuina mai le valaauga. Sa ou taliaina ma le usiusitai. Ona ia valaaulia lea o i ma'u e o atu i le potu o fautua maualuga ma mafaufau ai ma le agaga tatalo ni tamalii e fautua atu e avea ma o'u fesoasoani. Ao o'u ulu atu i le potu, sa ou vaaia ai ata o peresitene uma o le siteki o e sa auauna muamua atu i le siteki talu ona faavaeina, ma sa ou lagona le lotovaivai. O i latou o ni taitai maoae i le Ekalesia ma i le lotoifale.

Sa ou tilotilo atu i lo'u toalua ma faapea atu, "Kathleen, ailogā e mafai ona ou faia le mea lenei. Ou te le lelei pei o i latou."

Sa ia faapea mai, "Ia aua e te fai mai i le mea lena ia te a'u. E tatau ona e talanoa ia Elder Lawrence."

Sa ou te'i ina ua ou fai atu ia te ia, ou te manatu e le mafai ona ou faia le valaauga, sa tali mai Elder Lawrence, "Ia, ou te matea e sa'o oe."

Ona ia faapea mai lea, "E le mafai ona e faia, Uso Andersen, ae e mafai e le Alii. O loo ia te Ia le mana e fai ai Lana galuega,

ma afai o le a e agavaa ma galue malosi, o le a Ia faia. O le a e vaai i ai."

Ma sa Ia faia.

O le faatuatua e sasau atu ai lau selesaito, o le faatuatua lea e taumafai ai. O le faatuatua o le tagata ia te ia lava, ma e aluese atu i le taimi e faigata ai se tulaga. Ona amata lea ona tatou masalosalo. Ae o le faatuatua e selesele ai o le faatuatua lea i le Alii o Iesu Keriso. E le taitai lava fo'i.

### **Faaogatusa Lou Loto ma le Finagalo o le Atua**

Ina ia faaali le faatuatua e selesele ai, e ao ona tatou mautinoa o tutusa o tatou manaoga ma faamoemoega ma le finagalo o le Atua. E le mafai ona tatou faaalia le faatuatua e selesele ai pe afai e le finagalo malie le Atua i le seleselega. Ina ia maua Lana fesoasoani, e ao ona faaogatusa o tatou loto ma Lona [finagalo].

Ona o le perofeta o Nifae i le tusi a Helamana sa o se tagata amiontonu ma faamaoni, sa fetalai atu ai le Alii ia te ia," O le a ou faamanuiaina oe e faavavau; ma o le a ou faamamanaina oe i le upu ma mea e fai, i le faatuatua ma galuega; ioe, e oo lava i le faia o mea uma ia te oe e tusa ai ma lau upu." Ta'i maoae lea folafolaga. Ona faaopoopo mai lea o le Alii, "Ona e te le ole mai i se mea ua le tusa ai ma lo'u loto" (Helamana 10:5).

Ma ua ta'u mai e Moronae le mea lenei ia i tatou: "Ma ua fetalai mai Keriso: Afai tou te faatuatua mai ia te au o le a outou maua le mana e fai ai soo se mea e tatau ai ia te au" (Moronae 7:33).

O le faatutusaina o o tatou manao i le finagalo o le Atua, e ao ona muamua atu i le faatuatua e selesele ai.

A o laiti o'u atalii, sa latou taaalo ai i au pasiketipolo a le aoga maualuga. I aso na, sa masani ona faia a latou tatalo o se au a o le'i amataina ia taalogia taitasi. A o ou matamata mai i luga o tulaga, sa masani ona ou mafaufau po o a ni mea sa latou tatalo atu ai? Afai sa latou tatalo ia manumalo i le taalogia, sa le'i i ai i a latou tatalo le faatuatua e selesele ai. Sa manino le faamaonia o lenei mea e ala i le aofai o taalogia sa latou faiaina ai. O le mea moni sa le'i tutusa le finagalo o le Alii ma lo latou manao ia latou manumalo i taalogia uma.

I se isi faaupuga, o le a fesoasoani le Atua ia te i tatou ia ausia na'o sini lava e lelei mo i tatou. E mafua ona e alofa o Ia ia i tatou, ma e sili atu Lona silafia nai lo o i tatou i mea e lelei mo i tatou. Ma pe tatou te le faafetai ea ona o lena mea? E tatau ona tatou tatalo i aso taitasi ina ia faamanuia i tatou e le Tama Faalelagi i manaoga amiontu ina ia faagatusa o tatou loto ma Lona [finagalo]. E tatau ona tatou aoao e tatalo e pei ona sa faia e le Alii i le Faatoaga i Ketesemane, ina ia aua le faia o tatou loto, ao lona finagalo (tagai Luka 22:42). Ona faatoa mai ai lea ona tatou faaalia le faatuatua e selesele ai.

### Alu e Galue

O le vaega lona tolu e tatau ona muamua atu i le faatuatua e selesele ai o le galue. Ua faamanino mai e le Apostolo o Iakopo e faapea, e mate le faatuatua pe a leai ni galuega. O le faatuatua e sasau atu ai a tatou selesaito e manaomia ai le talitonu, ae o le faatuatua e selesele ai, e tele atu mea e manaomia ai nai lo na o le talitonu. Sa tusia foi e Iakopo, e oo lava foi i tiapolo e talitonu ma gatete (tagai Iakopo 2:17, 19).

Sa ou faalogo i se tala e uiga i se tama o le sa matauina lona afafine laitiiti o tootuli i tafatafa o lona moega, ma tatalo ina ia puipui e le Tama Faalelagi ia manulele laiti mai le ulu atu i se mailei manulele sa fauina e lona tuagane i le pito i tua o le latou fanua. Mulimuli ane i lena aso, sa faapea ona popole le tama. Sa ia iloaina o le mailei sa o se mailei lelei lava. Sa ia fesoasoani i lona atalii i le fauga.

"Sa ou faalogo o e tatalo ananei i le taeao ina ia puipui e le Tama Faalelagi ia manulele laiti mai le mailei a lou tuagane," sa ia fai atu ai i lona afafine. "Peitai o nisi o taimi e tutupu ai mea e faanoanoa ai e tusa lava pe tatou te tatalo ia aua ne'i tutupu."

Sa ia tali mai, "Ou te iloa lava o le a ia le mauaina ni manulele, Tama."

"Ou te fiafia tele i lou faatuatua, [la'u] pele," o le tala lea a le tamā. "Ae afai na te mauaina ni manulele, ou te faamoemoe o le a le afaina ai lou faatuatua."

"Na te le mauaina, Tama," sa ia fai mai ai. "Ou te iloa na te le mauaina."

Sa fesili atu le tama, "E mafai faapefea ona e maua se faatuatua tele faapena?"

"Aua ina ua uma la'u tatalo," sa tali mai ai lona afafine, "Sa ou alu atu i tua ma kiki lana mailei manulele ina ia malepe."

E lelei le tatalo mo faamanuia a le Tama Faalelagi. Ae a uma ona tatou fai atu amene, e tatau ona tatou o e galulue. E le mafai ona tatou faamoemoe i le Alii e tataia o tatou tulagavae pe afai tatou te le naunau e faaminoi o tatou vae. Pe tatau foi ona tatou ole atu ia te Ia e faia mo i tatou mea e mafai ma e tatau ona tatou faia mo i tatou lava.

E tatau ona tatou galulue i le ausiaina o a tatou sini amiontonu, ma e ao ona tatou galulue malolosi i le tausiga o polo-aiga. O le mana moni o loo i a tatou feagaiga ma le mana moni o loo i le faatuatua e selesele ai e le iloa pe a tatou faaiuina ma le mautinoa e tausia e le Atua Ana folafolaga ae o le pe a tatou faaiuina ma le mautinoa e tausia a tatou [folafolaga]. O le upu-monu maoae o le mea lena e faaliliua ia folafolaga i le lumanai i mea moni i le taimi nei. E tatau ona tatou galulue.

Aua le lotovaivai i ou toilaloga ma measese, ae ia tumau pea i au taumafaiga ma ia pulunaunau. O le faatuatua e selesele ai e le manaomia ai le atoatoa, ae e manaoamia ai le maelega.

Ou te valaaulia outou e atinae le faatuatua e selesele ai. Ia tuu mausali lou faatuatua i lo tatou Faaola o Iesu Keriso ma i Lana Togiola. Ia mautinoa e ogatasi ou manao ma ia tutusa ma Lona finagalo. Ona alu loa lea e galue ma lou loto atoa, manatu, mafaufau ma le malosi atoa faapea ma le pulunaunau e le vaivai, ma le maelega. E leai se luitau, leai se faafitalui, leai se papupuni e le gauai atu i le faatuatua e selesele ai. ■

*Mai se saunoaga i le faigalotu, "The Faith to Reap," na tuuina atu i le Iunivesite o Polika Iaga-Idaho i le aso 17 o Mati, 2015.*



### FAAALI ATU LOU FAATUATUA


"Ua na o le Tasi lava le tagata e saogalemu ai i taimi uma lou faatuatua, o le Alii o lesu Keriso. Ma e manaomia ona faaali atu lou faatuatua!"

*Peresitere Russell M. Nelson, "Ia Faaali Atu Lou Faatuatua," Liahona, Me 2014, 29.*

O LE MISIONA  
FAAVAVEGA A LE

PEROFETA O

*Joseph  
Smith*





JOSEFA SAMITA LE MITI, NA SAUNIA E WILLIAM WHITAKER; LITOKALAFI MAI FAAAOLOGA A LE CHURCH HISTORY LIBRARY

**U**a ou filifili e talanoa e uiga ia Iosefa Samita, o le Perofeta ma o le tagata. I le talanoa ai e uiga ia te ia, ou te faamoemoe o le a ou saofaga ai i lou malamalamaaga i ausiga tulaga ese ma le faavavega o le uluai perofeta o le lenei tisipenisione.

O le fesootaiga o le malamalama ma le molimau e uiga ia Iosefa Samita i le galuega faafafeautalai, e taua tele. Ua tatou iloa uma lava, o nisi o tagata sailiili e talia ia aoaoga faavae autu o le talalelei e le mafai ona talaina le mea moni e faapea, sa asiiasi mai le Tama ma le Alo i se [taulealea] e 14 tausaga le matua, ma e faapea sa ia faaliliuina le Tusi a Mamona ma avea ma perofeta e pei ona tatou iloa ai o ia. O tagata e i ai faafaigata i le Perofeta o Iosefa Samita, e tatau ona aoao mai le aoaoga lenei a Peresitene Russell M. Nelson:

“O le misiona a Iosefa i le olaga nei sa muai faauuina. O lona mafaufau maatalialei ma le mama sa matai i faatonuga a le Alii. Ae peitai, i tulaga faatonuina a le lalolagi, o Iosefa sa matuai le talafeagai lava. Ma o lana galuega i le avea ai ma Perofeta o lenei tisipenisione mulimuli sa foliga mai sa matuai faigata lava. O lenei faataitaiga ua faaalia ai se mataupu faavae lea e masani ona moni i le ala e galue ai le Alii: Na Te faaaogaina tamavalevale ia ausia ai mea faigata!”<sup>1</sup>

E taua tele le i ai i a tatou faifeautalai se molimau i le paia o le valaauga ma le galuega faavavega a le Perofeta o Iosefa Samita.

O a'u o se tagata aoga ua 65 tausaga o le soifuaga o Iosefa Samita. Sa ou fanau i le 1932, i le taimi faatoa sili teisi lava ma



**Saunia e Peresitene  
Dallin H. Oaks**

Fesoasoani Muamua  
i le Au Peresitene Sili

E tele atu  
mea na ausia  
e Iosefa  
Samita nai  
lo o mea ua  
mafai ona  
ausia i se  
taimi puu-  
puu lava e se  
tagata soi-  
fua. E na o  
le pau lava le  
faamatalaga  
e mafai ai o  
le fesoasoani  
faalelagi.

*I le taimi o lona maliu, sa  
auauna atu Iosefa Samita i le  
avea ma se pulenuu o Navu  
ma le kovana lutena o le  
Vaegaau a Navu.*

le 100 tausaga le matua o le Ekalesia. Ou te talitonu ua ou masani i Au Paia o Aso e Gata Ai faamaoni o lenei seneturi lona lua. Matou te le'i feiloi ia Iosefa Samita, ae matou te manatu ua matou iloa o ia, ma matou te alo-lofa ia te ia e ala i mea sa ia faaalia mai ma aoaoina mai. O i matou o molimau o le moni o le valoaga faafatusolo e faapea, “e faitau miliona o le a iloa ‘Uso Iosefa.”<sup>2</sup>

### I. Iosefa Samita, o le Perofeta

Ua tatou iloa uma lava o Iosefa Samita o le luuai perofeta o lenei tisipenisione, o le tufugaaao i le Toe-fuataiga a le Alii. Ae o le a le mea na toefuatai mai e le Alii e ala i lenei perofeta? E le o tagata uma o le Au Paia o Aso e Gata Ai (ma ni nai tagata le lolotu) ua silafaina le malamalama le tele o faaopoopoga sa musuia ai e le Alii le Perofeta o Iosefa e fai i aoaoga faavae faakerisiano. O se lisi puupuu lenei:

- O le natura o le Tama, le Alo, ma le Agaga Paia.
- O galuega faatatau a nei sui e toatolu o le Aigaatua ma lo Latou sootaga i tagata soifua.
- O le natura o le Pau o le tagata.
- O le faamoemoega o le olaga faitino i le faalauteleina o le fuafuaga a le Tama mo Ana fanau ia maua lo latou faasinomaga e faavavau.
- O le matafaioi o le Togiola a Iesu Keriso, i le faa-mautinoaina o le tino ola pea ma le tuuina mai o le avanoa mo le ola e faavavau.
- O le matafaioi a faaipoipoga faalelalolagi ma faava-vau i le fuafuaga a le Tama.
- O matafaioi taua o le perisitua ma sauniga i le fuafuaga a le Tama.
- O le matafaioi o malumalu ma sauniga sui i le fuafuaga a le Tama.
- O le malamalama e faapea, e finagalo le Atua ia faasaoina uma Ana fanau ma o tagata uma lava sa soifua i luga o lenei lalolagi—pe sa iloaina Iesu Keriso i na taimi pe leai—e mafai ona maua le lagi aupito mauluga pe a mavae lenei olaga.
- O faia o punavai tafatolu o le upumoni e uiga i le tagata ma le atulaulau: saienisi, o tusitusiga paia, ma faaaliga faifai pea.

O soo se tasi e suesueina e oo lava i se vaega itiiti o lenei lisi—po o se tagata talitonu pe le talitonu—e



ao ona faailoa mai o Iosefa Samita e tu i le mataivai o se auvai tele o manatu faalelotu lotoa ma fou ma faapelepele. A o tatou faitau i le *Tala'i La'u Talalelei*, o le atoatoaga o le talalelei sa toefuatai mai i le lalolagi e ala mai ia Iosefa Samita.<sup>3</sup>


Atonu na e maitauina sa le'i ta'ua faapitoa atu i la'u lisi le aumaia e Iosefa o le Tusi a Mamona, o se lomiga fou o tusitusiga paia, ioe, ua faapea ona avea ma punava i le tele o na manatu faalelotu fou. O lena tusi e alagatatau ona ta'ua faapitoa. O lona igoa ua tautino mai ai lana galuega aupito sili ona taua: “O Se Tasi Molimau ia Iesu Keriso.” Ae peitai o tua atu o lena matafaioi taua, e tele isi mea o i ai. O se faamatalaga lenei a se tagata tusitala atamai e uiga i le tusi:

“Ua tuuina mai e le *Tusi a Mamona* se faamoemoe fou mo Amerika: o le avea ma se malo o le amiontonu nai lo o se malo o le saolotoga. E ese mai i le faateleina o le oa ma le letutusa, o le *Tusi a Mamona* e tau-lagolago i le faamoemoe o e matitiva. . . . E ese mai i faigamalo faaripaperika, e na te tuuina atu tulafono amiontonu e ala i faamasino ma tupu i lalo o le tulafono a le Atua. E ese mai i se Tusi Paia ua atoatoa ma tapuaiga e le ofoo fogia, o le *Tusi a Mamona* e tu mo faaaliga faifaipea, vavega, ma faaaliga i malo uma. E ese mai i le masalosalo, na te faalauiloa atu talitonuga; e tetee atu i le lotonuu faasausili, o se Israelu o le atulaulau. Na te muaivaaia mala mo le atunu pe afai e sili atu le fiafia i oa, tetee i faaaliga, ma tagata ma agaifanua o Nuuese i lo o le amiontonu, faaaliga, ma Israelu.”<sup>4</sup>

E sili atu le taua o le mea na saunoa lata mai nei ai ia Peresitene Nelson e uiga i le Tusi a Mamona: o “le meafaigaluega o le a ausiaina ai le folafolaga o le faapotopotoga o Israelu.”<sup>5</sup>

*Sa soifua mai Iosefa  
Samita i le aso 23  
o Tesema, 1805 i  
Sarona, Vermont, ISA.*

Ua tu Iosefa  
Samita i le  
matavai o  
se auvai tele  
o manatu  
faalelotu lotoa  
ma fou ma  
faapelepele.



A o tatou faitau  
i le *Tala'i La'u*  
*Talalelei*, na saunoa  
le Perofeta o Iosefa  
Samita e faapea,  
o le Tusi a Mamona

o "le maaautu o le tatou tapuaiga."<sup>6</sup>

O le toatele o tagata e le o ni Au Paia o Aso e Gata Ai, latou te le silafia le saofaga maoae a Iosefa Samita i manatu faalelotu. I se suesuega lauiloa i le atunu atoa, sa maua ai e le faatautai palota o Gary Lawrence e faapea, e toeitiit i le afa o tagata sa ia suesueina e manatu o le Au Paia o Aso e Gata Ai e motuese ma faalilolilo ma i ai ni "talitonuga e matuai ese lava."<sup>7</sup> Ina ua ia fesili atu i tagata na faatalanoa, "O le a le talitonuga autu o le Mamona?" e na'o le tasi mai le toafitu e mafai ona faamatala mai se mea e taulalata i le manatu o le toefuataiga po o le toefaatuina o le uluai faatuatuaga Kerisiano. E talitutusa foi, ina ua fesiligia e se isi suesuega faalemalo ia tagata na tali mai e faamatala o latou lagona e uiga i le tatou

tapuaiga, e leai se tagata e toatasi na fautuaina mai le manatu e uiga i le faakerisiano na uluai i ai po o le toefuataiga.<sup>8</sup>

O nei taunuuga e faamanatu mai ai ia i tatou, e le tatau ona tatou tuu atu a tatou faifeautalai e taumateina le tele o le malamalama e uiga i la tatou faatuatuaga. Atonu na faalogo i latou o loo latou aoaoina i le upu *Mamona*, ae e le tatau i faifeautalai ona taumate e faapea, o le toatele ua i ai e oo lava i le malamalama aupito anamua o mataupu faavae faigofie o la tatou faatuatuaga.

## II. Iosefa Samita, o le Tagata

O nisi nei o o'u lava manatu e uiga i le soifuaga maoae o Iosefa Samita.<sup>9</sup> O le Iosefa Samita na ou feiloi i ai i a'u suesuega patino, e matele lava

i Ilinoi, ISA, o se tagata o le tuaoi—talavou, lagona loloto, aumalosi, ma alofagia tele ma faigofie ona talanoa atu i ai ona tagata, o lea sa masani ai ona latou valaauiua o ia ia “Uso Iosefa.” O le faatusatusaina o lona talavou sa faaululolo’u i lana galuega faaperofeta. Sa 14 ona tausaga i le taimi o le Uluai Faaliga, 21 i le taimi sa ia maua ai papatusi auro, ma sa na’o le 23 i le taimi na uma ai ona ia faaliliuina le Tusi a Mamona (e le sili atu ma le 60 aso faigaluega).

E sili atu ma le afa o faaaliga o loo i totonu o la tatou Mataupu Faavae ma Feagaiga na tuuina mai e ala i lenei perofeta ina o 25 ona tausaga po o le laitiiti ifo foi. Sa 26 o ona tausaga i le taimi na faatulagaina ai le uluai Au Peresitene Sili, ae na sili teisi atu ma le 33 i le taimi sa faasaoina ai mai le faafalepuipuina i Misiuri ma toe faaaauai ai le taitaiga o le Au Paia. Sa na’o le 38 ma le afa ona tausaga i le taimi na tagatavaleina ai o ia.

I le taimi puupuu o lona soifuaga, sa sili atu faigata faaletino na oo ia Iosefa Samita. Po o se mea o le fitu ona tausaga, sa tigaina ai o ia i se taotoga matuitui le tiga i lona vae. Ona o le mativa o lona aiga, sa itiiti ai ni ana aoaoga aloaia ma a o talavou sa faamalosia o ia e galue mo ni itula uumi e fesoasoani ai ia i ai meaai i luga o le laulau a le aiga. Sa sauaina faaletino o ia i le tele o taimi. I le taulotoaiga o le taumafai e faataunu ia tiutetauave ogaoga o lona valaauga paia, sa tatau ona galue o ia o se faifaatoaga po o se faatauoloa e saunaia ai mea e ola ai lona aiga. Sa ia faia lea mea e aunoa ma meaalofa ofoofogia faaleagaga ia na lagolagoina ai o ia i lona valaauga faaperofeta. Na fetalai atu le Alii ia te ia e faapea “e le maua le malosi i galuega faaletino, ona e le o lou valaauga lea” (Mataupu Faavae & Feagaiga 24:9).


I mataupu faaleagaga, sa leai ni tagata e faataitai i ai Iosefa Samita ina ia mafai ona ia aoao ai auala e avea ai ma se perofeta ma se taitai. Sa faapea ai ona ia faalagolago i luga o ana aumea na leai ni potomasani. Sa tauivi o ia faapea ma i latou ma sa aoao faatasi. Sa matuai vave ona maua e Iosefa lona malamalamā ma le tulaga faatagata matua. Sa le fesiliglia le i ai o ana meaalofa tulaga ese. E pei ona tatou tautatala ai i aso nei, o ia o se “tagata e vave lana pu’e [aoao].” Sa fai mai o ia, sa aoaoina o ia e avefeau faalelagi ma e ala i isi faaaliga mai le Atua, ma ou te talitonu ia te ia.

O se tasi o ana meaalofa patino sa faamaonia lava i le alofa ma le faatuatuaina e tagata maoae o e sa mulimuli ia te ia. Ina ua lu’i e Iosefa ia tagata sa mulimuli ia te ia e faatoilalo o latou le atoatoa faaletino, na te le’i tuu o ia ia sili a’e ia i latou, ma sa latou alofagia o ia mo lea mea. I se lauga sa talai atu e Iosefa i le sili teisi atu ma se masina ao le’i tagatavaleina o ia, sa ia tautino atu ai, “Ou te lei fai atu lava ia te outou ua ou atoatoa; ae e leai lava se mea sese i faaaliga ua ou aoao atu.”<sup>10</sup> Sa i ai ia Iosefa Samita se “uiga masani o le fiafia” (Iosefa Samita—Talafaasolopito 1:28) lea sa pele ai o ia i le toetoe o tagata uma sa iloaina o ia. Sa faapea mai se tasi sa masani [ia te ia], “O le alofa lea sa i ai i le au paia mo ia, sa lemafaamatalaina.”<sup>11</sup> O le faapaaga a ana uo sa o se mea lea sa fiafia tele ai Iosefa, o le sa vaia le atinacina o tagata ma le lotoifale o ni faamoemoega tetele o le talalelei.

Sa ou ta’ua i se tasi o taimi: “O lona soifuaga atoa, sa soifua ai Iosefa Samita i le tuaoi, lea sa tatau ai i alii ona faatauva o latou malosiaga atoa e faasaga i le natura ma o nisi taimi e faasaga i le tasi ma le isi. O ia o se tagata tinotele, malosi, ma aumalosi faaletino. Sa fiafia o ia i taaloga faatauva, e aofia ai le toso laau—o se suega o le malosi faaletino (tagai i le *History of the Church*, 5:302). O loo i ai ia tatou mea o teuina le tele o mea e manatua ai a latou piiga ma ana uo ma e masani. I se tasi aso Sapati, sa talai atu ai i laua ma Polika Iaga i le Au Paia i Ramus, Ilinoi, e tusa ma le aso atoa e alu ai i le taavale mai Navu. I le Aso Gafua, a’o le’i tuua Ramus, sa faafetaui ai e Iosefa lona malosi i piiga e faasaga i se alii lea sa faamatalaina e se tasi o “le fia tama autu o Ramus” (tagai Joseph Smith Journal, 13 March 1843, recorded by Willard Richards, Joseph Smith Collection, LDS Church Archives). Sa faapalasi o ia e Iosefa. Ou te fiafia ona o a tatou konafesi atofaina o loo i ai nei, e le tuuina atu ai i le au paia i le lotoifale le avanoa e tofotofo ai ia le au pulega asiiasi i lenei faiga.”<sup>12</sup>

E toalaiti ni alii na avea ma taulaiga o sauaga e tele i a latou misiona po o mea latou te manatua nai lo o Iosefa Samita. Sa ou suesueina nisi o nei moliaga e ala i suesuega patino o uluai faamaumauga i Ilinoi, lea sa alala ai Iosefa i tausaga e lima mulimuli o lona soifuaga. O se tasi o moliaga faapena sa aliae i le taimi, na

*Sa 21 tausaga o  
Iosefa Samita i le  
taimi sa ia maua ai  
papatusi auro, natia  
i le Maupuepue o  
Kumora, ma na  
faatoa uma lava  
ona ia faaliliuina le  
Tusi a Mamona, ma  
sa na’o le 23 [ona  
tausaga] i le taimi  
na ia faamaeaina ai  
le faaliliuina le Tusi a  
Mamona.*



*Matua: O Le Mea na  
Tupu:*



avea ai Iosefa Samita, ma pulenuu, ma sa taofia ai e le Fono a le Aai o Navu le *Nauvoo Expositor*, o se nusipepa o le itu teteet. O lenei taofiga sa taulai atu i osofaiga e faasaga i le Ekalesia ma fitoitonu atu i le tagatavaleina o Iosefa.

O tusitalafaasolopito o le Au Paia o Aso e Gata Ai anamua, e aofia ai Elder B. H. Roberts, na iocina ai o lenei faatinoga sa le tusa ai ma le tulafono. Ae peitai, ao ou suesuea lenei mataupu a o avea ai ma se polofesa talavou o le tulafono, sa faateia a'u i le maua ai o faavae faaletulafono mo lenei faatinoga i le tulafono a Ilinoi o le 1844. Sa tele foi taofiga o nusipepa i le tuaoi o le periota a o lumanai le Taua o le Va o Tagatanuu. O le folafolaga o le saolotoga o le au faasalalau i le Faavae o le I.S. sa le'i tautinoina le faatatau i faatinoga a faigamalo a aai ma setete seja oo i le 1931, ma sa na'o le faalagolago o le fa i le lima a le Faamasinoga Maualuga a le I.S i le suiga o le faavae na faaaogaina i le 1868.<sup>13</sup> E tatau i se tagata ona faamasino i amioga a Iosefa Samita e faavae i tulafono ma tulaga o ona aso, ae le o o tatou aso.

I le avea ai ma ni tagata aoga i le Iunivesite o Chicago, sa faaosofia ai i maua ma le tusitalafaasolopito o Marvin S. Hill i nai tamai mea moni sa iloa e faapea, e toalima ni alii sa faamasinoina i Ilinoi mo le tagatavaleina o Iosefa Samita. Mo le silia ma le 10 tausaga sa ma su'e faatapitoina ai faletusi ma mea na teu i le salafa o le atunuu e su'e ai tamai faamatalaga umi e uiga i lenei faamasinoga i le 1845 ma i latou sa aafia ai. O le ma tusi o loo iloiloina ai upu ma faatinoga a tagatanuu o Ilinoi o e sa silafaina patino ia Iosefa Samita—o nisi o e sa alofaina o ia ma lamaitia o latou ola mo ia, ae o isi o e sa feita ia te ia ma taupulepule e fasioti o ia. E leai se mea i mea sa ma mauaina i uluai faamaumauga o le faamasinoga po o, i molimau i le faamasinoga umi na faailoa ai se mea

na faapea ona atagia ai le le faamaoni o le tagata sa tagatavaleina.<sup>14</sup>

O le mafai ona maua o faamau-mauga o le faamasinoga o Ilinoi na taitai atu ai i se isi eria sa le'i tagofiaina muamua e uiga i suesuega ia Iosefa Samita. Sa ma maua ai ma Joseph I. Bentley, o le sa avea i lena taimi ma tagata aoga i le tulafono i Chicago, le tele o faamaumauga o gaoioiga faapisinisi a Iosefa Samita. Sa ma tusia faatasi i le 1976 le tusiga *Brigham Young University Law Review* e faatatau i lenei mataupu.<sup>15</sup> O le vaitau o le 1840 sa sosoo ma se periota o le le mautonu ma le pau o mea tautupe i le atunuu atoa. O tulaga tau i le tamaoaiga i setete tuaoi e pei o Ilinoi

**14** Maua Le Uluai Faaaliga

**21** Mauaina papatusi auro

**23** Faamaeaina le faaliliuga o le Tusi a Mamona

**25** Mauaina le afa o faaaliga o loo i le Mataupu Faavae ma Feagaiga

**26** Faatulagaina le Au Peresitene Sili

**33** Faasaoina mai le falepuipui i Misuri, toe faaauauina le taitaiga

**38** Faamaturoina

sa matuai leaga faia lava. Mo se faataitaiga, o le au tusitala o le olaga o Aperaamo Linikone na faamatalaina lona matamuli i tulaga tautupe i le vaitaimi o lenei sefulu tausaga, ina ua le mautonu ia pisinisi, e tele ni tautinoga sa faaletonu, ma sa taatele foi ia moliaga faaletulafono.<sup>16</sup>

Sa tuuaia e fili o Iosefa Samita o ia i le taufaavalea i le feaveaiga o ni meatotino eseese, o le tele lava sa faia e fai ai ma sui o le Ekalesia. O se faagasologa o taualumaga o le faamasinoga lea sa toeitiiti atoa le sefulu tausaga o tosotoso na suesueina ai nei tuuaiga i ni auiliiliga toto'a. Mulimuli ane, i le 1852, ina ua leva ona mavae le malaga umi a le Au Paia mai Illinois, (sa faapea ona leai se mafuaaga faapolokiki na mafai ona mafaufauna po o se isi mafuaaga mo soo se tasi e fiafia i le Au Paia poo lo latou taitai), sa faauina ai e se faamasino feterale o lenei faatinoga faaletulafono faatasi ai ma se poloaiga na maua ai e leai se

*Sa tauva Iosefa Samita mo le pere-sitene o le lunaite Setete i le 1844. O le pepa faaauiloa lenei o loo faasila-sila ai se tautalaga sa fuafuaina na te tuuina atu i le na o le lima o aso ao lumana le faamatu-roina o ia.*

taufaavalea po o isi amioga le talafeagai na faia e Iosefa Samita.<sup>17</sup>


Sa tusia e le au atamamai na lava le silafia e uiga i faafitauli lautele i lenei periota, lenei tusiga e uiga i le faatosinaga a Iosefa Samita mo le avea ma peresiteneo le I.S.

"E ui atonu sa leai sona avanoa moni e manumalo ai i le palota faalemaleo i le 1844, sa tauva o ia ma le atamai o se sui tauva o le vaega faaupufai lona tolu o le sa mautinoa lava le manatu moni e uiga i le faamalosiauina o suiga faaletulafono i le Iunaite Setete. Sa faamoemoe ma galue o ia e faaleleia manatu lautele e uiga i faafitauli aupito taaa e aofia ai le faapologaina, saolotoga faalelotu, falepuipui, ma fanau o tagata lautele. O ia faapea ma Robert F. Kennedy o tagata e toalua o Amerika sa totoe e malliliufasia a o avea i laua ma sui tauva mo le tofi o le peresiteneo le Iunaite Setete."<sup>18</sup>

O le tagata o Iosefa Samita atonu sa sili atu le malamalama i ai o alii o e sa iloa lelei o ia ma tutu latalata ia te ia i tulaga faaleautaitai o le Ekalesia. Sa latou faamemelo ia te ia ma lagolagoina o ia o se perofeta. "O lona uso o Ailama na filifili e oti i ona tafatafa. O John Taylor, o le sa faatasi foi ma ia ina ua tagatavaleina, sa faapea mai: 'Ou te molimau atu i luma o le Atua, agelu, ma tagata uma, o ia o se tagata lelei, mamalu ma mama . . . —ma o lona tagata mamalu ma aloaia sa sili atu mea na ia faia—ma sa ia ola ma oti o se tagata o le Atua' (*The Gospel Kingdom* [1987], 355; tagai foi MF&F 135:3). Na faaauiloa mai e Polika Iaga faapea: 'Ou te manatu e leai se tagata e soifua i le lalolagi e sili atu lona iloa o [Iosefa Samita] nai lo au; ma ou te fia faamamafaina atu e faapea, sei vagana ai lava Iesu Keriso, e leai se isi tagata na soifua pe o le a soifua mai i lenei lalolagi e pei o ia' ["Remarks," *Deseret News*, Aug. 27, 1862, 65]."<sup>19</sup>

### III. Iosefa Samita ma le Tulafono

E pei ona mautinoa mai i faataitaiga ua uma ona ou ta'ua, o le mea ua leva ona ou fiafia i ai i le talafaa-solopito faaletulafono na aofia ai se fiafia faapitoa i fegalegaleiga a Iosefa Samita ma mea tau tulafono a Amerika i ona aso. Na masani ona ta'ua e tusitalafaa-solopito e faapea, o Iosefa Samita sa o se vaega i le le silia ma le pe a ma le 40 faatinoga faaletulafono. O le



aso, faatasi ai ma le penefiti o le galuega e faia i *The Joseph Smith Papers*, ua tatou iloa ai o le fuaínunera e sili atu i le 220. O nei faatinoga faaletulafono e esece lava “mai mataupu faigofie o le aoina mai [o aitalafu] e oo i moliaga ogaoga e aofia ai manatu lavelave faaletulafono. . . . Sa faatumauina e Iosefa le anoanoai o loia e . . . aumaia ma puipuia faatinoga [faapena] . . . i mataupu faaletagatanuu ma faalesolitulafono.”<sup>20</sup>


O le utuvai mai i le maoae o le tamaoaiga o le malamalama ua tatou maua e uiga i le soifuaga o le Perofeta, na tusia ai e le faitofa o le Au Paia o Aso e Gata Ai, o Jeffrey N. Walker e faapea: “E le teenaina, sa aafia moni, malosi, ma faifaipea ia Iosefa Samita i mea tau tulafono a Amerika. O le le amanaiaina o nei gaoioiga taua o le misia lea o le tele o auala sa ia faaaluina ai lona taimi ma le malosi, i le atamai ma le anoa—sa tele naua o lea sa tautino ai e Daniel H. Wells, o ia foi o se loia, faamasino, ma se faamasino sili, o le sa masani lelei ia Samita: ‘Ua ou iloa tamalii o le tulafono i lo’u olaga atoa. O Iosefa Samita o le loia silisili ona lelei ua ou iloaina i lo’u olaga’ [e pei ona sii mai ai i le *The Journal of Jesse Nathaniel Smith: Six Decades in the Early West: Diaries and Papers of a Mormon Pioneer, 1834–1906* (1953), 456].”<sup>21</sup>

Sa aoteleina e ni tusitala e toatolu o le Au Paia o Aso e Gata Ai e faapenei: “Faatasi ai ma lona aafia malosi i mea tau i le tulafono, sa vave le aoaoina e Samita o tulafono o le taaloga ma faaaogaina faaletulafono na tulafono i lona manuia atoatoa faaletulafono, i le taumafai e faaaoga uma avanoa fou ma puipuiga sa maua e tulafono mu’amu’ a le malo. O ana filifiliga ma amioga faaletulafono na manino mai ai, sa malamalama lelei o ia e uiga i mataupu o le tulafono ma sa ia faia ni laasaga manino e faia ai faaaogaaga talafeagai uma na faatagaina e le tulafono, pe o lona mauaina mai o le puletaofia mo le Tusi a Mamona i lalo o le tulafono feterale, faataunuina o faaipoipoga i lalo o le tulafono a Ohio, mamanuina o sauniga o le aai o Navu, talosagaina o puipuiga atoa o le sailotoga o mea tau lotu, faaaogaina ma le tatau o tulafono fou sa taitaiina ai le faatauina atu o fanua faalemalo, tautino atu [o le] aia tatau o le tulafono e le mafai ai ona taofia se tagata i le falepuipui seiilogia e tulai muamua i luma o se faamsinoga o le tulafono,



“O Iosefa Samita, o le loia aupito sili lea ona lelei ua ou iloaina i lo’u olaga.”

—Elder Daniel H. Wells, *faamasino sili o le teritori o Iuta*



poloaina o se nofoaga talafeagai, po o le talosagaina o le aofai o le puipuiga i le inisiua i lalo o le tulafono fou faafeterale na faaaogaina mo se [pisinisi] e gau. I ona taimi avanoa, sa ia suesue ai i tusi o le tulafono. Na ia silafia lelei le faaupuina o le Faavae ma le gagana faapitoa o tulafono faalemalo. E le masalomia lava sa nofouta lelei o ia i le tele o atinaega fou faaletulafono i tulaga faalesetete ma faalemalo i lona soifuaga atoa.”<sup>22</sup>

O le mea taua lava, sa faaopoopo mai e nei tusitala e toatolu le faamatatalaga lenei: “I le avea ai o se tagata na molia, sa le’i faamaonia o ia i se soligatulafono. Soo se taimi lava sa faia ai se faamsinoga sa’o mo ia, sa faapea ona iloa ai o ia o se tagatanuu amiosa’o ma faamaoni.”<sup>23</sup>

O aotelega auiliili e uiga i le moliaga o le Perofeta sa filifilia ma iloiloina i le tusi ua ou ta’ua, sa faagalago i le galuega a le toatele o tagata aoga a le J. Reuben Clark Law School, o e sa avea ni kosi e faatatau i le mataupu ma sa faia le galuega auiliili sa faapea ona oo atu ai i le tusi na tusia e nei tusitala e toatolu. Sa ou fiafia i a

latou faamatalaga o manatu faaalia o nei tagata aooga i le tulafono.

"O tagata aooga i le tulafono o e sa faaaogaina faamatalaga na faia muamua e uiga i lenei tusi na avea ma a latou tusi o anomea ua aufaatasi i le manatu e faapea, o Iosefa sa magafagafa, nafa, faamaoni, mataala, agaalofa, faaeteete, maelega, taus i tulafono, onosai, mautinoa, mau punaoa, atamai, poto, o se faamasino lelei o amioga, ma e faapea foi ona atamai i mea tau i le tulafono (e faaaoga ai nisi o a latou lava upu), ae maise lava pe a oo i le puipuiga o aia tatau faalelotu ma faaletagatanuu a isi po o le faatinoina o tiute e faapea ona tuuina atu ia te ia. . . . Sa le'i aveesea lava le talitonu o Iosefa Samita i le Faavae ma taumafai ai e galue malosi i lalo o lona faamalu, e ui lava sa masani ona le fiafia, faanoanoa, ma mataituna tagata na galulue ai."<sup>24</sup>

#### IV. Faaiuga

I lona soifuaga, e tele atu mea na ausia e Iosefa Samita nai lo o mea ua mafai ona ausia i se taimi puupuu lava e se tagata soifua. E na o le pau lava le faamatalaga e mafai ai o le fesoasoani faalelagi. Ou te fiafia i le aotelega lenei:

"Sa ia faaliliuina ma lolomiina le Tusi a Mamona i Niu Ioka; faatulagaina le Ekalesia i Niu Ioka, ona toenofoia ai lea i Ohio, Misuri ma Ilinoi; faato'aina aai, e aofia ai Katedani, Sisifo Mamao, ma Navu; valaauna ma aoaoina le fia selau o taitai o le ekalesia; suesue i le FaaEperu ma le Tusi Paia; faavacina le Aualofa a Navu, faatautaia pisinisi, na'o ia ma faatasi ma paaga; atinae le faatauga o fale ma fausia malumalum; tusia ma lolomiina tusiga ma tusiga pupuu; sa i ai se aiga toatele ma talisapaia se lio tele o uo; ma sa

auauna atu i ni tulaga faalemalu, e aofia ai le taitai au o se autau toatele o alii fitafita, faapea ma le pulenuu ma le faamasino sili mo le aai o Navu. Sa sauna sooo ia i sauniga tapuai faalevaiaso, faapaiaga, faapea ma maliu ia sa le aunoa ona faia; sa ia faatosinaina mai le fiaitau sefulu o afe o e na mulimuli ia te ia, na faaosofia ai le anoano o tagata liliu mai e faimalaga mai i le Iunaite Setete."<sup>25</sup>

I se lauga i le konafesi aoao sa tuuina atu i le silia ma le 20 tausaga ua mavae, sa ou fai atu ai:

"E pei o isi Au Paia o Aso e Gata Ai faamaoni, ua ou atinaeina lo'u olaga i luga o le molimau ma le misiona a le Perofeta o Iosefa Samita. I a'u fiaituga ma uluai suesuega, e le'i faapea lava ua faalotovaivaiua au mai la'u molimau i lona valaauga faaperofeta ma e uiga i le toefuataiga o le talalelei ma le perisitua na amataina e le Alii e ala mai ia te ia. Ou te faamautuina atu ma le faamoani le molimau na fofogaina e Iosefa Samita i le tusi laulioa a Wentworth i le 1842:

"... . . . Ua faatuina le tulaga o le upumoni; e leai se lima eleelea e mafai ona taofia le galuega mai le alualu i luma; e ono tula'i mai sauaga, e ono tuufaatasia tagata faatupu faalavelave, e ono faapotopotoina vaegaau, e ono taufaasese tuua'iga, ae o le upumoni a le Atua o le a agai pea i luma ma le manimo, mamalu, ma le tutoatasi, seia oo ina so'o uma ai konetineta, ma asiasti atu i atunuuma, ma aofia ai ma lou mama, lagonaina e taliga uma, seia oo ina faataunuina faamoemoega, o le Atua ma seia oo ina fetalai mai le Ieova Silisili ese, ua mae'a le galuega' (*Times and Seasons*, 1 March 1842, 709; quoted in Daniel H. Ludlow, ed., *Encyclopedia of Mormonism*, 5 vols. [1992], 4:1754)."<sup>26</sup>

Uso e, ma tuafafine, ou te molimau atu ia Iesu Keriso, lo tatou Faaola, o le sa faaali mai ma le Atua le Tama i le perofeta taulealea ma o le sa fetalai mai i ai le Tama: "*O Lo'u Atalii Pele lenei Faalogo ia te Ia!*" (Iosefa Samita—Talafaasolopito 1:17). Ua tatou faalogo i lo tatou Alii o Iesu Keriso i faaaliga talu mai lena taimi. O Lana Ekalesia lenei. Ua tatou umia le pule o Lana perisitua paia. Tatou te agai i luma i Lona faamoemoega. Ou te molimau atu i le valaauga o le Perofeta o Iosefa Samita ma le valaauga o perofeta o e na sosoo atu ia te ia i lenei galuega tele lea ua faapea ona tatou auai ai. ■

*O le Perofeta o Iosefa Samita sa 38 tausaga o lona matua i le taimi na faamaturopina ai o ia faatasi ma lona uso o Ailama i le Falepuipui o Karefaesi i le aso 27 o luni, 1844.*





Mai se saunoaga, "Joseph Smith: The Prophet and the Man," na fofogaina atu i le Mission Leadership Seminar i le aso 25 Iuni, 2018.

#### FAAMATALAGA

1. Russell M. Nelson, *Accomplishing the Impossible* (2015), 1–2.
2. "Viia Le na Fetaia'i ma Ieova," *Viiga*, itu.15.
3. Tagai Tala'i La'u Talalelei: O Se Taiala mo le Galuega Faafafeautalai (2004), 183.
4. Richard Lyman Bushman, *Joseph Smith: Rough Stone Rolling* (2005), 105.
5. Russell M. Nelson, i le Sarah Jane Weaver, "President Nelson Shares the 'Hopes of My Heart' with New Mission Leaders," *Church News*, 26 Iuni, 2018, news.lds.org.
6. *Tala'i La'u Talalelei*, 103; tagai foi i le faatomuaga i le Tusi a Mamona.
7. Gary C. Lawrence, *How Americans View Mormonism: Seven Steps to Improve Our Image* (2008), 32.
8. Tagai Gary C. Lawrence, *How Americans View Mormonism*, 42.
9. O le vaega lenei e tau atu i le anotusi i le faamatalaga 10 ua suia mai le Dallin H. Oaks, "Joseph Smith in a Personal World," i le John W. Welch, ed., *The Worlds of Joseph Smith: A Bicentennial Conference at the Library of Congress* (2006), 159.
10. *Aoaoga a Peresitene o le Ekalesia: Iosefa Samita* (2007), 522.
11. Mary Alice Cannon Lambert, i le "Joseph Smith, the Prophet," *Young Woman's Journal*, Dec. 1905, 554.
12. Dallin H. Oaks, "Joseph, the Man and the Prophet," *Ensign*, Me 1996, 72.
13. Tagai Dallin H. Oaks, "The Suppression of the *Nauvoo Expositor*," *Utah Law Review*, vol. 9, no. 4 (1965), 862–903.
14. Tagai Dallin H. Oaks and Marvin S. Hill, *Carthage Conspiracy: The Trial of the Accused Assassins of Joseph Smith* (1975).
15. Tagai Dallin H. Oaks and Joseph I. Bentley, "Joseph Smith and Legal Process: In the Wake of the Steamboat Nauvoo," *BYU Law Review*, vol. 1976, no. 3 (1976), 735–82.
16. Tagai David Herbert Donald, *Lincoln* (1995), 94–118.
17. Tagai Dallin H. Oaks and Joseph I. Bentley, "Joseph Smith and Legal Process," 781.
18. Gordon A. Madsen, Jeffrey N. Walker, and John W. Welch, eds., *Sustaining the Law: Joseph Smith's Legal Encounters* (2014), x–xi.
19. Dallin H. Oaks, "Joseph, the Man and the Prophet," 73.
20. Jeffrey N. Walker in Gordon A. Madsen and others, eds., *Sustaining the Law*, vi.
21. Jeffrey N. Walker in Gordon A. Madsen and others, eds., *Sustaining the Law*, vii.
22. Gordon A. Madsen and others, eds., *Sustaining the Law*, xvii.
23. Gordon A. Madsen and others, eds., *Sustaining the Law*, xvii–xviii.
24. Gordon A. Madsen and others, eds., *Sustaining the Law*, xviii.
25. Gordon A. Madsen and others, eds., *Sustaining the Law*, xi–xii.
26. Dallin H. Oaks, "Joseph, the Man and the Prophet," 73.

"O le upu moni a le Atua o le a agai atu i luma ma le malosi, mamalu, ma tutoatasi, seja ulufia konetineta uma, asia nuu uma, ufitia ai atunuu uma, ma lagonaina i taliga uma, seja faataunuina uma fuafuaga a le Atua, ma o le a fetalai mai Ieova Sili-sili ua maea le galuega."

—Iosefa Samita, i le tusi a Wentworth,  
1 Mati, 1842

## Tagata Sailiili e Toulu mai i Laau

I faifeautalai talavou o loo tala'i tu'itu'i i magaala o Buenos Aires, Atenitina, i le 1955, o le folafolaga na laua mauaina mai se sui o le Au Peresitene o le Eria sa foliga na ese lava: "Afai tou te galulue malosi ma usiusitai atoatoa lelei, o le a toulu mai tagata sailiili mai i laau ina ia papatisoina." Sa matou iloa e uiga i lena folafolaga i se taimi sa le'i mamao mulimuli ane.

Sa faagata e lo'u tama se tasi o laau sa i le auala savali i luma o le matou

fale. A o i luga o ia i le laau e faagata, sa ia matauina ni alii talavou se toalua o savavali agai atu ia te ia i luga o le auala. A o la pasia lalo o le laau, sa ia valaau ifo ia i laau i le faaPeretania.

Sa le'i iloa lelei e lo'u tama tautala i le Igilisi, ae sa ia iloaina ni nai upu, ma sa ia fialoa foi. O ai nei alii talavou, ae o le a foi le la mea o loo fai i le matou pitonuu?

Sa tutu faifeautalai, sa taumafaufau po o fea sa sau ai le leo. Ona pe'a mai lea i lalo o lo'u tama mai le laau e talanoa ia i laua.

O le faagaeetia ai i le la savali ma amioga, sa ia valaaulia ai i laua i totonu o lona fale.

O le aafiaga sa i ai muamua o lo'u tama i mea taulotu sa faaletonu ai o ia, ae o le savali o le talalelei toefuataiina sa talanoa atu i lona loto. Sa ola o ia i ni taimi faigata, ma sa ia iloaina sa tatau ona sui o ia. Sa faalogologo ma le toto'a aoao e faifeautalai o ia, lo'u tina ma lo'u tinamatua ma a'u.

Sa na'o le 11 tausaga o lo'u matua, ae o upumoni sa laua aoaoina mai sa

**A** o i luga lo'u tama i le laau e faagata, sa ia matauina ni alii talavou se toalua o savavali agai atu ia te ia i luga o le auala.



faapena foi ona tagitagi ia te a'u—ma i lo'u tina ma tinamatua. O se taunuuga, sa papatisoina uma i matou i ni nai masina mulimuli ane, ia Setema 1995.

O fatu o le faatuatua sa totoina e faifeautalai i totonu o o matou loto sa le'i umi ae fuga mai e ala i faaaumeaga mai uo i le lotu, aoaoga faaopoopo o le talalelei, ma aafia ga lelei ma taitai malolosi o le Eklesia. Ona o le faafeiloaiga matagofie sa matou mauaina, o fatu o o matou faatuatua ua "pau i le eleele lelei, ua tupu, ua fua mai taiselau i fua" (Luka 8:8).

O fua o o matou faatuatua ua matou olioli ai i le taimi nei—ua toeitiiti 25 tausaga mulimuli ane—ua aofia ai se tautinoga mautu i le talalelei toefuataiga a Iesu Keriso, o faamanuiaga o le malumalu, ma se olaga e faatumulia ma fiafia faatasi ma se augatupulaga fou o tagata o le aiga ua faatasi mo le faavavau atoa.

O le a matou faafetai pea lava pea mo faifeautalai faamaoni e toalua o e na tofotofoina se folafolaga musuia. ■

**Yamilia Caminos, Buenos Aires, Atenitina**

## Mai le Fefe i le Taumafa Fiafia

Sa ou toaga i le Eklesia i lo'u olaga [mafaufau]. Sa ou ilaoaina, na ou faata-gaina a'u suesuega i le talalelei e avea o se mea faasamasamanoa. O se taunuuga, sa uumau ai e le fefe lo'u olaga. Sa tonu ia te a'u e faataitai le faantuaga a le peresitene o le matou siteki.



**S**a ou faatuina se kesi laitiiti ma se nofoa lagolelei ma amata a'u suesuega o le talalelei i se tatalo.

Sa ou aoina mai a'u tusitusiga paia, ni penitala ma se tamaiapi. Sa amataina au suesuega i se tatalo.


Ina ua mavae se vaiaso pe lua, ua ou atinaeina se faiga masani i aso taitasi. Ou te faalogologo muamua i se lauga o le konafesi aoao ona suesue lea i se autu faapitoa o le talalelei. Ona ou faitauina lea o ni nai mataupu o le Tusi a Mamona ma fauma a'u suesuega i se tatalo faamoni i lo'u Tama Faalelagi.

E ui lava i mea faalavefau eseese, sa seasea ona ou misia se aso o le suesueina o le talalelei mo le ono masina. Na ou mauaina se malamalamaaga sili atu e uiga i le tele o autu o le talalelei ma faamalosia ai le ma mafutaga ma lo'u Tama Faalelagi e ala i tatalo faisoo ma faamaoni.

Sa toe avea lá u molimau ma se mea e mafai ona ou faalagolago i ai. Sa mouese atu o'u masalosaloga ona o molimau fou na ou mauaina e uiga i le talalelei toefuataina. Sa iu ina ou tau le popole aua sa tele atu lo'u faatuatua o le Atua. Sa ou lagona le aluese atu ma a'u o le fefe ma le leai o se faamoemoe. Sa faapea foi ona o le fiafia i gaoioiga faamaumau taimi ma matauina ai ua tele ina ou agalelei ma agamalu i isi.

A ou faalogo ma usitai i le faantuaga a lo'u peresitene o le siteki, sa mafai e le Atua ona suia a'u. Sa faamaloloina a'u ma toefuatai mai e le Matai lava Ia a o ou suesue fiafia i Lana afioga. ■

**Matt Maxwell, Iuta, ISA**



**S**a ma galulue malosi i le aso atoa. Sa ma fia aai.  
Atonu o le mauaina o le tupe sa o se faamanuiaga  
mo le ma auaunaga.

## Ae Ua Ou Fiaai!

I se tasi o aso timuga lava i la'u misiona i Kolomupia, sa totoe le ma itula e tasi ma la'u soa ao le'i oo i le taimi e tatau ona ma i ai i le fale. Sa ma fiaai ma relavava mai le savavali i le aso atoa. Ma te le'i maua ma se tagata e aoao.

Sa leai foi se ma tupe ia i ma'uua, ma ma te le'i o foi e fai le faatauga mo ni meaai. Sa ma iloa a ma oo atu i le fale o le a leai se mea e ai. Sa ou taumafai e uuna'i ese nei mafaufauga le lelei ae taulai i le galuega.

"Vaai i le mea ua ou mauaina!" Sa faafuasei ona valaau mai ai la'u soa.

Sa ia mauaina se tupe i luga o le palapala. Mai le vaaiga i ona foliga, sa mafai ona ou iloaina sa mafaufa o ia i le mea sa ou mafaufa i ai. E mafai ona ta faataua ai se mea e ai!

Ae ina ua mavae sina taimi, sa faapea mai la'u soa, "Leai, e le o se ta tupe lea!"

"Ae ua ou fiaai!" Sa ou mafaufa ai.

"O ai lava le tagata e anaina, o le a ta le mauaina o ia i lenei taimi o le po," sa ou fai atu ai ia te ia.

Sa ia fautua mai ma te tatalo. Sa ou iloa o le mea sa'o lena, ae o se vaega o a'u sa mafaufa o se mea faavalevalea. Sa ma galulue malosi i le aso atoa. Sa ma fia aai. Atonu o le mauaina o le tupe sa o se faamanuiaga mo le ma auaunaga.

Ona ou manatuaina lea o lo'u tina. A o ou latiiti, sa ia aoaoina i matou ma o'u uso ia faamaoni i taimi uma. O ia o se faataitaiga ia i matou ma sa tatalo ina ia matou maua le lototoa e faamaoni ai. Sa ou iloaina ana i ai o ia iina, o le a faanoanoa o ia pe afai ou te le faia le faaiuga sa'o.

O lea na ma tatalo ai. Sa ma ole atu i le Tama Faalelagi e fesoasoani ia ma maua le tagata e anaina. O ni nai minute mulimuli ane, sa sau ai se alii talavou, sa sueina se

mea. Sa maligi ona loimata ma foliga le fiafia. Sa ma o atu i ai ma la'u soa ma iloa ai, sa ia i ma'uua le mea sa ia sueina.

Sa ma toe faafoia i ai lana tupe, ma sa faafia ona ia faafetai mai ia i ma'uua. Sa fai mai o ia, sa ia manaomia e totogi ai mo le kolisi. A aunoa ma le tupe, o le a leai sona avanoa i le lesitalaga. Sa tumu o'u mata i loimata, ma sa ou salamo i o'u manaoga sa i ai muamua e faaaoga le tupe. Sa ma aumaia ona faamatalaga e faafesootai ai, ma sa mafai ona ma aoaoina o ia ma isi tagata e toalima. I lena po, sa ou faafetai atu i la'u soa mo lana faataitaiga lelei.

Ou te iloa e faamanua i tatou e le Atua pe a tatou faamaoni. Sa leai se ma meaai i lena po, ae ou te le manatua le alu e moe ma le fiaai. O le mauaina o le tupe sa o se faamanuiaga moni lava. ■

**Isadora Marques Garcia, São Paulo, Pasila.**


# Sa Ola le Matou Ogaumu Faamafanafana i le Faatuatua

Ina ua matou nonofo ma lo'u toalua o Mareko, ma le ma fanau laiti e toalima i le talafatai i sasae o le Iunaite Stete, sa matou nonofo i se fale sa i ai se ogaumu e alu i le suauu. Ina ia siaki le tele o le suauu, matou te tuuina ai se laau e fua ai i totonu o le tane. Ma afai sa laitiit i le suauu, matou te viliina le kamupani suauu e o mai e faatumu le tane.

I se taimi o se taumalulu tulaga ese lava ia Ianuari, sa i ai ni a matou faafitauli tautupe. Sa faapea foi ona ou faigaluega le tumau i afiasi i se faleaiga e faaopoopo atu i le matou tupemaua, ae sa i ai lava o matou faafitauli i le tau faasoasoaina. Sa iu lava ina oo mai i le filifiliga o le totogi o le sefuluai pe totogi ia mafanafana ai le matou fale. Sa matou fuaina le suauu ma sa oo i le lua inisi (5 sm) Pe na o le tasi pe lua ni aso e lava i lena mea. Ae sa matou filifili e tuu atu lo matou faatuatua i le Alii ma totogi la matou sefuluai.

O le aso na sosoo ai, sa toe fua ai e Mareko le suauu. Sa tumau lava i le lua inisi. Sa toe fua foi e Mareko i le aso na sosoo ai, ma sa tumau lava i le lua inisi. Sa sau lava le vevela, ae sa le'i alu i lalo le suauu. O aso e lua na sosoo ai, sa tumau lava le suauu i le lua inisi. Ou te manatua lo'u tagi i le po ina ua ou faalogoina le

**S**a matou fuaina le suauu o le ogaumu faamafanafana, ma sa oo i le lua inisi (5 sm) Pe na o le tasi pe lua ni aso e lava i lena mea.



sau o le vevela. Sa le'i ola le matou ogaumu i le suauu; sa ola i le faatuatua.

Sa ou lagonaina le pei o le fafine ua oti lana tane lea na fafagaina le perofeta o Elia ma iloa ai, "sa le uma le falaoa i le kate, sa le faaititia foi le suauu i le fagu" (1 Tupu 17:16) Ina ua oo mai le aso o le totogi, sa toe fua foi e Mareko le suauu. O le taimi lenei na fua mai ua tasi le inisi (2.5 sm). O lenei ua alu i lalo le suauu, ae ua i ai le matou tupe e faatumu ai le tane.

Sa tofotofo e le matou aiga le folafolaga a le Alii o loo maua i le Malaki e 3:10: "Ma ia outou tofotofo mai ai ia te au i lenei mea, ua fetalai mai ai Ieova o Au, pe ou te le toina pupuni o le lagi mo outou, ma sasaa atu le manuia mo outou ina seia silisili ona tele."

I soo se tasi o masalosalo i faamafanafana o le totogi o le sefuluai, ou te uunaia outou e talia le valaaulia a le Alii e "tofotofo mai ai ia te au i lenei mea." O le totogiina o le sefuluai e matale ai faamalamo o le lagi, ma e ala i le usiusitai ma le faamaoni i tulafono ma poloaiga a le Alii, ua faamanuiaina ai i matou i le tele o auala.

O le a le gallo lava i le matou aiga ia le taimi na ola ai le matou ogaumu faamafanafana i le faatuatua ae le o le suauu. ■

**Lois Mansius, Texas, ISA**



## Aoaoina o le Saega o se Masiise'u [Skunk]

**S**oo se taimi lava ou te mafaufau ai e uiga i le ola faalagolago o le tagata ia te ia lava, ou te manatua ai lava se fuitau mai lo'u peresitene o le misiona: "Sae a oe lava masiise'u [skunks]." loe o se faamatalaga e ese lava, ae e tele ni upu moni i le manatu e faapea, **e i ai mea faigata i o tatou olaga** e le mafai ona tatou fai atu i isi e taulimaina mo i tatou.

E faapefea la ona tatou "saeina a tatou lava masiise'u [skunks]" e faatatau i le ola faalagolago o le tagata ia te ia lava i le faalelagona? E faapefea ona tatou taulimaina mea e le fiafia ai ma **aoao e pulea o tatou lagona uma lava?**

O le mea e faafetai ai, e le o tuua i tatou i le pogisa—e anoanoai punaoa. E mafai ona tatou maua ni nai mea nei i le "O Auala e 14 e Toe Maua Ai Lou Ola Maloloina Faalelagona." O le mea e sili atu le taua, **e mafai ona tatou faafaigofieina le olaga** pe a tatou tausia poloaiga (tagai itulau 44).

O le aoao e tali atu i mea uma e tau'ai mai e le olaga ia i tatou o se faagasologa. O le faalagolago o le tagata ia te ia lava i le faalelagona e le faapea ai o le a tatou lagona i taimi uma ia lagona tatou te mananao i ai. O lona uiga, e ala mai i le alofa tunoa o lesu Keriso ma a tatou lava taumafaiga, **o le a mafai ai ona tatou pulea lagona i ni auala maloloina ma aoga.** Ua tuuina mai e Peresitene M. Russell Ballard ia i tatou nisi o fautuaga aoga mo le ausiaina o lenei paleni (tagai itulau 48).

A o tatou **taumafai mo le ola faalagolago o le tagata ia te ia lava i le faalelagona**, atonu tatou te lagona le pei o se manutagi laitiiti ma vaivai, (tagai itulau 46), ae a tatou faia se taumafaiga ma faapaaga faatasii ma le Tama Faalelagi, e mafai ona tatou mautinoa e i ai se aso o le a tatou "sii ae apau e pei o aeto" (Isaia 40:31), o se auala feni lea o le fai atu, o le a tatou maua le malosi e sae ai a tatou lava masiise'u[skunks].

la manua tele,

### FAASOA MAI LAU TALA

O i ai sau tala mataina e faasoa mai? Pe e te fia vaai i tusiga e uiga i ni autu faapitoa? Afai o lea, matou te fia faalogo atu ia te oe! Auina mai au tusiga po o lou manatu faaalia i le **liahona.Ids.org**.

# AUTALAVOU MATUTUA



## FAUTUAGA SILI ONA LELEI ...

*Ua faasoa mai e le autalavou matutua ia fautuaga e sili ona lelei ua latou mauaina e uiga i le vaai a lelei o o latou soifua maloloina faalelagona ma faalemafaufau:*

"Fai se taimi mo oe lava e faamalositoi ai, kilia ai lou mafaufau, ma aveese ai ni mafaufauga ma ni faalogona oona o ia te oe."

—Brianna Forrester, Uosigitone, ISA

"Aua le fefe e vaai se fomai o le mafaufau. Faatasi ai ma le tuufatasiga tatau o togafitiga faaleagaga ma faaletino, ua mafai ai ona ou ola i lo'u olaga ma o loo ou faatalitali mo se valaauga o le misiona ina ia mafai ona ou auauna atu i le Alii."

—Nate Seal, Iuta, ISA

"Ia feololo i mea lelei uma e maua a o faagagotonu lou olaga ia Keriso."

—Nan Crews, Louisiana, ISA

"Ia manatua ia lava le moe. E foliga malie, ae o le mea moni e silisili le taua!"

—Sydney Smith, Kafeonia, ISA

*O le a le fautuaga aupito sili ona lelei ua e mauaina e uiga i le aua e te soona faatigaina oe lava? Auina mai lau tali i le [liahona.lds.org](http://liahona.lds.org) i le aso 31 o lanuari, 2019.*

O **Lori Fuller** o se faatonu mo le meka-sini o le Uo. E fiafia lava o ia e sue ia faaili fou, faalogologo i talafou i luga o le leitio, ma kuka meaai mai le lalolagi atoa. O nisi o taimi na te tusitusia ai ni mea.



O **Valerie Durrant** e sau mai i Kafeonia, ISA, ma ua fa tausaga o faaipoipo i lana tane o Ryan, Na avea o ia ma se tina lata mai nei i se pepe tama. E fiafia o ia i le yoga, vali ata, fiaautusi, ma savaliga sopo.



O **Heather J. Johnson** o se tusitala ma le faatonu. E fiafia o ia e faasee i luga o le vai ma alu i saililiiga i le taumalulu i luga o mauga. E fiafia lava o ia i tusitusiga a Peretania ma fautuaina le faaoga o le "outou ia" i talanoaga i aso uma.



O **Dave Clarke** e fiafia tele e faalu lona taimi i lona toalua ma lona afafine. Pe a ia le lotea ia fuainumera o se tausitusi, e mafai ona maua o ia o faalu lona taimi i fao, tamoe, tietie uila, pe matamata i pasiketipolo.



## O NISI MEA SE TELE MO OE

Siaki le "AT Faalevaiaso," o loo i le vaega a le autalavou matutua i le polokalama o le Potutusi o le Talalelei (Gospel Library app), mo anomea fou faafuainumera e maua i vайaso uma lava, ma mulimuli mai ia i matou i le [facebook.com/liahona](https://facebook.com/liahona) e sue ai tusiga e na'o luga o le initoneti e i ai ma anomea faaopoopo.



## I LE VAEGA LENEI

44 O Le Talalelei: O Se Tomai o le Ola e Faavavau  
Saunia e Lori Fuller

46 Aoao Au e Lele: Ausiaina o le Faalagolago o le Tagata ia te la Lava Faalelagona i le Ala a le Alii  
Saunia e Valerie Durrant

48 Fautuaga e 8 mo le Faapalenina o Manaoga o le Olaga  
Saunia e Peresitene M. Russell Ballard

## NA O LUGA O LE INITONETI

Sueina o se Tagata Polofesa o le Soifua Maloloina Faalemafaufau e Fetaui mo Oe  
Saunia e Kevin Theriot

O Auala e 14 e Toe Maua Ai Lou Ola Maloloina Faalelagona  
Saunia e Heather J. Johnson

O le Pogai Ua Ou Le Toe Fefe ai i Fonotaga a le Soifua Maloloina Faalemafaufau  
Saunia e Dave Clarke





# O LE TALALELEI

## O Se Tomai o le Ola e Faavavau

**Saunia e Lori Fuller**

Mekasini a le Ekalesia

Pe na outou  
manatunatu ea i  
le matuai faigo-  
fie lava o le olaga  
ona o le tausia o  
poloaiga?

**O** le masina ua tuanai atu, sa matou feiloi ai ma nisi o uo e talata-lanoa i le aluga o a matou vaiaso. Sa faasoa mai e se tasi o uo e faapea, ua ia tauaveina le avega o le toe manuia o lona tina mai le tagofia o le ava malosi. E laitiiti teisi o ia ia te a'u, ma o lena mea sa pei o le galuega aupito leaga lava lea.

Mulimuli ane i lena afiafi, sa see atu le talanoaga i le taugata o le ulaula ma le ala sa ulaina ai e se tasi na matou iloaina se pepa sikaleti i le aso. (Fai le matematika; o se matuai tupe tele lava!) Sa taumafai o ia e tuu, ma sa oo ina faamaamulu o ia. Ae sa matuai fiafia lana tama tama i lona tuu [o le ulaula]. Na maliu lona tama ona o le soona faaaoga o fualau oona, lea na mafua ai ona fefe tele lenei tamaitiiti e faaaoga soo se fualau.

Mulimuli ane, sa faaiu le matou talanoa i le kofe—pe fia le tele e inu e tagata i taeao uma (ma aoauli ma i nisi taimi i le po) ma lo latou misia o a latou kofe i le taimi lenei ona ua latou le gafatiaina i aso taitasi.

A o ou tietie atu i le fale, ma mafaufau i nei talanoaga uma, sa oo mai sou manatu, "O le Upu o le Poto o le mea moni lava o le tomai aupito tele lea o le olaga." (Afai e te le iloa, o le "tomai o le olaga" o se auala e faaleleia ai lou olaga, ola faatulaga lelei atili ai, ma isi mea faapena. E pei ona faamatalaina e se tagata i luga o le initoneti, o se tomai o le olaga o le mea lea sa ta'uua muamua "o



se manatu lelei.") E pei ua fetalai mai le Atua, "O le auala lenei e sefe ai au tupe, fesoasoani e tumau ai lou ola malololina, puipui ai lau fanau, ma aloese ai mai avega e matuai mamafa faalelagona, e aofia ai a oe lava vaisu ma vaisu o isi." E toetoe lava a pei na iloa ma sauniuni lelei e le Atua ia faafitauli uma o le a tatou feagai ma tuu mai ia i tatou se auala e aloese ai mai le afa o ia mea. . . .

Faatasi ai ma soo se poloaiga a le Atua, ua ia i tatou le filifiliga e mulimuli i ai pe le amanaiaina. Ae a o ou mafaufau i le Upu o le Poto o se seti o taiala mai le Atua lea e iloa ma sauniuni lelei ma puipuia ai i tatou mai le tele o luitau, sa ou mafaufau, "Ae faafefea pe afai o le auala lena e galulue uma ai poloaiga a le Atua?" Ae faapefea pe afai ua tuuina mai e le Tama Faalelagi agaalofa, o le sa oo foi i lenei olaga ma ona luitau, ia se tusitaiala e fesoasoani tatou te folau ai i le lalolagi i le leai o se tiga e mafai ona oo i ai? Ae a pe a fai na the tuuina mai lena mea ia i tatou ona e alofa o la ia i tatou ma finagalo e puipui i tatou?



E te manao ia lotomalie i mea ua e maua, ia fiafia ma loto faafetai? "Aua e te manao i le fale o le lua te tuaoi" (Esoto 20:17).

E te manao e aloese mai le ta'usalaina, faafalepuipuia, taugata o le totogi o le tatalaina mai i tua ma pili o le faamasinga? E te manao e tausisia le talitonuina ma le faaaloalogia e tagata—ma lau galuega? "Aua e te gaoi" (Esoto 20:15).

E te fia tumau i le latalata atu i le Atua ina ia mafai ona la taiala ma taitaia oe ma fesoasoani e tauave au avega? "E te alofa atu i le Alii lou Atua ma lou loto atoa, ma lou agaga atoa, ma lou manatu atoa" (Mataio 22:37).

E alu pea lava pea le lisi. O poloaiga taisasi uma lava e mafai ona puipuia i tatou mai le lototiga, faafaigofie atili ai o tatou olaga, aveese ai i tatou mai faalavelave, pena o le fesoasoani lava ia tatou maua ai le filemu. Ma e matuai itiiti lava se taumafaiga patino po o le faafitauli. (Ma e leai ni mea e totogi o faalafi ai!)

E mautinoa lava ou te le manao e tuuittitia poloaiga a le Atua e faapea ua na'o ni taiala po o ni tomai aoga o le olaga. E sili atu le taua nai lo o lena. Ae e faapena



foi ona matuai faigofie lava. E le mafai e le Tama Faalelagi ona puipui i tatou mai mea uma. Ae i le avea ai o se matua agalelei, o le a la finagalo e saunia i tatou ma puipui i tatou mai le tau o a tatou filifiliga—e ala i le taialaina o i tatou e fai filifiliga sili atu.


O lea lava, e mafai ona tatou tausia poloaiga ae tutupu lava mea leaga [ja i tatou]. Ia aisea la e popole ai?

Aua o le a tatou le iloa lava po o le a le mea ua puipuia mai ai i tatou e ala mai i lo tatou usiusitai. Aua e fesoasoani e faasoloto ai i tatou mai se olaga o manuaga e faia e le tagata lava ia. Aua o le usiusitai e fesoasoani tatou te latalata ai i le Atua. Aua e tuu ai i tatou i se tulaga ia salamo ai pe a tatou filifilia le sese. Aua tatou te talitonuina le Atua e silafia le ala e faamanuia ma puipui ai i tatou.

E alu pea lava pea le lisi. E sili atu le umi nai lo o le lisi o mafuaaga e /e tausia ai poloaiga.

Mo le lelei po o le leaga, e faataga a'u e le Atua e filifili po o le a le usitai ou te manao ia ou i ai. Ou te filifil po o le a le tele o lo'u nofoluta i faamanuiaaga o loo ia te la mo a'u. Aisea la e tausi ai poloaiga? Ona ou te manao ia matuai matala atu lo'u olaga i le fesoasoani o loo taumafai le Atua e tuuina mai. ■

E manaomia ona tatou faalagolago i le Tama Faalelagi ma Iesu Keriso ma tuu atu a tatou lava taumafaiga a o tatou saili atu ia ola faalagolago le tagata ia te ia lava faalelagona.



# Aoao Au e Lele

Ausiaina o le Faalagolago o le Tagata ia te la Lava Faalelagona i le Ala a le Alii

**Saunia e Valerie Durrant**

**P**e a tatou mafaufau i se manulele pepe o loo aoao e lele, e mafai ona tatou vaaifaalemafaufau i lana taumafaiga lotoa mulimuli” o le felelei solo ma puna i fafo mai le faamoega, o le tatalaina o ona apaau, ma le lele faatusa’o i le lagi. Ae a o lei oo i lena faamanuiaina mulimuli, atonu sa tele ni toilalo sa iu ane ina le lele faatusa’o ai le manulele i le lagi, ae palasi i luga o le eleele.

E pei o se manulele o loo aoao e lele, o i tatou foi e mafai ona pauu faafia ma fia i lalo a o tatou aga atu na’o i tatou lava ia ausia le faalagolago o le tagata ia te ia lava faalelagona. Ae afai tatou te liliu atu i le Alii mo le fesoasoani ma tuu i ai le taumafaiga, e mafai ona tatou aoao ai i le ala e toe faamanuiaina ai pe afai e le ogatasi le olaga e pei ona fuafuaina ma ia faalagolago ia te la, ma pe a tele naua ia tofotofoga tatou te tauaveina na’o i tatou.

## Aoao e Lele

Afai o le aoao e lele o se faagasologa tiga, aisea o le a tuua ai e se manulele le faamoega i le taimi muamua lava? Ona o lona tina. Mo le vaega muamua o olaga o ana pepe, o le a aumai sa’o ai lava e le manulele tina ia meaai ia i latou i le faamoega. Ae i le aluga o taimi, e amata ona ia tuua ia meaai i fafo o le faamoega ina ia felelei i fafo o lo latou nofoaga mafana ina ia maua le meaai.

O le faagasologa lava lea e tasi tatou te onosaia a o tatou aoao ia faalagolago le tagata ia te ia lava faalelagona—ae e le o faamoemoeina ia mafai ona tatou felelei atoatoa na’o tatou i le taimi lea.

E talitutusa ma le manulele tina e faatagaina ana pepe e pauu i fafo o le faamoega, e faataga foi i tatou e le Tama Faalelagi tatou te uia faafitauli ma aafiaga e mafai ona tiga, le fiafia ai, ma lotovaivai ai. O Lana fuafuaga o le faaoalataga ua mamanuina e fesoasoani ia tatou avea faapei o la, o lea la, o luitau uma lava tatou te feagai e mafai ona avea o se avanoa e aoao ma tuputupu a'e ai. E pei o le manulele tina, e tuuina mai pea lava e le Tama Faalelagi ia i tatou le faamafanaga ma le taitaiga aua e na’o Lana fesoasoani lava e mafai ona tatou ausia



ma faatumauina ai o tatou soifua malolo-  
ina faalelagona ma faalemafaufau.

## Apataina o O Tatou Lava Apau

E ui o le Tama Faalelagi o la tatou  
paaga, e le tatau ona tatou faamoe  
ia te la e faia mea uma mo i tatou. E fina-  
gal o la ia faaaoga lo tatou faitalia ma  
punaoa ua la tuuina mai ia i tatou i le ala  
e tau atu i le ola faalagolago o le tagata ia  
te ia lava faalelagona.

Mo se faataitaiga, pe a tatou oo i le  
lototiga, ita, po o le maliu, e finagalo o la  
ia tatou soalaupule faatasi ma la, ae e le  
tatau ona tatou taofi ai iina—e tatau ona  
tatou faia le mea sili tatou te mafaiia e  
galulue ai i uunaiga Na Te tuuina mai ia i  
tatou; ia tausi poloaiga; ia auai i le malu-  
malu e saili ai le filemu, faamafanafanaga,  
ma tali; ina ia nofounta i fautuaga faaper-  
feta; ma ia faatuatuaina Lana fuafuaga  
mo i tatou.

Ua tuuina mai e le Tama Faalelagi ia i  
tatou le tele o meafaigaluega ia ausia ai le  
ola faalagolago o le tagata ia te ia lava faa-  
lelagona, ae afai ua tatou tuu atu i ai mea  
uma tatou te mafaiia ae tatou paulia lava  
pe tauivi foi ma o tatou soifua maloloina

faalemafaufau, atonu o le a manaomia ai  
ni punaoa faaopoopo. E mautinoa lava e  
i ai taimi e te ono manaomia ai ona liliu  
atu i se tagata atamai i le soifua maloloina  
faalemafaufau pe maua se fautuaga mai  
lou epikopo mo nisi taitaiga ina ia mafai ai  
ona agai i luma.

Ae ia manatua, afai tatou te tapa atu  
mo se fautuaga mai isi i taimi uma lava  
tatou te fetoi ai ma se faafatiatamai,  
atonu tatou te le maua ia avanoa taua e  
aoao ai ma tuputupu ae ai i tatou lava. Ma  
le isi, e tatau ona tatou tuu atu ia lava a  
tatou lava taumafaiga e agai ai i luma.

## Mulimuli i le Mamanu a le Alii

I le Mataupu Faavae ma Feagaiga  
vaega e 9, na aoaiina ai Oliva Kaotui ona  
o le taumafai e faaliliu papatusi o le Tusi  
a Mamona e aunoa ma se “mafaufau i ai  
ae nao lou ole mai [i le Atua]” (fuaiupu e  
7). Ona apoapoi ai lea o ia e “suesue i ai i  
[lona] mafaufau” maua lana ia lava faaiuga,  
ona “ole atu lea i le [Atua] pe ua sao lea”  
(fuaiupu e 8).

A tatou mulimuli i le mamanu lenei, e  
le o tuulafoaia i tatou e le Tama Faalelagi  
ia faalagolago atoa i o tatou lava gafatia

ma manatu a o tatou tausia o tatou soifua  
maloloina faalemafaufau. Ua la faataga-  
ina le avanoa mo i tatou e aoao ai i ala  
e faaaoga ai la tatou faitalia. O le sailia o  
tali i a tatou fesili ma le mauaina o fofo i o  
tatou faafitauli faatasi ai ma Lana feso-  
soani, o le mea lena o le a fesoasoani  
e faapea ona tatou avea ai e pei o la. O  
le manatua o lenei mea, e mafai ona  
tatou ole atu ia te la e faasino mai ia i  
tatou le ala e mafai ona tatou atili mausali  
ai faalelagona nai lo na'o le ole atu ia te la  
e faamanuia i tatou,

A o faaaoga pea lava pea o tatou fai-  
lia i lenei faiga i soo se taimi e tofotofoina  
ai lo tatou manuia faalelagona, e faifai-  
lemu lava ona tatou faasolo ina manuia  
ma atili talitonu ia i tatou lava. E ui e le  
faapea e tatau lava ona tatou iloa felelei  
i le taimi nei, ae e mafai ona tatou mauti-  
noa o loo faatasi o la ma i tatou i le ala ma  
olioli i le mea moni e faapea, o loo feso-  
soani o la ina ia tatou faasolo manuia teisi  
atu, O aso taitasi lava e i ai se isi avanoa e  
ausia ai sini fou—e saunaia ai tatou mo le  
aso o le a mafai ai ona tatou felelei na'o i  
tatou lava. ■

***E alala le tusitala i Kalefonia, ISA.***



**Peresitene  
M. Russell  
Ballard**

Sui Peresitene  
o le Korama  
a Aposetolo e  
Toasefululua

E i ai ni nai a'u  
fautuaga ou te  
faamoemoe o le a  
aoga ia i latou o e o  
loo popole i le faa-  
paleniina o mana-  
oga o le olaga.

FAUTUAGA E 8 MO LE

# Faapaleniina o Manaoga o le Olaga

**1. Muamua, mafaufau i lou olaga ma faatulaga mea e ave i ai lau faamuamua.** Sue e le aunoa ni taimi paganoa e mafaufau loloto ai po o fea o agai i ai ma o a mea o le a e manaomia ona fai e te oo atu ai iina. O lesu, o la tatou faataitaiga, sa masani ona "maliu o ia i le mea tuufua, ua tatalo ai" (Luka 5:16). E tatau ona tatou faia lea lava mea e tasi i lea taimi ma lea taimi e toe faafou ai tatou lava faaleagaga e pei ona sa faia e le Faaola. Tusi i lalo galu-ega e te manao ia ausia i aso taitasi. Ia faalaualuga i le mafaufau ia feagaiga paia ua e osia ma le ALii a o e tusia i lalo au fuafuaga fai o aso taitasi.

**2. Lona lua, seti ni sini pupuu e mafai ona e ausia.** Seti ni sini e paleni lelei—e le tele nua pe laiti tele foi, ma ia le mauualuluga tele pe mauualalalo tele foi. Tusi i lalo ia sini e ono mafai ona ausia ma galue i ai e tusa ma lo latou taua. Tatalo mo le taitaiga faalelagi i le setiina o au sini.

**3. Lona tolu, e ala i le paketi ma le poto, pulea ou manaoga moni ma fua ma le faaeteete e faasaga i ou manao e tele i le olaga.** Ua toatele nua tagata taitoatasai ma aiga ua aafia i le tetele nua o aitalafu. Ia faaeteete i le tele o ofo faatosina e nono mai ai tupo. E matuai faigofie lava le nono mai o le tupo nai lo o le toe totogiina. E le o i ai ni auala 'alo i le malupupi i mea tautupe. O le a le i ai lava se paleni i o tatou olaga seiiloga e pulea lelei a tatou mea tautupe.

Manatua ia totogi i taimi uma se sefuluai atoa.



**4. Lona fa, ia faalatalata i lou toalua, fanau, ma tagata o lou aiga, ma uo.** O le a latou fesoasoani ia te oe e tausisia le paleni o lou olaga. Atinae ni mafutaga ma lou aiga ma uo e ala i fesootaiga malamalamā ma faamaoni.

O se faaipoipoga lelei ma ni sootaga lelei faaleaiga e mafai ona tausisia e ala i fesootaiga malu, agalelei, ma magafagafa. La manatua e masani lava o se tepa atu, o se faaivi o le mata, o se lue o le ulu, po o se pai atu o le a tele atu ni faamatalaga e fai ai i lo upu. O se uiga malie ma le faalogo lelei o ni vaega taua foi ia o fesootaiga lelei.

**5. Lona lima, suesue i tusitusiga paia.** Latou te ofoina mai ia punavai sili ona lelei e tatau ona tatou fesootai ai pea ma le Agaga o le Alii. O se tasi o auala na ou maua ai lo'u malamalamā mautinoia o lesu o le Keriso, e ala lea i lo'u suesueina o tusitusiga paia. Ua talosagina e Peresitene Russell M. Nelson tagata o le Ekalesia ina ia suesue ma le agaga tatalo le Tusi a Mamona i aso uma.

**6. Lona ono, e tatau ona tatou faatulagaina ia taimi i luga o a tatou kalena i aso taitasi mo le lava o le malologa, faamalositino, ma taimi paganoa** pe afai tatou te fia olioli i se olaga maloloina ma paleni. O le lelei o foliga vaaia faaletino e faaleleia ai lo tatou mamalu ma le faaaloalo o le tagata ia te ia lava.

**7. Lona fitu, fai afiafi faaleaiga faalevaiaso.** E le tatau ona tatou misia lenei avanoa faapitoa e "aoao ai le tasi i le isi mataupu faavae o le malo" (MF&F 88:77), e faapea ona taitai atu ai aiga i le ola e faavavau.

O loo galue pea Satani e faaumatia a tatou molimau, ae o le a leai sona mana e faaosooso pe faalavelave ia i tatou e sili atu i lo tatou malosi e tetee atu pe afai o loo tatou suesue i le talalelei ma ola i ana poloaga.

**8. O la'u fautuaga mulimuli o le, ia tatalo soo.** E mafai ona e iloa faaiuga sao e fai i aso taitasi e ala atu i le tatalo e le aunoa, ma le faamaoni. Pe a ou mataala faaleagaga, ou te iloa ai e faigofie atu ona ou faapalenii mea uma i lo'u olaga.

Ou te iloa e mafai ona faaopoopoina isi fautuaga i vaega nei. Ae peitai, ou te talitonu pe a tatou taulai atu i ni nai faamoemoega autu, o le a mautinoia lo tatou mafaia ona pulea le tele o manaoga e aumaia e le olaga ia i tatou. La manatua, o le tele naua o soo se mea i le olaga e mafai ona tatou tautevateva ai. I le taimi lava lea e tasi, o le itiiti tele foi o mea taua e mafai ona faia ai lea lava mea e tasi. Na fautua mai le Tupu o Peniamina, ia "iloa ua faia nei mea uma i le poto ma le faatulagaga lelei" (Mosiae 4:27).

E masani lava o le leai o se taitaiga manino ma sini e mafai ona maumau ai o

tatou taimi ma malosi ma saofaga ai i le le paleni o o tatou olaga. O la tatou sini autu e tatau ona ia saili "le tino ola pe a ma le ola faavavau" (Mose 1:39). Faatasi ai ma lenei mea e fai ma a tatou sini, aisea la e le aveese ai mai o tatou olaga ia mea e feilafi mo ma faoa ai o tatou mafaufauga, lagona, ma malosi e aunoa ma le saofaga i lo tatou ausia o lena sini?

Tau lava o le faia o le mea sili e te mafaia i aso taitasi. Fai mea autu ma, ae e te lei iloaina, o le a faatumuina lou olaga i le malamalamā faaleagaga lea o le a faamautuina atu ia te oe e alofa lou Tama Faalelagi ia te oe. Afai e iloa e se tagata lenei mea, o le a tumu le olaga i faamoe-moega ma [ona] uiga, ma faigofie ai ona faatumauina le paleni." ■

*Mai se saunoaga i le konafesi aoao ia Aperila 1987.*





# AUTALAVOU

## I LE VAEGA LENEI



### Ae a pe a ou alu ese?

O le taimi muamua na siitia mai ai iinei, sa na'o le toa-lua isi tamaitai talavou i la'u paranesi. Sa avea i matou ma ni uo ma faapea ona ou masani lelei ia i la'ua. Ae sa le toe o mai i la'ua i le lotu.

I se tasi taimi ina ua ou alu atu i le malumalu, sa ou vaai ai i le peresitene o le misiona. Sa ou faamatala atu ia te ia e uiga i a'u uo ma fesili atu po o le a se mea e mafai ona ou faia e fesoasoani ai ia la'ua toe foi mai i le Ekalesia. Sa ia fai mai ia te a'u, ou te tumau pea i le mea sa ou i ai, ia malosi, ma tatalo mo i la'ua.

E le'i leva, ae ou vaai i se tasi o tamaitai, ma sa matuai o'u fiafia lava e vaai ia te ia. Ina ua ou foi i le fale i lena po, sa ou tatalo ma malosi se lagona e matuai tatau ona ou tumau pea i le mea sa ou i ai ma alu pea i le lotu, alu pea i le seminare, ma ia avea pea ma se faataitaiga i a'u uo. Ae a pe a ou aluese ma le toe foi mai ae te'i ua toe foi mai se tasi o a'u uo i le lotu? O ai o le a avea ma a laua uo ma fesoasoani ia la toe foi mai? E faigofie atu ia mea pe a tatou faia faatasia.

**Alyona,**  
Kharkiv Oblast, Lukuraini

- 52 Faapei o le Faaola: Tuputupu A'e i Itu Taua e Fa

Saunia e Diane Thomas

- 56 O Se Taiala a se Sii Meamamafa i le Tutu Mausali

Saunia e Kuinini Manumua

- 58 Autu o le Mutualie 2019: "Afai Tou te Alofa Mai ia te Au, la Outou Tausi i Au Poloaiga"

Saunia e Au Peresitene Aoao o Tamaitai Talavou ma Alii Talavou

- 60 Pese o le Autu o le Mutualie 2019: Afai Tatou te Alolofa ia te la

Saunia e Nik Day



- 64 O Le Upu Mulimuli: O Le Faamanatuga ma le Avea Atili e Faapei o Keriso

Saunia e Elder D. Todd Christofferson

# FAAPEI O LE FAAOLA:

## Tuputupu A'e i Itu Taua e Fa

*E le tele ni mea tatou te iloa  
pe na faapei le tuputupu a'e o  
lesu Keriso, ae ua tuuina mai  
e le Luka 2:52 ia i tatou se  
faaiteite tele lava.*



**“O** lona uiga, e tatau ona ou ...  
o le a?”

Sa ou faalogo. E moni, sa ou  
faalogo. Sa siaki e le faiaoga lo'u  
fusipaunonoa, sa faasino tonu mai  
ia te a'u le faiga e faamamulu ai  
le maea, sa tilotilo sa'o mai foi i  
o'u mata ma fai mai, “O le a ou LE  
tuua oe ia pau!”

Ae i lena taimi taua, sa ou tu  
ai iina: gatete ma le afu, a o ou  
tilotilo ifo i lo'u tauau ma faasolo  
i lalo ... i lalo lava, ma le iloa na  
tatau ona ou faia lena laa muamua.

[Oso] Ese i se papatafato.

Ia atonu e le'i faia mea ua ou faia, e uiga i le oso ese moni mai i se papatafato, ma le faamoemoe ua e lava saunia e taunu saogalemu i lalo. Ae atonu sa e i ai iina faaleagaga. E te silafia, ina ua e suesue na'o oe i tutsiga paia ma ua e faalogo i faiaoga o molimau mai e uiga i aoaoga ma mataupu faavae moni. E te lagona le valaaulia o oe e le Agaga e galue i ni auala o le a fesoasoani e avea atili ai oe e pei o le Faaola. Ua e fiafia e faia lenei laasaga ma faaali atu i le Alii lou tuuto i Lana talalelei.

Ona e mafaufau lea, "E faapefea ona ou faia lena mea?"

Ma o le mea sa foliga mai sa matuai manino ma mafai ona faia i sina taimi e le'i mamao atu, ua pau ese atu. Ia lena laia, ua e tu i le faasiusiuga o se papatafato faaleagaga, ua le mautinoa pe ua ia te oe ia mea sa'o e faaaoga po o le tapenaga e faatino ai upumoni na e mauaina.

Ina ia avea faapei o Iesu Keriso: E faapefea ona e *faia* lena mea?

### Amata i le Amataga

Sa amata e le Faaola Lona soifuga i le tino i le auala lava e tasi sa e faia ma ou faia ai: o se tamameamea. Ma i le aluga o taimi, e pei foi o i tatou, sa amata ona tuputupu a'e Iesu (tagai Mataupu Faavae ma Feagaiga 93:11-17). Sa aoao o Ia i le ala e savali, tautala ma ata ai. Sa aoao o Ia i le ala e galue, faiatu, ma faifaimea faatasai ai ma tagata.

O le mea moni, o le ala na "tuputupu a'e" ai le Alii o loo tusia i le Luka 2:52: "Ua tupu le poto ma le tino o Iesu, ua alofagia o ia e le Atua atoa ma tagata."

Afai tatou te mananao e avea e faapei o le Faaola, e mafai ona tatou mulimuli i Ana faataitaiga.

Ia sei o tatou vaavaai i lenei mamanu ma vaai i ai mo i tatou lava i le auala e mafai ai ona avea e faapei o Iesu Keriso!



*la lena laia, ua e tu i le faasiusiuga o se papatafato faaleagaga, ua le mautinoa pe ua ia te oe ia mea sa'o e faaaoga po o le tapenaga e faatino ai upumoni na e mauaina.*

### "Tupu le poto"

Na foaoaina e le Atua o tatou mafaufau ina ia i ai se gafatia tulaga ese e iloilo, faagaoioi, ma faaaoga ai le atamai. O mea moni, fuainumera, tomai, faiga—e toetoe a le muta le tele o faamatalaga e mafai ona tatou faaputuina!

Ae e pei o le Faaola, tatou te saili ia tupu i le *poto*, ae le na'o faamatalaga. O le poto o le mafai lea ona faaaoga sa'o faamatalaga, malamalama i a tatou filifiliga, ma fai faaigua lelei.

Na aoao mai Elder James E. Talmage (1862–1933) o le Korama a Aposetolo e Toasefululu, "O le

faaaoga tatau o le malamalama e faavae i le *poto*.<sup>1</sup> Sa ia faamalamalama mai foi le ala na maua ai e le Faaola le poto: "Sa Ia faaputua le malamalama e ala i le suesue, ma maua mai le poto e ala i le tatalo, manatunatu, ma taumafaiga."<sup>2</sup> Sa aoaoina e Alema lona atalii o Helaman, "Ioe, ia manatua, lo'u atalii e, ma ia e aoao i le *poto* ina o e taulealea; ioe, a o e taulealea, ia e aoao e tauis i poloaiga a le Atua" (Alema 37:35; ua faamamafa le faatusilima). Mafaufau i ai: O le faatuatua, suesue ma le usiusitai e faaleleia atili ai o tatou tomai i le mauaina o le malamalama ma tupu ai le poto!

### POTO

O le a faapefea ona e faaaogaina ia mataupu faavae o le faatuatua ma le usiusitai e fesoasoani e te tupu ai i le poto?  
O a ni auala e mafai ai e le tupu o le poto ona fesoasoani ia te oe e avea atili ai e pei o le Faaola?

**AOAO ATILI:**  
Tagai 2 Nifae  
9:28-29; Mataupu  
Faavae ma Feagaiga  
130:18-19.

## "Ua tupu le tino"

O Nifae sa tino tele ma malosi. O ia o se tagata sa ta'ua e tusitusiga paia e "tino ese" (1 Nifae 2:16). Ou te le [tino ese]. O le tino ese o Nifae sa mamanuina e faatino ai ni gaoioiga e matuai ese lava nai lo o lo'u fuitino aua e ese galuega sa faaagaga e le Alii mo Nifae. Sa tatau ia Nifae ona fauina se vaa, sailia meaai mo lona aiga, ma fesoasoani ia latou malaga i le vao.

Ua i ai i o tatou tino faaletino mea tatou te manaomia ina ia mafai ona tatou ola ma

## TINO ESE

O a ni auala e faatatau ai le tausiga o lou tino faaletino i le tausiga o lou agaga?  
O le a se mea o le a e suia pe faaleleia i le ala e te tausia ai lou tino?

### AOAO ATILI:

Faitau le lauga o le konafesi aoao "Ava'e le Faaftai i le Atua" na saunia e Peresitene Russell M. Nelson.

fiafia i le olaga nei. Ona o le fuafuaga paia a le Atua, o se pepe fou e tuputupu a'e i le tino i le aluga o le taimi. Tatou te le tau faatutupuina ni totoga po o ni vae ma ni lima faaopoopo a o tatou faasolo matutua—o na elemene ua uma ona foafoaina o se vaega o o tatou tino. E leai se isi faaputuputuga faaopoopo e toe manaomia! Ae ina ia mafai ona tatou auauna atu i le Atua ma i latou e siomia i tatou, e tatau ona tatou faatumauina le maloloina o o tatou tino.

O o tatou tino faaletino o le malumalu atoatoa lelei lea ua mamanuina, po o se fale, mo o tatou agaga (tagai 1 Korinito 3:16–17; 6:19–20). Na aoao mai e Peresitene Russell M. Nelson: "O lou tino, po o a lava ana meaalofa faalenaruta, o se foafoaga mataina a le Atua. O se maota o le tino—o se malumalu mo lou agaga."<sup>3</sup>

Atonu e oo o tatou tino i ni luitau ogaoga faaletino, le atoatoa, ma le tiga ona o loo tatou i ai i se aafiaga faaletino, ae na mamanuina ma le atoatoa e lo tatou Tama Faalelagi o tatou tino ina ia ausia ma le faamanuiaina o tatou avanoa i le olaga.

## "Tupu i le alofagia e le Atua "

Na aoao mai Elder Jeffrey R. Holland o le Korama a Aposetolo e Toasefululu, "o le *upumoni* muamua ma le sili o le faavavau atoa, e alofa le Atua ia i *tatou* ma *Lona* finagalo atoa, manatu, mafaufau, ma le malosi atoa."<sup>4</sup>

E alofa le Atua ia te *oe*. E tusa pe o faaletonu lou aso, e alofa o Ia ia te *oe*—i ou malosiaga, vaivaiga, fesili, ma faamoemoega uma. E faapefea la ona e "tupu i le alofagia e le Atua"? E te faaali atu ia te Ia e te alofa foi ia te Ia!

Sa fetalai atu Iesu i Ona soo i se tasi o taimi, "Afai tou te alofa mai ia te au, ia outou tausi mai i au poloaiga" (Ioane 14:15). O lou usiusitai e faaaliai ai lou alofa mo le Atua. O lou usiusitai naunautai i gaoioiga laiti, i aso taitasi e mafai ona saunia ai oe e tali atu, pe a oo mai Ana valaaulia i le lumanaai, ma ausia ai ni mea e tetele atu.

## ALOFAGIA E LE ATUA

Na faapefea ona faaalia e le Faaola sa alofa o la i le Tama Faalelagi?

O le a se mea o aoao atu e lenei mea ia te oe e uiga ia lesu?

O le a se faatinoga aoga, amiontu e mafai ona e aveina i le aso e faaali atu ai lou alofa mo le Atua?

### AOAO ATILI:

Tagai Mosaea 2:22, 41.  
"A o tatou aoao atili e uiga ia lesu Keriso, ua tatou atiina ae le faatuatua sili atu ia te la ma tatou mananao lava i tatou e mulimuli i Lana faataitaiga."

Jean B. Bingham, "Ina la Atoa Lo Outou Olioli," Liahona Nov. 2017, 87

## “Tupu i le alofagia e tagata”

Faatei! O le i ai o ni tagata se toatele e mulimuli ia te oe i faasalalauga faaagafesootai e *le* faapea ai ua “alofagia [oe] e tagata.”

Sa faaali atu e Iesu se auala e ese o le faatosinasina o isi—ma e sa Ia faatagaina e faatosinaina o Ia. O Ia ‘sa femaliua’i ma agalelei, . . . aua sa ia te ia le Atua” (Galuega 10:38).

Sa saunoa mai Peresitene Henry B. Eyring, Fesoasoani Lua i le Au Peresitene Sili, i

**AOAO ATILI:**  
la avea ma se uo e pei  
ona sa i ai Amona i le  
Tupu o Lamona. Tagai  
Alema 17:19-18:41.

## ALOFAGIA E TAGATA

O a nisi o auala e mafai ona avea ai oe  
o se uo lelei atu ia i latou e siomia oe?  
E mafai faapefea e le faataitaiga a le  
Faaola o le “femaliuai ma agalelei”  
ona faateleina au faatosinaga  
amiontu i isi?

se tasi o taimi, “Ou te manatua pea lava,  
e pei lava o le aso, ia uo sa pai mai i lo’u  
olaga mo le lelei i aso lava la ua leva. Ua mavae  
atu i latou, ae o le manatua o lo latou alofa, faataitaiga, faa-  
tuatua, ma molimau o loo faagaeetia ai pea lava a’u.”<sup>5</sup>

E mafai ona faateleina au faatosinaga e ala i le avea o  
se uo o le e pai atu i olaga mo le lelei! Ua aoaoina oe e  
le *Mo le Malosi o le Autalavou* i le auala e: “Faaali atu le  
naunau faamaoni i isi; mata fiafia i ai ma tau atu i ai e te  
popole mo i latou. Ia taulimaina tagata uma i le agalelei  
ma le faaaloalo, ma aloese mai le faamasinoina ma le  
faitioina o i latou o siomia oe . . . Fai se taumafaiga faa-  
pitoa e avea ai oe o se uo ia i latou e matamumuli pe ua  
tuuatoatasi, o i ai ni manaoga faapitoa, pe ua manatu foi e  
le amanaiaina i latou.”<sup>6</sup>

Mafaufau i tagata taitoatasi e te faamemelo ma faaalo-  
alo moni i ai—i latou e te *fiafia i ai*. O a ni uiga ua latou  
atinaeina e faamanatu atu ai ia te ia Iesu Keriso? Aua po  
o le a lava le lelei o a tatou uo, o le tatou uo silisili lava o  
Iesu Keriso, ma o Ana faataitaiga o le mea lena tatou te  
mananao e mulimuli i ai!

## E Fesootai Uma Lava

“Ua tupu le poto ma le tino o Iesu,  
ua alofagia o Ia e le Atua atoa ma tagata”  
(Luka 2:52). A o e mulimuli i le faataitaiga  
a le Faaola o le tuputupu a’e, o le a e iloa  
ai e galulue faatasi atoatoa lelei ia ele-  
mene, ma *o le a* avea atili ai oe e pei o Ia.  
O le a galulue faatasi lou mafaufau, tino  
ma le agaga mo lou lelei, ma o le a mafai  
ona e faamanuiaina olaga o le toatele o  
isi ma “auauna atu i le [Atua] ma lou loto,  
manatu, mafaufau ma le malosi atoa”!  
(Mataupu Faavae ma Feagaiga 4:2). ■

### FAAMATALAGA

1. James E. Talmage, *Articles of Faith*, 12th ed. (1924), 90.
2. James E. Talmage, *Jesus the Christ*, (1916), 112.
3. Russell M. Nelson, “O Tatou o Fanau a le Atua,” *Liahona*, Ian. 1999, 101–4.
4. Jeffrey R. Holland, “O a Taeao e Faia ai e le Alii o Vavega i o Outou Luma,” *Liahona*, Me 2016, 127.
5. Henry B. Eyring, “Uo Moni,” *Liahona*, Iulai 2002, 29–32.
6. Mo Le Malosi o le Autalavou (tamaitusi, 2011), 16.



## Saunia e Kuinini Manumua

**A** o avea a'u ma se tagata vasega amata i le aoga mauluga, sa fai mai le faiaoga siisii meamamafa ou te auai i le siisii meamamafa

"Mmm . . . leai faafetai," sa ou fai atu ai. "E le o sa'u mea lena."

Ae sa fai mai pea lava. Mo le tele o vasio.

Mulimuli ane, sa ou faataitaia loa. Sa sa'o lava o ia: sa matuai ou fafia lava i le siisii meamamafa. Sa mautinoa lava le ese lava i le taimi muamua; sa le'i faia muamua e lo'u tino se mea faapea. Ae sa faasolo ina ou fafia i le lagona o le faamalositino. Sa ou fafia foi i tagata o la'u au ma tauvaga. Ma sa amata ona lelei lava la'u taumafai!

O le taimi nei ua avea le siisii meamamafa o se vaega tele o lo'u olaga. Ou te koleni i aso uma mo le pe a ma le lua po o le tolu itula, i le faiga o sii ma le pa e faalava i le papatua, sii ma malolo, ma siimalele. (Ma afai e te le iloa po o a na mea, aua le popole—sa faapena foi a'u!)

E pei o le tele o mea, o le siisii meamamafa e alu ai le taimi ma le onosai, ma o nisi taimi o se mea faigata lena mea. O le mea e laki ai, e i ai lava iina lo'u aiga e faamalosiau mai ia te a'u,



# O SE TAIALA A SE SII MEAMAMAF

## *O se mau se tasi e mafai ona faia se ese esega tele lava.— e oo lava i tauvaga siisii meamamafa.*

e tusa lava foi pe ou te faitio i o'u tiga (lea e masani ona ou oo i ai). E i ai lava i taimi uma ia pepa aisa ma tala faalototele a lo'u tama e sauni mai mo a'u pe a ou taunu i le fale mai koleniga. E ositaulaga e le aunoa lo'u tina ina ia ou alu i tauvaga.

O ni nai tausaga ua mavae, sa ou alu ai i se tasi o na tauvaga i Philadelphia, Pennsylvania, ISA. Sa ou fiafia e tauva faasaga i tagata siisii meamamafa mai le atunu atoa, ae sa fai si o'u popole ona o le mamao ese mai lo'u aiga. Ina ia faafagofie ai, sa folafola mai lo'u tina e tesia mai ia te a'u ni mau ma ni savali magafagafa i aso uma lava.

O le po a o lumanai le tauvaga, sa faia ai se pati a nisi o tamaiti. Sa ou manatu e manaia le alu i ai, o lea sa ma o loa i ai ma la'u paga ma te potu faatasi e siaki. Peitai, sa vave ona ou iloa i le taimi lava lea, sa le o la'u ituaiga pati lea. Sa i ai le tupulaga na inupia, ulaula, fai upu leaga, ma sisiva mataga. Sa ou iloaina sa le tatau ona ou i ai iina, ae sa ou popole po o le a se manatu o la'u paga ma te potu faatasi. Po o le a foi se manatu o isi tamaiti tauva.

Peitai sa oso mai se mea i lo'u mafaufau: "Tutu i nofoaga paia."

Sa maua mai i le mau e sili ona ou fiafia i ai, ma o se tasi o mau sa auina mai e lo'u tina i lena taeao: Mataupu Faavae ma Feagaiga 87:8: "O le mea lea, ia outou tutu ai i nofoaga paia, ma aua le masi'i ese, seja oo mai le aso o le Alii; aua faauta, e vave lava ona oo mai ua fetalai mai ai le Alii. Amene."

Ou te le iloa pe aisea na auina mai ai e lo'u tina le mau lena i lea aso, ae o se tasi o mau ou te fiafia lava i ai i lo'u olaga atoa. Na ou taulotoina talu mai le valu o o'u tausaga, ma ua faafia ona faamanatu mai ai ia te a'u ia ou lototele, ia usiusitai ma tu atu mo le mea ou te talitonu i ai.

"Tutu i nofoaga paia."

"O le a ou alu," sa ou fai atu ai i la'u paga ma te potu faatasi. Sa ou faamatala atu i ai le mau sa auina mai e lo'u tina i le taeao lea. "E le o se nofoaga lenei e tatau ona ou tu ai."

Sa fai mai foi la'u paga ma te potu faatasi, sa le fia i ai foi o ia iina. Sa le lagolelei foi o ia ae sa le'i manao e aluese nao ia ma vaai mai i ai tagata o se tagata

vaivai. Sa ia faafetai mai ia te a'u mo le fai atu, ma sa ma o ese loa.

O le taeao na sosoo ai, sa ma iloaina ai, o le taimi lava sa ma o ese ai, sa faapea ona maua ai ia tamaiti sa i ai i le pati ma aveese ai mai le tauvaga mo le inupia ma le faaaoga o fualau oona.

Ana le musuia a'u ia manatua le fuaiupu a lo'u tina, semanu e faaleogaina foi a'u mai le tauvaga. Sa iu ina ou manumalo i le tulaga muamua, o lea ou te matuai faafetai ai lava ona na mafai ona ou tauva. (Ou te manatu, ou te faafetai i lo'u tina i aso taitasi uma lava mo le tesia mai ia te a'u.)

O le manumalo i se tauvaga siisii meamamafa o se faamanuiaga e fai lava si mautinoa ma vave mai le tausia o polo-aiga. Ae e le o faapea mai le Mataupu Faavae ma Feagaiga 87:8. "la outou tutu ai i nofoaga paia ina ia mafai ona outou manumalo i tauvaga siisii meamamafa." Ma e le o faapea mai le loane 14:15 "Afai e te manao i faamanuiaga vave, tausia mai a'u poloaiga." E faamanua i tatou e le Alii ona e alofa o la ia i tatou. Ma tatou te taumafai ia paia ma usiusitai ona tatou te talitonu ma alofa i le Alii. ■

*E alala le tusitala i Kalefonia, ISA.*

# I LETU MALOSI



# "AFAI TOU TE ALOFA MAI IA TE AU, IA OUTOU TAUSI MAI I A'U POLOAIGA" IOANE 14:15



Peresitene Aoao o Tamaitai Talavou Sister Bonnie H. Cordon (ogatotonu), Sister Michelle D. Craig, Fesoasoani Muamua (agavale), ma Sister Becky Craven, Fesoasoani Lua (taumatau).



Peresitene Aoao o Alii Talavou Stephen W. Owen (ogatotonu), Uso Douglas D. Holmes, Fesoasoani Muamua (agavale), ma Uso M. Joseph Brough, Fesoasoani Lua (taumatau).

## AFAI TOU TE ALOFA MAI IA TE A'U

Saunia e le Au Peresitene Aoao o Tamaitai Talavou

O le autu a le autalavou mo le tausaga 2019 o se valaau e faatino—o se valaaulia patino mai lo tatou Faaola. Ua i ai uma outou i totonus? Tou te alolofa ia te Ia? Pe o tou naunau e mulimuli i Ona tulagaaaa?

Sa faia e lo tatou Faaola o Iesu Keriso se mea mo i tatou lea e le mafai ona tatou faia mo i tatou lava. Ae o le a la se mea ua Ia talosaga mai ai? Ua Ia talosaga mai ia tatou tausia Ana poloaiga ina ia mafai ona faamanuiaina i tatou ia maua pea Lona Agaga e faatasi ma i tatou (tagai Moronae 4:3).

O poloaiga o se meaalofa o le alofa. Sa na ona fetalai mai faapea o le Faaola, “Afai tou te alofa mai ia te au, ia outou tausi mai i a'u poloaiga” ae *aisea*? Ona e alofa o Ia ia te OE! E finagalo o Ia ia e fiafia. E finagalo ia tumu *lou* olaga i le olioli ma avanoa e le gata. E finagalo o ia ia e saogalemu ma puipuia mai mea leaga o le lalolagi. E finagalo o ia e liligi

mai faamanuiaga e tele i *ou* luga “o le a lei se avanoa e lava e teu ai” (3 Nifae 24:10). E finagalo o ia ia e toe foi atu ma toe nonofo faatasi ma Ia ma ia avea ma se tasi e faaaogaina faamanuiaga folafolaina *uma* a le Tama Faalelagi.

Ia manatua pea le alofa tele o le Tama Faalelagi i Lana fanau. E atoatoa Lona alofa mo oe. E mafai ona e faali atu lou alofa mo Ia e ala i le tausia o Ana poloaiga. O au amioga amiotonu o le a aumaia ai faamanuiaga e anoanoai mo oe ma i latou e siomia oe.

E pei ona saunoa lo tatou pero-feta o Peresitene Russell M. Nelson: “Matou te manaomia oe ia faatasi ma i matou i le autau a le autalavou a le Alii. O le a le toe tutusa lava e aunoa ma oe!” Sa ia valaau oe e “tu matilatila [ma] ia ese mai le lalolagi” e ala i le ola i tulaga faatonuina o loo i le *Mo le Malosi o le Autalavou* ma e ala i le tausia o poloaiga—inia ia “foliga e pei, leo e pei, gaoioi e pei, ma laei e pei o se soo moni o Iesu Keriso” (“Faamoemoe o Isaraelu” [faigalotu



a le autalavou i le lalolagi atoa, mo le 3 Iuni, 2018], 8, [HopeOfIsrael.lds.org](http://HopeOfIsrael.lds.org)).

A o e taumafai e usitai i le Alii ma Ana perofeta, o le a faatumulua oe e le Agaga Paia i le alofa o le Atua ma molimau atu ia te oe e uiga i lou faasinomaga paia o se atalii po o se afafine o le Atua. E tuputupu a'e na faamanuiaga a o e taumafai e ola amiontonu. E talitonu le Alii ma le perofeta ia te oe. E alolofa i Laua ia te oe. Matou te tautino atu e oo mai le talitonuga maoae, faalototeleina o le tagata lava ia, ma le mafanafana pe a e usitai ma tausia poloaiga.

## TAUSI I A'U POLOAIGA

*Saunia e le Au Peresitene Aoao o Alii Talavou*

**P**e ua e mafaufau ea, “Pe mafai faapefea ona ou faaali atu i le Tama Faalelagi ou te manao moni ia te Ia e tali i a'u tatalo ma faamanuia a'u?” Sa tuuina mai e le Faaola o Iesu Keriso ia i tatou le ki ina ua Ia fetalai mai, “Afaifou te alolofa mai ia te a'u, ia outou tausi mai i a'u poloaiga” (Ioane 14:15).

I nisi faaupuga, e faaali atu lo tatou alolofa i le Tama Faalelagi e ala i le tausiga o Ana poloaiga.

O nisi taimi e le oo mai ai tali i le taimi ma le auala tatou te faamoe-moe i ai, ma atonu e faaosooosoina i tatou e tuu pe taofi le toe usiusitai. Ae afaifou tatou te onosai ma faalogo, o le a tali mai le Alii i Lana lava taimi ma Lana lava ala. E tali mai e le aunoa o Ia i tatalo amiontonu. E faamanuia mai e le aunoa o Ia i le usiusitai (tagai Mosaea 2:21-24).

Ua aoao mai le lalolagi o le alofa e le i ai ni tiutetauave. Ae e moni foi lona faafeagai. O lo tatou alolofa i le Atua e faaalia lea i lo tatou pulunaunau ma le maelega i le tausiga o Ana poloaiga.

Na aoao mai le Faaola, “E tuu faasaoloto foi outou e le upu moni” (Ioane 8:32). Sa folafola mai foi e le perofeta o Alema, “e lei avea lava le amioleaga ma fafia” (Alema 41:10). Ma e ala mai i le Perofeta o Iosefa Samita, na aoao mai ai le Alii, “E i ai se tulafono na folafola le maaveesea i le lagi i luma atu o

le faavaega o le lalolagi lenei, ua faavae ai i luga faamanuiaga uma—ma a tatou maua se faamanuiaga mai le Atua, e maua i le usiusitai i lena tulafono ua faavae ai i luga” (Mataupu Faavae ma Feagaiga 130:20-21).

O le fafia, faamanuiaga, ma le taitaiga e oo mai e ala i le usiusitai. E finagalo le Tama Faalelagi ia e fafia ma saoloto ona e alofa o Ia ia te oe, o le pogai lena ua Ia tuuina mai ai poloaiga. Ina ia maua le filemu lea e le maua i lenei lalolagi, e ao ona tatou iloa o le gauai atu i le finagalo o le Tama e na o le pau lena o le auala i le fafia.

E finagalo le Tama Faalelagi ia e maua le fafia e faavavau. E finagalo ona perofeta ina ia e maua le fafia e lemafuatiaina. Matou te mananao ia e maua le fafia ua matou maua i le mulimuli i le Faaola. Savali i le ala ua Ia faaali mai, (tagai “Faaola e Ia Ou Alofa,” *Viiga*, nu. 150). Filifili e usiusitai. O lou usiusitai naunautai o le a taitai atu ai i le saolotoga ma le fafia moni. ■



# AFAI TATOU TE ALOLOFA IA TE IA

Pese o le Autu o le Mutuale 2019

Upu ma le fati na tusia e Nik Day

Ma le Malosi     $\text{♩} = 96\text{--}108$

Musical score for measures 1-4. The score consists of two staves. The top staff is in treble clef and the bottom staff is in bass clef. The key signature changes every two measures: F major (F), G minor (Gm), D minor (Dm), and B♭ major (B♭). The tempo is indicated as  $\text{♩} = 96\text{--}108$ .

Musical score for measures 5-7. The score consists of two staves. The top staff shows lyrics in two lines:

1. Le a - lofa e si - li nai lo u - pu;  
2. O Ia — la - va o le a - la E ma - nu - ia ai - i Lo - na a - lo - fa.

The key signature changes every two measures: F major (F), G minor (Gm), D minor (Dm), and B♭ major (B♭).

Musical score for measures 8-10. The score consists of two staves. The top staff shows lyrics in three lines:

— Na a - fio mai ona e a - lo - fa, Le faa - moe - mo -  
— A ta - tou alo - fa ia te I - a, Ta - tou te usi -  
B♭ F Gm

The key signature changes every two measures: B♭ major (B♭), F major (F), and G minor (Gm).

Musical score for measures 11-13. The score consists of two staves. The top staff shows lyrics in three lines:

e - ga, I pua - pu - a - ga. — A - lo - fa pei o I -  
ta - i, Ma — li - u - a. — Dm B♭ F

The key signature changes every two measures: D minor (Dm), B♭ major (B♭), and F major (F).

© 2018 Puletaofia e le Intellectual Reserve, Inc. Ua taofia aia tatau uma.

O lenei pese e mafai ona kopiina mo le faaaogaina i le lotu po o le aiga i mea e le faapisinisi.

E tatau ona tuu lenei faasasilaga i luga o kopi taitasi e faia.

14

a, — Sa - va - li — i Ona a - la. — A ta - tou

Gm Dm B♭

17

a - lo - lo - fa, — Ia faa - a - lia. —

F Gm Dm

20

%

Ta - tou — ō e au - au - na atu ma se loto ma - ma, Sa -

B♭ F Gm⁷

23

ili ili - ma ua tau - tau ma sii i lu - ga, O - la e pei o la ma fai - a

F B♭ F

26

mea u - ma, Pe a ta - tou, a - lo - lo - fa, Ia te I -  
Gm7 F B $\flat$

29

1. 2. 3.

a. — a. —  
F Gm Dm B $\flat$  F

34

Al Coda  $\Theta$

A-fai ta - tou te A - lo - fa, —  
Gm7 Dm7 B $\flat$  C

38

e su - i - a mea u - ma O lo ta-tou o - la. Ta-tou te  
Dm B $\flat$  F C

42

— a - ve Lo - na a - lo - fa — Na Ia au - mai — Ta - tou  
Dm C7

45

— ò eau - au - na atu ma se loto ma - ma Sa - 'ili i li - ma ua tau - tau ma  
F Gm Dm

48

sii ilu - ga O - la e pei o ia ma fai - a mea u - ma i le a - lo - fa.  
Bb F Gm Dm

D.S. al Coda      ♫ CODA      rit.

52

Ta-tou

52

53

Bb F Gm Dm Bb

rit.



Sa soifua ae i  
**American  
Fork, Iuta,**  
i le aso 21 o lanuari, 1945

Sa faigaluega o se  
**loia**



Sa lagolagoina o se uso o le  
**Korama a  
Apostolo e  
Toasefululua**  
ia Aperila 2008

I le 13 [o ona  
tausaga] sa ia  
fesoasoani ai ina  
ua uma le taotoga  
o lona tina e  
**tao ia  
falaoa.**



Sa faaaaua ona  
ia faia o lena mea  
seia oo ina aluese  
mo le kolisi.

Sa faaiopoipo ia  
Katherine Jacob  
i le 1968  
i le  
**Malumalu  
o Sate Leki**



**E** toa 5  
lana fanau ma  
fanau a fanau e 16



# O Le Faamanatuga ma le Avea Atili e Faapei o Keriso

Saunia e Elder D. Todd Christofferson

O Le Korama a Apostolo e Toasefululua

**E** matagofie le mafaufau loloto i le faatusa o le faamanatuga o le Talisuaga a le Alii. Ua faatusa le falaoa ma le vai i le tino ma le toto o Ia o le Areto o le Ola ma le Vai Ola (tagai Ioane 4:10), e faamanatu mai ai lava ma le loto nutimomoia ia i tatou le tau na Ia totogiina e togiolaina ai i tatou. A o tofitofi le falaoa, tatou te manatua ai le tino na tuimomomoina o le Faaola. Pe a tatou feinu i le vai, tatou te mafaufau i le toto na Ia faamaligiina i Ketesemane ma i luga o le satauro ma lona mana faapaia (tagai Mose 6:60).

Ae i se tulaga faafaatusa, o loo i ai se faauigaga sili atu o le aai i Lona tino ma feinu i Lona toto, ma o lena faauigaga o le teuloto o tomai ma uiga o Keriso. . . . A o tatou aai ma feinu i le falaoa ma le vai o le faamanatuga i vasio taitasi, o le a lelei lo tatou mafaufau pe o le a leatoao e tatau ai ona tatou faaaofia ai Ona uiga ma le mamanu o Lona soifua e aunoa ma se agasala i o tatou lava tagata. Semanu e le mafai e Iesu ona togiola mo agasala a isi

vagana ai e leai se agasala a Ia Lava. Talu ai e leai se aia a le faamasinotonu ia te Ia, o lea ua mafai ai e Ia ona ofoina mai o Ia lava e suitulaga ia i tatou, ina ia faamalie ai le faamasinoga tonu ma aumai ai le alofamutimutivale. . . .

O le ‘aai i le tino o le Faaola ma feinu i Lona toto o lona uiga o le tuu ese mai o tatou olaga soo se mea e le ogatusa ma se uiga faaKeriso ma avea Ona uiga faaleatua mo i tatou lava. O le faauigaga tele atu lea o le salamo: e le gata i le liliu ese mai agasala ua tuanai ae “o se liliu atu o le loto ma le agaga i le Atua” (tagai Taiala i Tusitusinga Paia, “Salamo”). O le a faaali mai e le Atua ia i tatou o tatou faaletonu ma vaivaiga, ae o le a Ia fesoasoani foi ia tatou liliuina vaivaiga i malosiaga (tagai Eteru 12:27). Afai tatou te fesili ma le lotofaamaoni, “Se a se mea ou te lei faia?” (Mataio 19:20) O le a Ia le tuua lava i tatou e taumate, ae o le a Ia tali mai i le alofa ina ia tatou fiafia. Ma o le a Ia tuu maia ia i tatou le faamoemoe. ■

*Mai se lauga o le konafesi aoao o Oketopa 2017.*



AFAI TOU TE ALOFA MAI IA  
TE AU IA OUTOU TAUSI  
MAI IAU POLOAIGA.  
JOANE 14:15

O LE EKALESIA A  
IESU KERISO  
O LE AU PAIA O ASO  
E GATA AI

AUTALAVOU MATUTUA

**LOFITUINA I LE OLAGA?**

*O le vaega o le masina lenei e  
faatatau uma lava i le fesoasoani  
ia te oe ia faaleleia lou soifua  
maloloina faalelagona ma  
faalemafaufau.*

42



IOSEFA SAMITA

**O MEA E MANATUA O LE  
AMIOLELEI MA UIGA O  
LE PEROFETA**

28

AUTALAVOU


**O AUALA E FA E AVEA AI  
E FAAPEI O IESU KERISO**

52

AUTU FOU O LE MUTUALE  
**O SE VALAAULIA MAI LE  
FAAOLA**

58

O LE EKALESIA A  
**IESU KERISO**  
O LE AU PAIA O ASO  
E GATA AI



**O Se vaega  
fou mo  
tamaiti mo  
OE!**



Saunia e Peresitene  
Russell M. Nelson

# Aoao e uiiga ia Iesu

**N**a auina mai e le Atua Lona Alo, o Iesu Keriso, e fesoasoani ia i tatou. E mafai ona e maua le mana mai ia Iesu Keriso pe a e faia mea nei:



## Suesue, "O Le Keriso Soifua:

O se molimau e uiiga ia Iesu Keriso mai perofeta ma aposetolo.



**Taumafai e vaai ia te Ia**  
i mafauauga *uma* (tagai Mataupu Faavae ma Feagaiga 6:36). A e faia, e sosola ese ou masalosaloga ma atuuatuvalega.



## Aoao e uiga i le Faaola.

O ni nai tausaga ua mavae, sa ou faitau ma vase ai lalo o *fuaiipu uma lava* o mau e uiiga ia Iesu Keriso. Ina ua uma, sa ou fai atu i lo'u toalua, "O a'u o se tagata ua ese!"



**Ia naunau e tutu atu,**  
tautala atu, ma ia ese mai i tagata o le lalolagi.



**Osia feagaiga paia**  
ma ia tausia.

*Mai le "Mauaina o le Mana o Iesu Keriso i o Tatou Olaga," Liahona, Me 2017, 39–42.*

# FESOASOANI IA OLA LE TATOU FAATOAGA!

Ao i ai Iesu i le lalolagi, sa agalelei o Ia i isi i taimi uma. A tatou agalelei, ua tatou mulimuli ia te Ia.

E pei lava o le tele o laauiti, fugalaau ma fualaau faisua e eseese e ola i faatoaga, e mafai ona tatou agalelei atu i le tele o auala eseese.

O le tausaga lenei tatou te totoina ai se togalaau o le agalelei! A e faaali atu le agalelei i se tasi, ia tusi i luga o se mamanu o se fugalaau e oti ese, se laumafiafia matuitui, laulaau, laauiti, laaufaisua, pe o se manu ninii foi e aoga o le faatoaga! Ona auina mai lea ia i matou. O le a faamatala atu i le itulau pito i tua le auala e fai ai. Pe fai la oe lava togalaau agalelei ma auina mai ia i matou sou ata o loo e "galue" ai!



O la'u poloaiga lenei,  
ia outou fealofani,  
pei ona ou alofa atu  
ia te outou.\*

\*Ioane 15:12

O tamaiti Peraimeri mai **Osun State, Nigeria**, na faia ni fugalaau e faaopoopo i le togalaau o le agalelei!



# Laauiti o le Molimau

*O le a ea le uiga o le i ai o se molimau?*

**Saunia e Maryssa Dennis**

Mekasini a le Ekalesia  
E faavae i se tala moni

**S**a savali atu Elisa i totonusi o le Perai-meri ma nofo i talaane o lana uo o Amato.

“Talofa!” Sa fai mai ai Sister Russo. “Tatou amata i se pese.”

Sa pese Elisa faatasi ma lana vasega. “[Faatuatua] A toto pei se laau: O le a tupu pea” (*Tusipese a Tamaiti*, 50).

Sa tufa mai e Sister Russo ia pepa ma vali. “Mafaufau i le pese na tatou usuina,” sa ia fai mai ai. “A e totoa lau fatu o le faatuatua, e tupu ae e avea o se molimau. Ia tusi laia foliga o le a i ai lau molimau pe ana faapea o se laauiti.”

Sa sioa Elisa i lana pepa e leai se mea o i ai. Sa amata tusi ata a isi tagata uma. Sa faasepasepa atu Elisa i le ata a Amato. O lana laauiti sa i ai se au sasa’o ma le tele o laulaau. Sa foliga mai o le pasili [basil] o loo ola i le faataumata o le latou falemautotogi. Atonu e faapena foi foliga o lana molimau! Sa ia uumauina le vali ma tusi se laauiti na pei o le laau a [Amato].

“Faamolemole susue a outou tusitusiga paia i le Alema 32,” sa fai mai ai Sister Russo.

Sa latou faitau e uiga i le totoina o se fatu i lou loto ma lagonaina lona ola ae. Sa tilotilo Elisa i le laauiti o lana molimau.. *Pe* sa i ai sana molimau? Ae o le a foi le uiga o lena mea? Sa ia manao e fesili ae sa matamuli tele.

Ina ua uma le vasega, sa alu atu Sister Russo ia Elisa.

“E foliga mai e i ai se mea o faalavelave ia te oe. E i ai se mea o faaletonu?” Sa fesili atu ai Sister Russo.

Sa toe tilotilo ifo Elisa i lana ata. “Ou te le mautinoa e i ai sa’u molimau. Ou te le iloa lelei po o le a le uiga o lena mea.”



Sa ataata agalelei atu Sister Russo ia Elisa. “E le afaina. E te manatua le mea e ta’u o le faatuatua?”

Sa luelue le ulu o Elisa. “O le talitonu i se mea e le mafai ona tatou vaaiia?”

“E sa’o lelei!” Sa fai mai ai Sister Russo. “O a ni mea e te talitonu i ai?”

Sa faigofie le fesili lena. “Ou te talitonu i le Tama Faalelagi ma Iesu Keriso. Ou te iloa e alolofa ia te a’u.”

Na ataata Sister Russo. “O lena na e faasoaina mai lau molimau! O se molimau o se mea ua e talitonu i ai e uiga i le talalelei.”

Sa mafaufau i ai Elisa. “O lea ua i ai a la’u molimau?”

“Ioe!” Sa uu i luga e Sister Russo ana tusitusiga paia. “Ma manatua le mea sa tatou faitauina anane? E te fagaina le fatu e ala i le faia o mea e pei o le sau i le lotu. Ona tupu malosi ai lea o lau molimau.”

Sa lagona e Elisa le pei ua ia malamalamama. “O le mea lena sa tatou tusia ai a tatou molimau o ni laauiti?”

“Sa’o lelei lava. Aua o laauiti e tutupu a’e laiti,” sa fai mai ai Sister Russo. “E faapena uma lava molimau. E le masani ona o mai uma i le taimi e tasi. E tupu ae o sina mea itiiti i le taimi.

Sa lagona e Elisa le fiafia e uiga i le laauiti sa ia tusia. Ina ua oo atu o ia i le fale, sa ia tusia “O La’u Molimau” i talaane o lana ata. Sa ia tautaua i luga i talaane o lona moega. Sa ia iloaina ua amata ona tupu lana molimau. Ma sa manao e mulimuli pea ia Iesu ina ia mafai ona tupu tele atu! ●

## **FAATUPUINA O LAU MOLIMAU**

**O se molimau**  
o se mea e talitonu i ai e moni,  
e pei o le "E alofa le Atua ia te a'u" po  
o le "Ou te talitonu e faavavau aiga."

**E manaomia  
e laauiti** le suavai ma le  
susulu o le la ia ola ai. O tusitusiga  
paia, tatalo, ma le lotu e pei  
o le suavai ma le malamalama  
mo a tatou molimau.

**O aa**  
e faamalosia laauiti. Ia  
tatou faamalosia a tatou  
molimau e ala i le manatua o le  
Tama Faalelagi ma Iesu i aso uma!

**E pei o laauiti,**  
e eseese le saosaoa e tutupu ai  
molimau a tagata uma lava. E fiafia le  
Tama Faalelagi pe a tuputupu ae lou  
malamalama e tusa lava pe itiiti.

# Fatu o le Faatuatua

Sa faatusaina e le perofeta So Alema le faatupuina o se molimau i le totoina o se fatu (tagai Alema 32). A e tatalo, faitau tusitusiga paia, ma fesoasoani i isi, o le a tupu lou faatuatua! Faa-taitai le gaoioiga lenei e vaai ai i le tatumupu a'e o se fatu.

## Mea O Le A E Manaomia:



- 1 Tuu pepa sololima susu i totonu o se taga pepa palasitika. Tuu ai i luga le pi ona faamau lea.
- 2 Tuu le tagapepa i se nofoaga e laina. A uma pe a o se vaiaso, ua tatau ona amata tatupu ae le pi.
- 3 Ia tuu pea le laauiti e tupu mo se taimi. A e vaaia ni aa, toto loa le tatupu i le palapala. Fui i vai ma tuu i le la ma vaai pe o le a le tele e ola ai!



## Faafetaui Laauiti

E eseese lava le ola o molimau a tagata uma. E mafai ona e faafetauia ia laauiti taitasi ma lona ataata?



# Faatuatua

*Ma le Gaua'i*

$\text{♩} = 80-92$

*Upu:* Beatrice Goff Jackson  
*Fati:* Michael Finlinson Moody

Treble clef staff:  
C (1), G7 (2), C (1), F (2), C (1)

Bass clef staff:  
3

1. Faa - tua - tu - a, e o - so mai pea la - va o le la.  
2. Faa - tua - tu - a sa ou o - la i le mu - a'i o - laga.

Bass clef staff:  
3

Treble clef staff:  
Dm (1), G7 (2), C (3), D (4), G7 (5)

Faa - tua - tu - a, e ta - lia mai ta - ta - lo e Ie - su.  
Faa - tua - tu - a e toe fo'i a - tu pe a ou o - ti.

Bass clef staff:  
5

Treble clef staff:  
Am (1), C (2), F (3), C (4), G7 (5), C (6)

A to - tō pei se la - au, o le a tu - pu pea.  
Ta - li - to - nu ia Ie - su, o i - a le a - la.

Bass clef staff:  
1

Treble clef staff:  
5

E tu - pu pe - a i lou lo - to, pe a ou fai mea tonu.  
E ma - lo - si ma tu - ma - u, pe a ou u - si - tai.


Bass clef staff:  
5

© 2019 by Intellectual Reserve, Inc. Ua taofia aia tatau uma.  
E mafai ona kopi lenei pese mo le faaogaina i le fale ma le ekalesia i mea e le faapisinisi.  
E tatau ona tuu lenei faasilasilaga i luga o kopi taitasi e faia.

# Talofa mai le Atu Filipaina!



Pe a ma le selau miliona tagata e nonofo i le Atu Filipaina, faatasi ai ma le tele o manuvaefa mananaia!



E valu gagana autu e tautalagia i le atu Filipaina. O le Tusi a Mamona lenei ua lolomiina i le gagana e ta'u o le Sepuano.



O le tausaga lenei o loo ma malaga taamilo ai i le lalolagi e aoao e uiga i le fanau a le Atua. Auai ma i ma'ua a o ma asiasi atu i le Atu Filipaina!



E faapefea ona e oo atu i le lotu? O nisi o aiga Filipino e tietie i sipi [jeepney] e feoai ai!



O le mama FMT lenei i le gagana Filipino e ta'u o le Takaloka. O le faafilipino lenei o le "filifili mea tonu" *piliin ang tama*.

O malumalu nei i le Aai o Sepu ma Manila. Ae tou te iloa? O loo fausia se malumalu lona lua i Manila! Ma o le a fauina foi malumalu i isi aai e lua, o Urdaneta ma Cagayan de Oro.



O tamaiti Filipino e taalo i se taalog a e ta'u o le *luksong tinik*, po o le "puna i luga o laau talatala." E saofai se tamaititi se toatas pe toalua i luga o le fola, ma tuu o latou vae ma lima i luga o le tasi ma le isi. Ona taumafai lea o isi tamaiti e fepuna i luga e aunoa ma le papai i le faaputuga.

Faaftai mo le suesueina o le Atu Filipaina faatasi ma i ma'ua! Feiloai i se isi taimi!



### Feiloai i nisi o a maua uo mai le atu Filipaina!



"Ou te tulimatai atu lava i a matou faitauga tusitusiga paia o se aiga i afiafi. Ou te maua ni lagona lelei i taimi uma ou te faitau ai i tusitusiga paia."

**Lanneah D., 10 tausaga, Central Luzon, Filipaina**



"O le taimi muamua sa tau faataitai ai lau faitau, sa ou lagona le faanoanoa ona sa le vave la'u faitau. Sa fesoasoani o'u matua ma lo'u uso ia te a'u, ma o le taimi lenei ua ou fafia lava e faitau tusitusiga paia."

**Acumen D., 7 tausaga, Central Luzon, Filipaina**


E te sau mai Filipaina? Tusi mai ia i matou! Matou te fafia lava e faalogo atu ia te oe!"



# O le LOLE-AISA mo le Tupe o le Misiona

Saunia e McKenna Clarke

E faavae i se tala moni



*"Ona fetalai atu lea o Iesu ia te ia, Ia e fafaga i a'u mamoe" (Ioane 21:17).*

Sa savavali atu Iareto i le fale ma Tina ma Tama mai le slotu i le mutinitini o le la. Sa mafaufau o ia i le latou lesona i le Peraimeri. Talu ai ona e le lelei tele lana faalogo, o lea na tatau ai ona vaai ma le toto'a ia Iareto i ata sa faaali atu e lona faiaoga ma upu sa ia tusia i luga o le laupapa.

O lena aso sa latou aoao ai e faapea, sa fetalai atu Iesu i le au soo ina ia avea ma ni faifeautalai. Sa tau-mafaufau Iareto po o le a se mea e mafai ona ia faia e faasoa atu ai le talalelei, e pei ona fai mai ai Iesu. Sa ia iloaina e le'i mafai ona auauna atu o ia i se misiona.

Ona ia maua lea o se manatu manaia lava. Atonu e mafai ona ia amata sefeina se tupe mo le misiona!

Ina ua taunu i le fale, sa tamoe atu Iareto ma pasia ia Umber, o lana oti fagafao, ma alu i totonu o le fale. Sa ia aumaia se fagu pa'u lapoa ma faapu ma le faaeteete le pito i luga. Sa ia tusia "Tupe mo le Misiona" i le autafa. Ona alu lea i lona potu ma aumai lana tupe mai lalo o lona moega. Sa taitasi ona ia faapauina i totonu ia siliva. Ae sa tau le lilo le muli o le fagu i ana siliva uma. E mafai faapefea ona ia mauaina se tupe?

Sa mafaufau ma saga mafaufau pea Iareto. Sa tilotilo atu o ia i fofo i le faamalama i le la susulu. Sa matuai



vevela tele le Atu Filipaina. Sa ai e Iareto ma ana uo ia lole popo faaaisa e toetoe lava i aoauli uma pe a tuua le aoga. "O lena tonu a!" sa ia mafaufau ai. Atonu e mafai ona ia faia ni lole aisa ma faatau atu i isi tagata e manao e faamalulu.

Sa tamoe Iareto e sue Tina. "E mafai ona e faasino mai ia te a'u le faiga o lole aisa?" Sa fai atu ai e Iareto ia taga. Latou te faaaogaina le gagana faitaga, o se gagana e faaoga ou lima e te tautala ai. Sa ataata Tina ma lue lona ulu.

O le aso na sosoo ai, sa savavali atu ai Iareto ma Tina i le maketi tele e fai i fafo ma faatau uma mai ia sapalai. Ina ua la taunuu i le fale, sa aumai i fafo e Iareto se pesini lapoa ma tuu i ai i totonus le peepee, susu totoo, vanila, ma penu. Sa faaaoga e Tina ma Iareto se faatumu e ligi ai le paluga i ni tamai tagapepa laiti. Ona la tuua uma lea o tagapepa i le fulisa. "Malo galue!" Sa fai atu ai e Tina ia taga.

E umi se taimi e faamalo ai lole aisa. Ae o le aso na sosoo ai i le tuua o le aoga, sa malo lelei ai! Sa tu Iareto i luga o se nofoa ma aumai le kula paepae mai luga o le pusaaisa. Sa ia tuu ni solo i le pito i lalo o le kula ma

faataatitia loa ia lole aisa i le pito i luga. Sa le manofo-nofo o ia i le fia faatau atu.

Sa tamoe Iareto i fafo i le auala pefu. Sa taaaalo ana uo i maua na fai i le fale ma tauai atu o latou seevae tosoto i se atigiapa ina ia pau ai.

I autafa o le auala, sa ia faatuina ai se laulau ma se faailo tele sa fai mai, "Lole Aisa, 5 peso." Sa tamoe atu lana uo o Jhonell ma tusi atu lona lima i le kula. Sa ia tuuina atu ia Iareto se lima-peso siliva, ma na aveatu i ai e Iareto ni lole aisa. Sa fepo o la alofilima.

E lei uma ae o mai isi uo a Iareto e faatau foi ni a latou lole aisa. O ni nai itula mulilmuli ane, ina ua valaau atu Tina ia Iareto e alu atu e fai le meaai o le afiafi, sa toe lava o ni nai lole aisa laiti na totoe.


Sa sii i luga e Iareto le kula lea ua toetoe lava uma faapea ma siliva. I se tasi o ana taga, sa ia tuu i ai nisi o siliva mo lana sefuluai. Ae tuu uma isi siliva i totonus o le isi ana taga. Sa le mafai ona faatali o ia e vaai ua tumu le tupe mo lana misiona.

I le fale, sa ia momonoina siliva o le tupe o le misiona i luga o le faaputuga i le pito i lalo o le fagu. O loo tele lava le avanoa! Ae sa lagona e Iareto le mafanafana o lona loto a o mafaufau e uiga i le auauana atu i se misiona i se aso. Sa ia filifili o le a ia faatau atu ia lole aisa i aso uma lava seja oo ina tumu lana fagu. Sa matuai manaia le lagona o le mauaina o tupe ina ia mafai ona avea o ia o se faifeatalai e pei ona fai atu ai Iesu ia te ia e fai. ●



*Sa auauana atu le tusitala o se faifeatalai i Filipaina ma o loo alala nei i Virginia, ISA.*



# Siata o le Faitauina o le Feagaiga Fou



O le tausaga lenei e mafai ona faateleina ma faateleina lou iloa o lesu a o e faitau i le Feagaiga Fou! O vaiaso taitasi, e mafai ona e saunia mo lau lesona o le Peraimeri e ala i le faitauina o fuaiupu ua lisiina atu i le itulau F14. Valivali ia avanoa pe a uma ona e faitau.



## SIATA O LE FAITAUINA O LE FEAGAIGA FOU

O mau nei e o faatasi ma le faitauga faalevaiaso mo le mataupu aoaoina o le 2019.

- |                                 |                                  |
|---------------------------------|----------------------------------|
| <b>1.</b> Mataio 25:1–4, 8–13   | <b>27.</b> Galuega 9:1–6, 18–20. |
| <b>2.</b> Luka 1:30–38          | <b>28.</b> Galuega 3:1–10        |
| <b>3.</b> Luke 2:40–49, 52      | <b>29.</b> Galuega 12:5–11       |
| <b>4.</b> Ioane 1: 1–5          | <b>30.</b> Galuega 17:22–31      |
| <b>5.</b> Mataio 3:11–17        | <b>31.</b> Galuega 26:12–20      |
| <b>6.</b> Mataio 4:1–10         | <b>32.</b> Roma 6:3–11           |
| <b>7.</b> Ioane 3:1–5, 14–17    | <b>33.</b> Roma 10:13–17         |
| <b>8.</b> Mataio 5:14–16        | <b>34.</b> 1 Korinito 2:11–14    |
| <b>9.</b> Mataio 6:5–8          | <b>35.</b> 1 Korinito 13:1–8     |
| <b>10.</b> Mareko 4:35–41       | <b>36.</b> 1 Korinito 15:13–22   |
| <b>11.</b> Mataio 12:6–13       | <b>37.</b> 2 Korinito 1:3–7      |
| <b>12.</b> Mataio 13:1–9        | <b>38.</b> 2 Korinito 9:6–9      |
| <b>13.</b> Mataio 14:22–31      | <b>39.</b> Kalatia 6:1–10        |
| <b>14.</b> Mataio 16:13–19      | <b>40.</b> Efeso 2:4–10          |
| <b>15.</b> Mataio 7:14–20       | <b>41.</b> Efeso 6:10–18         |
| <b>16.</b> Ioane 20:10–18       | <b>42.</b> Kolose 2:2–7          |
| <b>17.</b> Luka 10:30–37        | <b>43.</b> 2 Tesalonia 3:7–13    |
| <b>18.</b> Ioane 10:9–18        | <b>44.</b> 2 Timoteo 3:14–17     |
| <b>19.</b> Luka 17:11–19        | <b>45.</b> Eperu 1:2–10          |
| <b>20.</b> Mareko 10:13–22      | <b>46.</b> Eperu 7:1–6           |
| <b>21.</b> Mataio 21:12–17      | <b>47.</b> Iakopo 3:1–10         |
| <b>22.</b> Mataio 25:31–40      | <b>48.</b> 1 Peteru 3:12–18      |
| <b>23.</b> Ioane 13:33–35       | <b>49.</b> 1 Ioane 5:2–5         |
| <b>24.</b> Mareko 14:22–24      | <b>50.</b> Faaaliga 5:1–10       |
| <b>25.</b> Luka 23:32–34, 39–43 | <b>51.</b> Luka 2:4–12           |
| <b>26.</b> Ioane 20:24–29       | <b>52.</b> Faaaliga 12:7–11      |

E mafai ona ou tatalo i soo se taimi, i soo se mea ma e uiga i soo se mea. E faafofoga ma tali mai le Tama Faalelagi i au tatalo.



# Asiasi Peresitene Ballard i Texas, ISA

*E malaga atu Aposetolo i le salafa o le lalolagi e auauna  
atu i tagata ma aoao i latou e uiga ia Iesu Keriso.*

Ina ua taia e se afafulifao tele e igoa ia Afa Harvey ia Houston,  
Texas, ISA, e tele fale o aiga sa lolovaia pe na faaleagaina.  
Sa lele atu Peresitene M. Russell Ballard iina e fesoasoani i ai!



1



2



3

**Sa feiloai o ia i faifeautalai ma isi tagata  
o le Eklesia o e sa fesoasoani atu.**



Ona ia asiasi atu lea i pitonuu ia sa tele fale sa lolovaia. O nisi o auala sa poloka, o lea sa savali atu ai o ia mai lea fale i lea fale. Sa faalogo atu o ia i tagata ma faasoa atu i le alofa o le Tama Faalelagi ma i latou.



## O LE A LE UIGA O LE AUAUNA ATU?

Sa auauna atu lesu Keriso i isi, ma e faapena foi i Ana Apostetolo. Faafetaui upu i ata e faaalia ai auala e auauna atu ai tagata i aso nei!



Fesoasoani



Faalogologo



Faamanuiaaga



Fetufaaiga




O le agalelei

**4**  
Sa saunoa o ia i se faigalotu ma ni sauniga faamanatuga se tolu ina ia mafai ona ia faasoa atu le alofa o le Tama Faalelagi i le toatele o tagata!

**5**  
Ina ua ia feiloai atu i se toeaina matua sa faaleagaina lona fale, sa saunoa atu Peresitene Ballard:

O au o se tasi  
o Apostetolo o Le Ekalesia a lesu Keriso o le Au Paia o Aso e Gata Ai. ....  
Matou te mananao ia e iloa matou te alolofa ia te oe. Ma ua matou i ai iinei ona e finagalo lesu Keriso ia matou i ai iinei.



E mafai faapefea ona e fesoasoani i se tasi i le aso?

# O Le Oa e Fetaui Lelei e Faasoa Atu



Saunia e Eric B. Murdock

E faavae i se tala moni

“O taeao e ese le faapitoa,” o le tala lea a le faiaoga a Diego. “O le a tatou faia se Faaali ma Faamatala!”

Sa ataata ia Diego. E fifia tele o ia i le Faaali ma Faamatala! Sa le mafai ona faatali o ia e faaali atu i ana uo se mea faapitoa.

Ina ua tuua le aoga, sa ta’u atu e Diego ia Mama le talafou manaia.

“O le a se mea e tatau ona ou avea?” sa ia fesili ai.

“O se mea e faapitoa ia te oe,” o le tala lea a Mama.

“E mafai ona ou aumaia Lobo!”

Ou te manatu e le mafai ona tatou avatua se taifau i le aoga,” o le tala lea a Mama. “Ae o loo i ai isi oa faapitoa e mafai ona e faasoa atu.”

E le’i umi ae amata loa le suega oa a Diego! Sa ia maua se manuki e faotui i ieie. E tatau ona ia avea o ia? Ae sa vaavaai solo pea Diego.





Sa autilo o ia i tua o nofoa o le umukuka.  
Sa autilo o ia i luga o le fatatusi. Sa le  
malolo o ia seiloga na te maua se mea e  
fetaui tonu lava.

Ona ia tilotilo lea i talaane o lona moega.  
Ona ia maua lea o le mea e fetaui lelei lava!

Sa tamoe Diego e faaali atu ia Mama. Sa  
ia uumauina lana oa.

“Mama!” sa ia fai atu ai. “Vaai!  
Ua ou mauaina le mea e sili  
ona lelei.”

Sa ia uu i luga se ata laitiiti e  
vaai i ai Mama. O se ata o Iesu  
a o avea ma se tamaitiiti. Sa maua e

Diego ni lagona lelei ina ua vaai i le ata. Sa  
manao o ia i ana uo i le aoga ia maua foi  
lagona lelei.

“O se mea faapitoa lena mo le Faaali ma  
Faamatala,” o le tala lea a Mama. “O le a se  
mea o le a e faamatalaina i lau vasega e  
uiga ia Iesu?”

“E mafai e tagata  
uma ona fiafia,” sa  
ia fai atu ai. “Aua  
e alofa Iesu i  
tagata uma!” ●



# Sa Aoaoina ma Tuputupu A'e Iesu

Saunia e Marissa Widdison

Mekasini a le Ekalesia

Sa soifua mai Iesu o  
se pepe laitiiti. Sa avea  
foi a'u o se pepe!



Sa fesoasoani Maria ma  
Iosefa e tausi Iesu. O ai  
o fesoasoani ia te a'u?



Sa tuputupu a'e Iesu i ala  
lava e tasi o loo o'u tuputupu  
a'e ai. Sa tuputupu a'e o ia  
i le poto. O lona uiga sa Ia  
aoaoina ni mea fou.



Na tuputupu ae o Ia i le *tino*.  
O lona uiga sa oo ina tele  
Lona tino.

Na tuputupu ae o ia ma alofagia e *le Atua*.  
O le uiga o lena mea, sa Ia aoao e uiga i  
le Tama Faalelagi. Sa aoao o Ia e tatalo.  
Sa Ia faitau i tusitusiga paia.



Na tuputupu a'e o ia ma  
alofagia e *tagata*. O lona  
uiga sa Ia faia ni uo fou.  
Sa agalelei o Ia i isi. Sa  
fesoasoani o Ia i lona aiga.



E mafai ona ou fesoasoani ia tuputupu a'e lo'u mafaufau ma lo'u tino.  
E mafai ona ou aoao e mulimuli i le Atua. E mafai ona avea a'u ma se uo  
lelei. O le a ou tuputupu a'e i auala lelei, e pei o Iesu! ●

*Faitau e uiga ia Iesu a o avea ma se tamaititi i le Luka 2:40-52.*

# O Loo O'u Tuputupu A'e



# Matua Pele

**Ua matou** fiafia lava e faalauiloa atu le *Uo* fou! O le a o atu faatasi le meka-sini lenei ma lau *Liahona*. Afai e leai ni tamaiti i lou aiga, matou te faamoemoe o le a e faasoaina atu i se tama a lau tama, tuaoi, po o se tamaititi o le Peraimeri.

O mea nei o le a e maua i totonu o le mekasini fou o le *Uo*:

- E silia ma le 20 itulau o tala, pese, ma gaoioiga
- Pepa fou o le a faigofie ai ona valivali, tusi ai ata ma otioti
- Se savali mai le Au Peresitene Sili
- Tala e uiga i le auaunaga i le kelope a le Korama a Apostetolo e Toasefululua
- Tala e uiga i tamaiti mai le salafa o le lalolagi
- Punaoa mo afiafi faaleaiga ma le suesueina faaleaiga o tusitusiga paia

Matou te fiafia e faalogo atu i ni o outou manatu e uiga i:

- Aafiaga o lou aiga i le faaaogaina o le *Uo* fou.
- Ou aafiaga i le faasoaina atu i isi.
- Soo se fautuaga mo le faaleleia atili.

## New Friend

**50 E. North Temple Street, Room 2393**

**Salt Lake City, UT 84150 USA**

**[liahona@ldschurch.org](mailto:liahona@ldschurch.org)**

Alofaaga,

O Le *Uo*



**Su'e le Liahona o loo natia ai i totonu!**

**I LE FAAVAA O LE UO**  
Ata na tusia e Melissa Manwill.

## ANOTUSI

- U2** Mai le Au Peresitene Sili: Aoao e uiga ia Iesu
- U4** Laauiti o le Molimau
- U6** Gaoioiga: Fatu o le Faatuatua
- U7** Musika: Faatuatua
- U8** Talofa mai le Atu Filipaina!
- U10** O le Lole-Aisa mo le Tupe o le Misiona
- U12** Siata o le Faitauina o le Feagaiga Fou
- U15** Pepa Lautele o I Ai se Savali o Manatu Lelei: Tatalo
- U16** O Apostetolo i le salafa o le Lalolagi: Asiasi Peresitene Ballard i Texas, ISA
- U18** O Le Oa E Fetaui Lelei Lava e Faasoa Atu
- U20** Mulimuli ia Iesu: Sa Aoaoina ma Tuputupu A'e Iesu
- U23** Itulau e Valivali: O Loo O'u Tuputupu A'e